



~~20~~  
England

5  
~~20~~

G VIII. 4

R-88

6

P

6



Vice Chancellors

1732 Steph Noblet DD All Souls

1736

1737

1738

1739

1740

1741

1742

1743

1744

1745

1746

1747

1748 John Purcell DD New College

1749 the same

1750 John Brown DD University

1751 the same

1752 the same

1753 the same

1754 George Huddesford DD Trinity

1755 the same

1756

1757 Tho' Randolph DD Corpus Christi

Heads of Colleges in Oxford

Dr John Brown DD — University  
 Dr Theo Leup DD — Balliol  
 John Parnel DD — New College  
 Steph Hublet DD — All Souls  
 Tho Jenner DD — Magdalen  
 Francis Harbrough DD — Krays Hall  
 Geo Huddersford DD — Emulph  
 Tho Pardo DD — Jesus  
 Geo Wyndham DD — Wadham  
 John Ratchiff DD — Pembroke  
 Wm Gower DD — Worcester  
 before 1749

1750 John Robinson DD — Merton  
 — Francis Webber DD — Exeter  
 1751 Tho Randolph DD — Corpus Christi  
 1755 Chardis Maygrave DD — Oriel  
 1756 } Joseph Krume DD — Queens  
 Rich<sup>d</sup> Hulse DD — Lincoln  
 David Gregory DD — Ch. Ch.  
 Wm Walker LL.D. — St John Bapt  
 Durul AM — Hartford





*Faint, illegible handwriting, possibly a signature or a note.*

W. Percival  
ex Dono Anna Dodwell.

RARE BOOK COLLECTION  
B.Y.U. Library

Gift of

Rare  
739.7

Call  
D669d

No. 1713

BRIGHAM YOUNG UNIVERSITY



3 1197 23155 4764



*Henrici Dodwelli*  
DE  
PARMA EQUESTRI  
WOODWARDIANA  
*DISSERTATIO.*

ACCEDIT  
THOMÆ NELI Dialogus inter Regi-  
nam ELIZABETHAM & ROBER-  
TUM DUDLEIUM, Comitem LEY-  
CESTRIÆ & Academiæ OXONI-  
ENSIS Cancellarium, in quo de Aca-  
demiæ Ædificiis præclare agitur.

---

Recensuit ediditque  
THO. HEARNE, A. M. OXONIENSIS,  
Qui & DODWELLI Operum editorum  
Catalogum præmisit.

---

OXONII,  
E THEATRO SHELDONIANO, MDCCXIII.  
Impensis Editoris.

---

Ex Annott. in p. 326. Vol. I.  
T. Livii Hist. Ed. Oxon.

*Nondum omni auro appenso.] Dum Livium edo Vir doctissimus JOANNES WOODWARDUS, M. D. ut Antiquitatis studiosos pleniori obsequio demereatur, publico dedit Clypeum votivum antiquum, arte exquisita summaque elegantia fabricatum: qui nobis ob oculos ponit Romam à Gallis, duce Brenno, captam & incensam: auri, pro Capitolio redimendo pacti, pensationem: adventum Camilli: metum fugamque Gallorum: ædificia varia publica: <sup>1</sup> equites, pedites: galeas, saga, caligas: ephippia: clypeos, gladios, pila, & vexilla. Cujus ectypum, forma minutiore expressum, quum Livio illustrando inserviat, tecum, lector, communicatum esse volumus; id beneficii tibi nobisque non invidente clarissimo Clypei istius possessore. Prisci ævi monumentum esse, nemo, nisi malevolentia suffusus, inficiabitur. Non tamen cuivis in proclivi est conjicere, cujus ætatis opificium sit. Verum quum in eo conspiciantur Amphitheatra è lapidibus structa, quæ apud Romanos post <sup>2</sup> Augusti tempora in usu esse cœperunt, mediæ Antiquitatis esse existimamus: infimæ enim adjudicari prohibet elegantior artificis manus. Verisimile est, quum moris antiquis erat scutis <sup>3</sup> inscribere præclara majorum facinora, ab aliquo è gente Furiana (forsitan & illo, qui arte militari sub Claudio inclaruit, teste Tacito in Annalibus) factum esse.*

---

<sup>1</sup> Romanos equites detractis frenis sæpe pugnasse docet ipse Livius, lib. XL. cap. 40. Vide item L. Flor. L. I. c. 9. ubi moris istius primum exemplum habemus. <sup>2</sup> Vide Lipsii lib. de Amphitheatro, c. 5. <sup>3</sup> Vide cl. viri HENRICI DODWELLI Dissertationem ad Fragmentum Livii lib. XXII. cap. 18. & Silium Italicum lib. IV. v. 146.

*W. Percival*

VIRO



V I R O

Ingenio & eruditione Illustri

JOANNI WOODWARDO,

Medicinæ Doctori,

Ejusdem Facultatis in Collegio

*GRESHAMENSI* Professori,

ET

Societatis REGIÆ Sodali,

Hanc Magni DODWELLI Dissertationem,

Una cum V. cl. THOMÆ NELI

Dialogo annexo submisſe offert

THO. HEARNE.

PRÆ-

---

---

## PRÆFATIO.

**P**RODIT, Lector erudite, cl. Dodwelli de Parma Equestri Woodwardiana Dissertatio. Eadem est hæc Parma Equestris cum Clypeo illo eximio quem in Livio nostro non ita pridem exhibui. Ubi & de ætate ejusdem paucis differui. Et hæc profecto non longe discrepant ab iis quæ de ejusdem itidem ætate observavit Dodwellus. Qui Dissertationem suam ad umbilicum pene perduxerat, quum (proh dolor!) morte nobis eriperetur. In illo tamen à Viro Magno dissentiendum esse puto, quod è Clypeis Votivis hoc vetustum Monumentum mihi esse videatur. Nec refragantur Antiquarii aliquot egregii, quos hac de re consuluit præstantissimus Woodwardus, ut è litteris, ad me scriptis, exploratum habeo.

Inter



Inter alios, qui de hoc quantivis pretii Monumento ad doctissimum Woodwardum Epistolas dederunt, jure merito numerari debet illustris Cuperus, Vir plane eruditissimus, & in re antiquaria versatissimus; quem honoris causa nomino. Cuperi Epistolam legit relegitque Dodwellus, secum nempe à cl. Woodwardo benigne communicatam. In quibusdam tamen ab illo discedit. Sed modeste id quidem, & non aliter quam virum pium atque eruditum decet, qualem Dodwellum fuisse fatentur omnes.

De Clypeis Votivis hac data occasione non incommode differi posset, multique subinde explicari Nummi. Sed quo minus illud à nobis expectet lector effecit cl. Sponii diligentia, qui in Miscellaneis suis eruditæ Antiquitatis plura de iis congeffit. Hoc proinde in præsentì tantummodo noto, Clypeum hunc de Vindice, five Curatrice, ultimi Testamenti D<sup>ni</sup>. Conyers, Londinensis, rerum antiquarum indagatoris indefessi, (qui quidem  
è fabri

è fabri ferrarii officina sibi compara-  
verat) emisse Woodwardum; id quod  
è litteris ejus colligo: unde porro li-  
quet ferrea materia, auro obducta,  
constare, esseque pondo unciarum 41.  
diametri pollicum 14. cum dimidio.  
Ansam quinetiam in parte interiore  
jam olim habuisse, quæ non alia est  
à retinaculo quod memorat Dodwel-  
lus, pag. 56.

De vita Dodwelli non est quod hîc  
loci agam. Nam de ea lingua verna-  
cula tractavi in Epistola quadam de  
Antiquitatibus inter Windlesoram &  
Oxoniam repertis. Hanc juris publici  
feci in quinto Volumine Joannis Le-  
landi Antiquarii Itinerarii, è Codici-  
bus MSS. à nobis eruti. Catalogum  
tamen Operum Dodwelli editorum,  
illic omissum, huic Dissertationi præ-  
mittendum curavi; addito insuper ad  
finem Auctorum quos in isto opuf-  
culo emendavit, illustravit, notavit-  
que Indiculo. In capitibus, quæ se-  
cutura erant, de Urbis Romæ ædifi-  
ciis, aliisque id genus, disputare de-  
creverat



creverat Vir Optimus. Quem in finem libros nonnullos rariores & melioris notæ (in proprio Muséo desideratos) è Bibliothecis paullo instructioribus expectabat. Ceterum quod innuat hoc in Clypeo non conspici Capitolium, illud plane aliter se habet. Ejus etenim satis manifesta indicia apparent in superiori Tabulæ parte. Sed hujusmodi errores vix quisquam evitare potest.

Huic denique Dissertationi subnexui Thomæ Neli, Viri clarissimi, Dialogum inter Reginam Elizabetham & Robertum Dudleium, Academiae Oxoniensis Cancellarium. Laudavi nuper in nono Volumine Lelandi Itinerarii. Agit nimirum de Collegiis, & Scholis Publicis, atque Aulis hujus Academiae celeberrimæ. Exemplar, quod secutus sum, exstat in Archivis Bibliothecæ Bodlejanæ. Illud ipsum esse existimo quod Serenissimæ Reginae donavit Auctor. Non tantum Collegia, sed & Scholas Publicas, ibi à Viro Cl. Joanne Berbloko,

Berbloko, harum rerum fatis perito<sup>a</sup>, delineata habemus; quæ omnia hîc etiam fideliter exsculpsit Chalcographus. Atque eo gratius fore hoc opusculum spes est, quòd exinde haud difficulter edisci possit aliam fere esse Academiam, novis in dies, longe elegantioribus pariter atque magnificentioribus, exstructis fabricis, ab ea quam descripserit Nelus.

E Bibl. Bodl.

Jan. 9. 17<sup>12</sup>/<sub>13</sub>.

---

\* Sic Nelus ipse, pag. 141. Vide quoque Athen. Oxon. Vol. I. col. 723.



D E

## HENRICO DODWELLO

TESTIMONIA paucula,

Ex innumeris fere quæ coacervari possent.

*E doctissimi Felli, Præsulis Oxoniensis Sanctissimi, Præfatione ad Editionem suam Operum S. Cypriani, Oxon. MDCLXXXII. fol.*

A nobis præterita, opportune supplebit eruditissimis suis observationibus Cyprianicis, propediem edendis; Vir optimus, ad pietatis juxta & rei literariæ profectum natus, Henricus Dodwellus.

*E cl. Hodii Dissertatione contra Historiam Aristæ de LXX. Interpretibus, Oxon. MDCLXXXIV. 8<sup>vo</sup>. p. 45.*

Si quisquam sit cui placeat hæc in margine à Lectore sciolo annotata fuisse, & inde in textum irrepsisse (quod fieri potuisse me amice admonuit Henricus Dodwellus, Vir piissimus, eruditione secundus nulli, humilitate mortalium omnium facile primus, quem honoris causa nomino) illi in hoc accedam, si modo vel unus manuscriptus Epiphani Codex, qui careat particula ista, productus fuerit.

*E viri doctiss. Jo. G. Grævii Epistola ad V. cl. Ed. Bernardum, prid. Kal. Maii MDCLXXXVI. inter Codd. MSS. Smithianos penes me, N. xxxvi. p. 67.*

Nec opina mihi per Schmidium Dantiscanum, Theologiæ studiosum, ex Germania per nostram urbem ad vos proficiscentem occasio tibi gratias agendi pro eximia cl. Dodwelli lucubratione, quam mihi dono misisti. Nec poteras fane gratius mittere. Nam Dodwellum magni facio, à quo legi ejus in Cyprianum exercitationes. Nec dubito quin hic liber sit ejus famæ & ingenio præclaro responsurus.

b

Ex

*Ex alia Grævii Ep. ad Bernardum prid. Kal.  
Jul. MDCLXXXV. Ibid. p. 71.*

Dodwelli ingenium & eruditionem magni facio.

*E litteris prædicti viri doctissimi E. Bernardi ad Amicum quendam singularem, inter Codd. Smithianos penes me, N. LXI. p. 193, 195.*

Our good and deprived Freind Mr. Dodwell, (whom God reward for his excellent Lectures here) hath receiv'd a Certificate from the Vice-Chancellor that he was dismiss'd from his Lecture for not taking the Oaths.

*Ex optimæ notæ libro (sed perraro) qui inscribitur, Some Discourses upon Dr. Burnet and Dr. Tillotson; occasioned by the late Funeral Sermon of the former upon the later. Lond. MDCXCV. 4<sup>to</sup>. p. 53. [Exstat in Bibl. Bodl. 4<sup>to</sup>. T. 18. Jur.]*

———— But to return again to Dr. Whitchot's Funeral Sermon; there is another Passage in it, which all the Men I ever spoke with, that heard or read it, took for a Reflection upon the Church of England, in the following Words: *He disclaimed Popery, and, as Things of near affinity with it, superstition and usurpation upon the Consciences of Men.* I know one Clergy-man who had a fair Respect for him before, that from this time would never defend his Reputation; And the most learned Mr. Dodwell, who indeed is a great Example of Heroick Piety and Virtue, was much offended with this Passage, and went on purpose to him to let him know what just Offence he had given by it; but notwithstanding he printed it again in his Third Volume of Sermons, with the Reflection in the Italick Character; which further proves what I said before, that how tender soever he was to the Dissenters, and extensive in his Charity to them, he had not such tenderness for true Church-men, nor such a Loathness to offend these as those.

*Ex*



*Ex recensione nostra Joannis Lelandi Itinerarii, p. 190.*

E lapide, humi jacente, in Presbyterio Ecclesiæ de Shottesbrooke in agro Bercheriensi.

Here lieth  
the Learned and Pious  
HENRY DODWELL M. A.  
Sometime Fellow  
of *Trinity* Colledge near *Dublin*,  
*Camden* Professor of History in *Oxon*.  
Born at *Dublin* Oct. MDCXLI.  
Dyed at *Shottesbrooke*  
The VII. of *June* MDCCXI.  
Anno Æt. LXX<sup>o</sup>.

Hæc Anglice, Modestiæ atque Humilitati Dodwelli apprime congrua. Nec minus consona Opinioni quam de eo omnes ubique conceperant. Epitaphium tamen Latinum postulabant nonnulli. Hinc ea quæ sequuntur scripserunt quidam ex intimis ejus, viz.

Memoriæ S.

HENRICI DODWELLI, A. M.  
Collegii SS. & Individuæ TRINITATIS  
Prope DVBLINIAM quondam Socii,  
Deinde in Academia OXONIENSI  
Historices Prælectoris CAMDENIANI:  
Viri (si quis alius) pii, sancti, modesti,  
Integri, docti.

Plura si velis, libros, quos reliquit, immortales consule :

In quibus Ecclesiæ & Regiæ Majestatis,  
Contra Pontificios, Fanaticos, ac Perduelles,  
Jura strenue asseruit,  
Miraque Ingenii Judiciiue subtilitate  
Antiquitatis & rei Chronologicæ nodos  
Difficillimos expedit.

Ob. *Jun.* 7. A. D. 1711. Æt. 70.

Conjugi optimo ANNA DODWELLA  
M. P.

Quum vero alii, ingenio & eruditione pollentes, hanc Inscriptionem paullo breviorē esse judicarent, pro arbitrio permutarunt, novamque substituerunt; quam proinde è pariete Septentrionali prædicti Presbyterii in gratiam lectoris hîc loci etiam subjungere visum est.

Accede Hospes, quicumque Literarum Studia  
Vel Humanarum vel Divinarum sapis :

Disce marmor hoc quem signet virum.

Hîc Ille sua condi ossa voluit,

Cui inter vivos frustra quæsieris parem,

HENRICUS DODWELLUS:

In quo conjuncta erant

Cum memoria rerum prope infinita,

Et Inventionis Fœcunditas,

Et judicii Acumen ;

Cum mirifico quodam Pudore,

Animi Firmitas inconcussa ;

Cum aliqua in disputando vehementia,

Candor eximius.

Quod, difficillimis in re Chronologica nodis

Feliciter expeditis,

Novam Antiquæ Historiæ Lucem affuderit,

Eam Illi Laudem ultro omnes

Quasi Suam & Propriam tribuunt.

Sed & Hanc etiam cum paucis communem habuit,

Quod toties in Arena Critica

Sine Fastu & Maledicentia certaverit :

Omnemque, quaquā patet, eruditionis ambitum

Capaci mente comprehenderit,

Istius interim,

Quam aucupari solent Eruditorum Coryphæi,

Gloriolæ Contemptor.

Ad Majora scilicet intentus,

Primævæ in Ecclesia Disciplinæ Vindex

Audire maluit,

Quam Reipublicæ Literariæ Lumen.

Vetera itaque Patrum Christianorum Monumenta

Indefessus perlustravit ;

Et



Et quorum Scripta animo accurate infixerat,  
Eorum Severitatem & Sanctimoniam  
In vita accuratius expressit.

\* E Collegio SS. *Trinitatis*, prope *Dubliniam*,  
Doctorem suffragiis accersitus,  
*Oxonium* migravit ;

† Ubi Prælectoris *Camdeniani* Munus,  
Multa cum Laude, quoad Potuit, sustinuit.

Inde cum recessisset,  
In *Ædibus Shottesbrochianis*,  
Amicissimi Viri Hospitio usus,  
Inter Libros delituit, consenuit, obiit,  
Juris Regii & Episcopalis  
Ad Extremum usque Spiritum Propugnator.

Animam Eruditam, Simplicem, Piam  
Deo reddidit, *Jun. 7. A. D. 1711. Æta. 70.*  
Conjugi Optimo ANNA DODWELLA  
M. P.

\* E secessu suo *Asaphensi* Doctorem &c. malint alii. Nam Collegio SS. *Trinitatis* ante annos aliquam multos decesserat valedixeratque, & in *Wallia* degebat quo tempore in *Historices* Prælectorem *Camdenianum* electus fuit.  
† Potius, ut legi voluit Amicus ejus integerrimus, *Ubi Prælectoris Camdeniani* multa cum laude, quoad salvâ conscientiâ licuit, munus sustinuit.

---

## CL. D O D W E L L I

Opera edita.

- I. *Prolegomena Apologetica* in Joannis Stearnii, M. D. de *Obstinatione* librum posthumum, à Dodwello (cujus Tutor fuerat Stearnius) in lucem editum *Dublinii* MDCLXXII. 8<sup>vo</sup>. In *Prolegomenis* hisce de usu Dogmatum Philosophicorum, præcipue Stoicorum, in *Theologia* aliisque agitur. Est liber rarus, utpote cujus trecenta tantummodo exemplaria fuerunt impressa.
- II. *Two Letters of Advice*. I. *For the Susception of Holy Orders*. II. *For Studies Theological, especially such as are Rational*. At the end of the former is inserted, *A Catalogue of the Christian Writers and*  
ge-

*genuine Works that are exstant of the first three Centuries.* 8<sup>vo</sup>. Liber hic eximius primum prodiit Dublinii anno MDCLXXII. Deinde bis prodiit Londini una cum Differtatione annexa (Anglice itidem scripta) de Sanchoniathonis Historia Phœnicia. Cui Differtationi ansam præbuerunt Epistolæ quædam pereruditæ, inter Auctorem & virum cl. Thomam Smithum Collegii B. Mariæ Magdalensæ Oxon. socium. Harum Epistolarum Autographa penes me habeo.

- III. *An Introduction to a Devout Life: containing especially, a prudent Method for Spiritual Closset-Exercises, and Remedies against the Difficulties ordinarily occurring in the Conduct of a pious Life. Fitted for the use of Protestants.* Dublinii MDCLXXIII. 12<sup>o</sup>. Auctor hujus libri fuit Franciscus Salesius, Episcopus & Princeps Gebennensis. Quum autem novam Anglice editionem (nam Versio Anglicana jam antea prodierat Londini MDCXII. in duodecimo) meditaretur Bibliopola, à Dodwello impetravit ut reviseret, & quæcunque Ecclesiarum Reformatarum Doctrinis sibi minus congrua viderentur refecaret. Id quod non invitatus præstitit Dodwellus, Præfationeque, satis prolixa, sed pia plane & erudita ornavit. Hujus Editionis (longe quidem illa præstantioris quam Nicholsio debemus) exemplaria sunt perquam rara.
- IV. *Some Considerations of present Concernment, how far the Romanists may be trusted by Princes of another Perswasion; Relating to the Design of the Controversial Letters, and some other Discourses lately published by that Party of them, who have concerned themselves in this Subject.* Lond. MDCLXXV. 8<sup>vo</sup>.
- V. *Two short Discourses against the Romanists. 1. An Account of the Fundamental Principle of Popery, and of the Insufficiency of the Proofs which they have for it. 2. An Answer to six Queries proposed to a Gentlewoman of the Church of England, by an Emissary of the Church of Rome.* Lond. MDCLXXVI. 12<sup>o</sup>. Prodiit iterum Londini anno MDCLXXXVIII. (in 4<sup>to</sup>.) una cum Præfatione nova, quæ sic inscribitur: *A Preface,*  
with



*with particular Regard to the Bishop of Meaux's design in explaining the Doctrine of the Romish Church, and complaining of Misrepresentations.*

VI. *Separation of Churches from Episcopal Government, as practised by the present Non-Conformists, proved Schismatical from such Principles as are least controverted, and do withal most popularly explain the Sinfulness and Mischief of Schism. In this Treatise the Sin against the Holy Ghost, the Sin unto Death, and other difficult Scriptures are occasionally discoursed of, and some usefull Rules are given for Explication of Scripture.* Lond. MDCLXXIX. 4<sup>to</sup>. Ut opus hoc præstantissimum in epitomen redigeret auctor sæpissime monuerunt & hortati sunt Amici aliquot doctissimi; sed quo minus id efficeret alia, quibus districtus fuit, obstiterunt negotia. Partem tamen secundam, Historicam nempe, lingua Latina pertexebat. Hanc non semel mihi videre contigit. Quum tamen multa hinc inde desiderentur, imperfectamque reliquerit Auctor, eam luce indignam esse censent Amici.

VII. *A Reply to Mr. Baxter's pretended Confutation of a Book entituled, Separation of Churches from Episcopal Government, &c. proved Schismatical. To which are added, Three Letters written to him in the Year 1673. concerning the Possibility of Discipline under a Diocesan Government, (which though relating to the Subject of most of his late Books, have never yet been answered.)* Lond. MDCLXXXI. 8<sup>vo</sup>.

VIII. *Dissertationes Cyprianicæ.* Oxon. è Theatro Sheldoniano MDCLXXXII. 8<sup>vo</sup>. Opus hoc concinnavit Vir doctissimus rogatu & hortatu sanctissimi eruditissimique viri Joannis Felli, episcopi Oxoniensis. Præter hanc in 8<sup>vo</sup>. Editionem in Folio etiam eodem anno prodiit alia, in eorum gratiam qui simul cum Felli Editione Cypriani elegantissima Dissertationes compingi voluerunt. De Paucitate Martyrum agit Dissertatio undecima, quam ut scriberet Dodwellus monuit vir cl. Guilielmus LLOYDIUS tunc Asaphensis, deinde Lichfeldensis & Coventriensis, nunc vero Vigorniensis episcopus.



copus. Dodwellum ob hanc Dissertationem criminati sunt, immo conviciis lacerarunt non tantum Pontificiū, sed multi etiam ex Reformatis. Plures ad eandem Responsiones exstant; quarum illa præstantissima pariter atque accuratissima esse censetur quam eruditissimus Ruinhartus evulgavit in Præfatione sua ad Acta Martyrum. Hæc item Præfatio exstat ad calcem cl. Bauldrii Editionis Lactantii de mortibus Persecutorum, Trajecti ad Rhen. MDCXCII. Id porro notandum ad finem Dissertationum Cyprianicarum Appendicem accedere præclaram & luculentam, in qua fragmenta quædam vetera comparent orbi literario pergrata, viz. (1.) Canon Regum Astronomicus, partim cum MSS. editisque collatus, partim è MSS. nunc primum editus. (2.) Fasti Græci, Theonis forsitan Alexandrini, (ex Archivis tamen Sacerdotum Heliopolitanorum) nunc primum editi, è MS. Saviliano. (3.) Fragmentum Theonis Alexandrini in *ποροίς* Ptolemæi *ναύνας*, è MS. Barocciano. (4.) Fasti alii Græci, forte Imperatoris Heraclii, ex Apographo Vossiano. (5.) Fragmentum Imperatoris Heraclii in *ποροίς* Ptolemæi *ναύνας*, è MS. eodem Barocciano. (6.) Fasti Latini è MS. Collegii Corporis Christi Oxoniensis.

IX. *A Discourse concerning the one Altar and the one Priesthood insisted on by the Ancients in their Disputes against Schism. Wherein the Ground and Solidity of that way of Reasoning is explained, as also it's applicableness to the Case of our Modern Schismatics, with particular Regard to some late Treatises of Mr. Richard Baxter. Being a just Account concerning the true Nature and Principles of Schism according to the Ancients.* Lond. MDCLXXXIII. 8<sup>vo</sup>.

X. Dissertatio de Ripa Striga ad Lactantium de Mortib. Persecutorum, §. XVII. Exstat ad calcem elegantis Editionis Operum Lactantii per cl. Sparkium Oxon. è Th. Sheld. MDCLXXXIV. 8<sup>vo</sup>. quæ Lactantii Editio nunc est paullo rarior. Habemus quoque in fine cl. Bauldrii Editionis Lactantii de Mortib. Persecut. cujus superius mentionem feci. Vide N. VIII.

XI. De



- XI. De Jure Laïcorum Sacerdotali, ex Sententia Tertuliani aliorumque Veterum Dissertatio, adversus Anonymum Dissertatorem, *De Cœnæ Administratione, ubi Pastores non sunt.* Lond. MDCLXXXV. 8<sup>vo</sup>. Quem hîc Anonymum vocat Dodwellus, is est re vera Magnus Grotius, cujus Dissertationem præfigendam curavit Dodwellus, hoc adposito Titulo: *V. Cl. Hugonis Grotii de Cœnæ Administratione ubi Pastores non sunt, Item an semper Communicandum per Symbola? Dissertatio.* Quin & Petavii atque Clopenburgii Responsiones ad hunc Grotii libellum edidit. Operi autem huic occasionem præbuit versio Anglicana Grotii libelli, quam Auctor ejusdem sic inscripsit, *Antidodwelisme; being two curious Tracts formerly written by Hug. Grotius, concerning a Solution of these two Questions, 1. Whether the Eucharist may be administered in the absence of, or want of Pastors &c.* Interpretem hunc Calvinianum appellat Dodwellus in Præfatione. Nomen vero non profert. Amicus tamen quidam me docuit illum fuisse Guilielmum Baxterum, Virum eruditum, & qui sententiam suam in multis mutasse perhibetur. Liber iste Dodwelli est rarissimus.
- XII. Additiones ad V. Cl. Joannis Pearsoni, Cestriensis episcopi, Opera posthuma Chronologica, &c. ab ipso Dodwello prelo tradita, ipsiusque cura edita. Lond. MDCLXXXVIII. 4<sup>to</sup>.
- XIII. Dissertatio singularis, de Pontificum Romanorum primæva Successione, usque ad Annales cl. Cestriensis Cyprianicos. Quâ fontibus Chronologiæ Pontificiæ purgatis restitutisque, nova Cestriensis Chronologia, partim novis Pontificum notis Historicis illustratur, partim etiam emendatur. Exstat ad finem Operum antedictorum Pearsoni posthumorum Chronologicorum.
- XIV. Dissertationes in Irenæum. Accedit Fragmentum Philippi Sidetæ, hætenus ineditum, de Catechistarum Alexandrinorum Successione, cum Notis. Oxon. è Th. Sheld. MDCLXXXIX. 8<sup>vo</sup>. Opus hoc, quod hortante optimo Fello suscepit, continuare decreverat Auctor. Ideoque Dissertationes hæc primas Prolegomena tantummodo

tummodo appellat. In hac autem Continuatione de Hæresibus primævis & Hæreticis dicturus fuit, quo nempe tempore ortus quisque fuerit Hæreticus, quasque captarit dogmatum adeo monstroforum occasiones. Ceterum quot Partibus, five Tomis, comprehendenda esset id mihi plane est incompertum. Pauculas quidem ejusdem schedulas absolvit; sed quo minus pergeret impedierunt tempora, quæ sequebantur, iniqua. Nam quum ex illis Viris esset probis, qui fidem, Regi per juramentum datam, violare nefas esse ducerent, plurimis eo nomine contumeliis divexatus, injuriisque multiplicibus affectus fuit, pulsusque, proh dolor! munere professorio, quo in Academia Oxoniensi fruebatur, Camdeniano, & vitam Eremiticam agere coactus, ad alia studia, utilia sane, sed Ecclesiæ non æque profutura, animum adplicuit.

XV. *Concerning the Case of taking the new Oath of Fealty and Allegiance, with a Declaration &c. — 4<sup>to</sup>.* Ex hoc aureo tractatu liquet in legibus nostris municipalibus non parum versatum fuisse Dodwellum. Novem duntaxat paginas continet, estque paullo rarior. Sed Auctoris nomen præ se non fert.

XVI. Prælectiones Camdenianæ ad initium Vitæ Hadriani à Spartiano scriptæ: Trajani Vitam universam, & Hadriani honores sub Trajano gestos, pro temporis serie, disponentes, &c. Accedunt Diurnorum Urbis è Tabulis Marmoreis Fragmenta, partim hætenus inedita: Cum Notis, in quibus veteris Anni Romani ratio explicatur. Item Tabulæ & Canones ad Supputationes, in veteri Chronologia Romana, necessarii. Oxon. è Th. Sheld. MDCXCII. 8<sup>vo</sup>. Fragmenta dicta, quæ non alia quam Librorum Pontificum Linteorum reliquias esse censent nonnulli, nos etiam edidimus una cum variis Lectionibus ad calcem Livii nostri.

XVII. *A Vindication of the deprived Bishops, asserting their Spiritual Rights against a Lay-Deprivation, against the Charge of Schism, as managed by the late Editors of an anonymous Baroccian MS. In two parts. I. Shewing, that though the instances collected*  
in



*in the said MS. had been pertinent to the Editors design, yet that would not have been sufficient for obtaining their Cause. II. Shewing, that the instances there collected are indeed not pertinent to the Editors design for vindicating the Validity of the Deprivation of Spiritual Power by a Lay-Authority. To which is subjoined the latter End of the said MS. omitted by the Editors, making against them and the Cause espoused by them. In Greek and English. London,*

*MDCXCII. 4<sup>to</sup>. Tractatus prædicti Græci Editor præcipuus fuit cl. Hodius. Sed frustra. Nam ad rem suam nequaquam facere clare ostendit Dodwellus; cui tamen plures responderunt, inter quos & ipse fuit Hodius. Inde etiam Dodwelli (sive potius Patrum veterum) opinionem defenderunt multi, eruditione, & iudicio, & probitate illustres. Vir item quidam mediocris eruditionis pro Dodwello libros duos scripsit, quorum unus lucem \* adspexit. Idem nempe ille vir qui Cyrilli Hierosolymitani Opera Græco-Latine cum tribus nostris indicibus locupletissimis (quos ipsius rogatu confeceramus) è Theatro Sheldoniano edidit, notisque (minus necessariis, hinc inde excerptis) oneravit. Sed non est quod hunc morer. Sententiam enim non multo post mutabat, & in Dodwellum (Amicum suum eximium) acriter invehebatur, eumque contumeliis subinde irritabat. Et hæc quidem omnia ut eo facilius ad honores, quos ambiebat, eveheretur.*

XVIII. Annales Velleiani, seu Vita M. Velleii Paterculi pro temporum ordine disposita. Præmittuntur Editioni Velleii Paterculi quæ è Th. Sheldoniano prodiit (in 8<sup>vo</sup>.) anno MDCXCIII. Annales hosce contexuit Au-

---

\* Anno videlicet MDCXCVIII. 4<sup>to</sup>. Titulus sic se habet: *Remarks on the Occasional Paper, Numb. VIII. Eodem anno Responsio ad eundem prodiit, itidem in 4<sup>to</sup>. & hoc modo inscripta, Reflexions on a Pamphlet entitled Remarks on the Occasional Paper, Numb. VIII. relating to the Controversy betwixt Dr. Hody and Mr. Dodwell, &c. Cl. Hodius Auctor fuisse perhibetur. Nescio quam vere. Id mihi certe compertum est, hinc Virum nostrum mediocriter doctum occasionem captasse alterum illum librum, nondum typis mandatum, conscribendi, in quo quæcunque asseruerat Dodwellus pro virili paullo fusius defendit. Hoc sciens dico, quippe qui exscripsi, semelque atque iterum perlegi.*

etor hortatu Viri eximii D. Arthuri Charletti, S.Th. P. Collegii Universitatis apud Oxonienses præfecti, cui non parum debet hæc Velleii Editio, quam ob Annales magni faciunt eruditi. Iterato prodiit Vellejus è Th. Sheld. ante unum alterumque annum; sed sine Annalibus, ideo forsan omissis quod Dodwellus ipse in alio libro imprimendos curavisset, quem paullo inferius memorabo. Vide N. XXII.

XIX. *Invitation to Gentlemen to acquaint themselves with antient History.* Præmittitur Editioni secundæ (quæ prodiit Londini MDCXCIV. in 8<sup>vo</sup>.) Versionis Anglicæ libelli, à V. Cl. Degoreo Whearo conscripti, de ratione & methodo legendi Historias. Interpres vero fuit Edmundus Bohunus, Armiger.

XX. *A defence of the Vindication of the Deprived Bishops. Wherein the Case of Abiathar is particularly considered, and the Invalidity of Lay-Deprivation is further proved, from the Doctrine received under the Old Testament, continued in the first Ages of Christianity, and from our own Fundamental Laws. In a Reply to Dr. Hody and another Author. To which is annexed, The Doctrine of the Church of England, concerning the Independency of the Clergy on the Lay-Power, as to those Rights of theirs which are purely Spiritual, reconciled with our Oath of Supremacy, and the Lay-Deprivations of the Popish Bishops in the beginning of the Reformation.* Lond. MDCXCV. 4<sup>to</sup>. Sic quidem in prima pagina. Sed Dissertatio illa (tractatui huic annexa) de Doctrina Ecclesiæ Anglicanæ quoad Cleri à Magistratu Seculari Independentiam, seorsim prodiit, anno nempe MDCXCVII. Nec quidem Defensio ipsa eodem quo & impressa fuit anno, juris publici facta erat. Utramque quippe partem suppresserunt adversarii, utpote qui probe noverant Dodwelli opinionem argumentis validissimis testimoniisque, è primævis Ecclesiæ aliisque optimæ notæ Scriptoribus petitis, fultam esse.

XXI. Chronologia ad Thucydidis Historiam, cum Præmonitione ad Lectorem de eadem. Exstat in Hudsoniana Thucydidis



Thucydidis editione, Oxon. è Th. Sheld. MDCXCVI. fol. XXII. Annales Velleiani, Quinctiliani, Statiani. Seu Vitæ P. Velleii Paterculi, M. Fabii Quinctiliani, P. Papinii Statii, (obiterque Juvenalis) pro temporum ordine dispositæ. Cum Appendice Dissertationum duarum Miscellanearum, quarum I. agitur de Julii Cæsaris Vita per Julium Celsum nuper edita à cl. Grævio. II. de editi à cl. Rigaltio Commodiani ætate. Oxon. è Th. Sheld. MDCXCVIII. 8<sup>vo</sup>. Una cum his etiam edere constituerat Annales Plinii Junioris, quos quidem primos condiderat. Mentionem feci in Præfatione ad Plinium à me editum. Hos tamen apud se premere visum fuit Auctori, quod cultum adhuc majorem expectarent è coævorum Chronologia. Inter chartas ipsius ineditas non semel vidi, quin & dum in vivis erat mihi perlegendi copiam fecit. Multa non tantum sub finem, verum etiam alibi desiderantur operi absolvendo prorsus necessaria. Nec Auctori, aliis negotiis obruto, recensere & prelo mandare vacavit. nedum cl. Massoni objectiones refellere, & infirmas esse (id quod facillime potuit Dodwellus) demonstrare. Vide N. XVIII.

XXIII. De Tabulis cœlorum Dissertatio. Exstat in Vol. Imo. cl. Grabii Spicilegii Patrum, p. 339. Oxon. è Th. Sheld. MDCXCVIII. 8<sup>vo</sup>.

XXIV. Tabulæ Chronologicæ pro mente Auctoris XII. Patriarcharum. Exstat ibid. p. 366.

XXV. Dissertationes ad Imum. Volumen Geographorum Græcorum Minorum Hudsonianorum. Oxon. è Th. Sheld. MDCXCVIII. 8<sup>vo</sup>. Agunt nempe (1.) De ætate Periplusi Hannonis. (2.) De ætate Periplusi Scylacis. (3.) De ætate scripti Agatharchidis de Rubro Mari. (4.) De ætate & auctore Periplusi Maris Erythræi. (5.) De ætate Periplusi Maris Euxini. (6.) De Arriani Nearchi. (7.) De Scriptis & ætate Marciani Heraclæotæ. (8.) De Periplo Anonymo Euxini Maris. — Dissertationis de ætate Scylacis iteratam editionem habemus in Geographicis antiquis quæ in 4<sup>to</sup>. Lugd. Bat. MDCC. prodierunt, cura atque opera Jacobi Gronovii,

novii, qui calamum admodum virulentum (pro more suo) in Dodwellum Hudsonumque strinxit, quem tamen in ipsius jugulum retorquere (id quod fortiter & dextre fieri posset) è re literaria non visum fuit.

XXVI. *A Treatise concerning the Lawfulness of Instrumental Musick in Holy Offices, with a Preface by J. Newte.* Lond. MDCC. 8<sup>vo</sup>. Editio secunda, prima longe auctior & emendatior. Hæc tamen mendis etiam aliquammultis inquinatur.

XXVII. Chronologia Xenophontea. Oxon. è Th. Sheld. MDCC. 8<sup>vo</sup>. ad calcem Xenophontis Hist. Græc. à V. Cl. Edwardo Welles edit. V. N. XXXIII.

XXVIII. Chronologia ad Julii Cæsaris Comm. Ea pars tantummodo impressa est quæ ad librum I<sup>um</sup>. de Bello Gallico spectat. Nondum tamen divulgata, quoniam Amico nostro summo, Henrico Aldrichio, Viro plane doctissimo, & Academiæ Oxoniensis decori, (qui magno reip. literariæ damno nuper obiit) ab Editione Cæsaris, (quam meditabatur) elegantissima juxta atque magnificentissima, aliis, ni fallor, negotiis distento desistere visum fuit. Cum Aldrichio item Dissertationem de Julii Cæsaris in Britanniam nostram exscensione communicavit Dodwellus. Sed metuo ne tam Dissertatio quam Chronologia perierint inter chartas quas ultimo suo testamento comburendas jussit Aldrichius. Nec quidem exemplar apud se reservavit Auctor.

XXIX. *A Letter concerning J. T. [i. e. John Toland.]* Epistola hæc exstat ad finem secundæ Editionis libri eximii, cui Tit. *The Canon of the New Testament vindicated; in answer to the Objections of J. T. in his Amyntor.* Lond. MDCCI. 8<sup>vo</sup>. Librum dictum scripsit vir pereruditus Joannes Richardsonus S. T. B. Collegii Emanuelis apud Cantab. non ita pridem socius.

XXX. De veteribus Græcorum Romanorumque Cyclis, obiterque de Cyclo Judæorum ætate Christi, Dissertationes decem, cum Tabulis necessariis. Inseruntur Tabulis Fragmenta Veterum inedita, ad rem spectantia Chronologicam. Opus Historiæ veteri, tam Græcæ, quam Romanæ, quam & Sacræ quoque necessarium. Oxon. è Th. Sheld. MDCCI. 4<sup>to</sup>.

XXXI.



- XXXI. *A Discourse concerning the Obligation to marry within the true Communion, following from their Style of being called a Holy Seed.* Lond. MDCCII. 8<sup>vo</sup>. Edidit Amicus noster ingenio, eruditione & virtute celeberrimus Carolus Lesleius, qui etiam & ipse de eodem argumento Dissertationem egregiam præfixit.
- XXXII. *An Apology for the Philosophical Writings of Cicero.* In hac Apologia Pet. Petiti Animadversiones refutavit. Edidit ad initium Versionis suæ Anglicanæ Ciceronis librorum de finibus Amicus optimus & pereruditus Samuel Parkerus, Londini nempe anno MDCCII. 8<sup>vo</sup>.
- XXXIII. Annales Thucydidei & Xenophonteï. Præmittitur Apparatus, cum vitæ Thucydidis Synopsi Chronologica. Oxon. è Th. Sheld. MDCCII. 4<sup>to</sup>. Annales Xenophonteï non alii sunt quam Chronologia Xenophontea, de qua supra. V. N. XXVII.
- XXXIV. Dissertationes ad Volumen secundum Geographorum Græcorum Minorum à cl. Hudsono editorum. Oxon. è Th. Sheld. MDCCIII. 8<sup>vo</sup>. In his autem agitur (1.) De Dicæarcho, ejusque Fragmentis. (2.) De Isidoro Characeno. (3.) De Scymno Chio. (4.) De Auctore libri de Fluviis. (5.) De Agathemero. (6.) De Strabonis Excerptore. Ultimam harum Dissertationum in Strabone suo edidit item Cl. Almeloveenius, ubi quoque Chrestomathias & Cl. Hudsoni Notas in easdem (Auctoris tamen nomine celato) evulgavit.
- XXXV. *A Letter concerning the Immortality of the Soul, against Mr. Henry Layton's Hypothesis.* Hanc epistolam edidit dictus Hen. Layton in libro à se juris publici facto (anno videlicet MDCCIII. in 4<sup>to</sup>.) cui hic titulus, *Arguments and Replies, in a Dispute concerning the Nature of the Humane Soul, viz. whether the same be Immaterial, separately subsisting, and intelligent; or be material, unintelligent, and extinguishable at the Death of the Person.*
- XXXVI. *A Letter to Dr. Tillotson about Schism.* Edita fuit in 8<sup>vo</sup>. anno MDCCIII. una cum Reverendi admodum in Christo Patris, Thomæ Kenni Bathoniensis & Wellensis

Wellensis episcopi, Primævæ Pietatis cultoris summi, ut & Juris Regii Assertoris fortissimi, de morte Mariæ P. A. epistola, lectu dignissima, & quæ memoria teneri omnino mereatur.

XXXVII. De nupero Schismate Anglicano Parænesis ad Exteros, tam Reformatos quam etiam Pontificios, qua Jura Episcoporum vetera, eorundemque à Magistratu Seculari Independentia omnibus asserenda commendantur. Lond. MDCCIV. 8<sup>vo</sup>. Eodem etiam anno Anglice prodiit, opera Thomæ Browne, viri ingeniosi. Hæc versio Dodwello perplacuit.

XXXVIII. Exercitationes duæ: Prima, de ætate Phalaridis; secunda, de ætate Pythagoræ Philosophi. Cum Præfatione in qua hæc quæstio discutitur, *Artemne epistolas scribendi exploratam potuerit habere Phalaris?* Lond. MDCCIV. 8<sup>vo</sup>.

XXXIX. Chronologia ad Dionysium Halicarnasseum, cum Apparatu ad eandem. Habemus in edit. Dionysii Hal. Hudsoniana Oxon. è Th. Sheld. MDCCIV. fol.

XL. De ætate Dionysii Halicarnass. obiterque de *Ævâ* modo quem adhibet in Chronologia sua Dionysius. Exstat in dicta Dionysii edit.

XLI. *Occasional Communion fundamentally destructive of the Discipline of the Primitive Catholick Church, and contrary to the Doctrine of the latest Scriptures, concerning Church-Communion.* Lond. MDCCV. 8<sup>vo</sup>.

XLII. *A Case in View consider'd: in a Discourse, proving that [in Case our present invalidly deprived Fathers shall leave all their Sees vacant, either by Death or Resignation] we shall not then be obliged to keep up our Separation from those Bishops, who are as yet involved in the Guilt of the present unhappy Schism.* Lond. MDCCV. 8<sup>vo</sup>.

XLIII. *An Epistolary Discourse, proving, from the Scriptures and the first Fathers, that the Soul is a Principle naturally mortal; but immortalized actually by the Pleasure of God, to Punishment; or, to Reward, by it's Union with the Divine Baptismal Spirit. Wherein is proved, That none have the Power of giving*



*giving this Divine Immortalizing Spirit, since the Apostles, but only the Bishops.* Lond. MDCCVI. 8<sup>vo</sup>. Secunda etiam exstat Editio. Prima mendis scatet, typographorum incuria & oscitantia. In pag. 245. fragmentum habemus è Vettii Valentis Anthologia Græca, hæctenus inedita, cujus Codex præstantissimus in Bibliotheca Bodlejana adservatur. Plures ad hunc librum prodierunt Responsiones, sed (dempta una & altera) contumeliis (quibus semper abstinuit Dodwellus) plenissimæ, ideoque Christianis auribus minus dignæ.

XLIV. *That Sacerdotal Absolution is necessary for the Remission of Sins, even of those who are truly penitent.* Exstat in Dissertatione Epistolari prædicta, ad finem nempe Præmonitionis ad Lectorem.

XLV. *A Preliminary Defence of the Epistolary Discourse, concerning the Distinction between Soul and Spirit. In two Parts. I. Against the Charge of favouring Impiety. II. Against the Charge of favouring Heresie. In the former is inserted a Digression, proving, that the Collection of the Code of the four Gospels in Trajan's Time is no way derogatory to the sufficient Attestation of them.* Lond. MDCCVII. 8<sup>vo</sup>.

XLVI. *A further Prospect of the Case in View, in Answer to some new Objections not there considered.* Lond. MDCCVII. 8<sup>vo</sup>.

XLVII. *The Scripture Account of the Eternal Rewards or Punishments of all that hear of the Gospel, without an Immortality necessarily resulting from the Nature of the Souls themselves that are concerned in those Rewards or Punishments. Shewing particularly, I. How much of this Account was discovered by the best Philosophers. II. How far the Accounts of those Philosophers were corrected, and improved, by the Hellenistical Jews assisted by the Revelations of the Old Testament. III. How far the Discoveries forementioned were improved by the Revelations of the Gospel. Wherein the Testimonies also of S. Irenæus and Tertullian are occasionally considered.* Lond. MDCCVIII. 8<sup>vo</sup>.

XLVIII. *Dissertatio ad fragmentum quoddam T. Livii è*

d

MS.



MS. Laudino erutum. Exstat in Vol. sexto Livii nostri, Oxon. è Th. Sheld. MDCCVIII. 8<sup>vo</sup>.

XLIX. *An Explication of a famous Passage in the Dialogue of S. Justin Martyr with Tryphon, concerning the Immortality of Humane Souls. Being a Letter to the learned Author of a Book intituled, Ἡ χάρις τοῦ Θεοῦ &c. With an Appendix, consisting of a Letter to the Reverend Mr. John Norris of Bemerton; and an Expostulation, relating to the late Insults of Mr. Clark and Mr. Chishull.* Lond. MDCCVIII. 8<sup>vo</sup>. Expostulationem plurimum collaudarunt Dodwelli inimici, etiam atrocissimi.

L. *A Discourse concerning the Use of Incense in Divine Offices. Wherein it is proved, That that Practice, taken up in the middle Ages, both by the Eastern and Western Churches, is, notwithstanding, an Innovation from the Doctrine of the first and purest Churches, and the Traditions derived from the Apostles. Serving also to evince, That even the consent of those Churches of the middle Ages, is no certain Argument; that even the Particulars, wherein they are supposed to consent, were faithfully derived from the Apostles, against the modern Asserters of the Infallibility of oral Tradition. In a Letter to a Friend.* Lond. MDCCXI. 8<sup>vo</sup>.

LI. *The Case in View, now in Fact. Proving, That the continuance of a Separate Communion, without Substitutes in any of the late Invalidly-deprived Sees, since the Death of William late Lord Bishop of Norwich, is Schismatical. With an Appendix, proving, That our late Invalidly-deprived Fathers had no right to substitute Successors, who might legitimate the Separation, after that the Schism had been concluded by the Decease of the last Survivor of those same Fathers.* Lond. 1711. 8<sup>vo</sup>. Scatet mendis, utpote qui ex inerudito prelo prodiit.

LII. *In Julii Vitalis Epitaphium Notæ Criticæ, cum ejusdem Explicatione. Edidit cl. Musgravius in Commentario suo ad dictum Epitaphium, Iscæ Dunmoniorum* (id



(id. est, Exoniæ) MDCCXI. 8<sup>vo</sup>. Lapis, qui Epitaphium continet, prope Bathoniam fuit repertus. Inscriptionem communicavi cum Dodwello. Mecum autem doctissimus Halleius. Quin & ego Dissertationem in idem Antiquitatis monumentum evulgavi ad finem vitæ Ælfredi Magni à Domino Joanne Spelmanno jam olim lingua Anglicana conscriptæ, & à me ex Autographo primum fideliter erutæ, A. D. MDCCIX. 8<sup>vo</sup>. è Theatro nempe Sheld.

LIII. Ad clariss. Goëtzium, de Puteolana & Bajana Inscriptionibus, Epistola. Hanc etiam edidit in eodem opere cl. Musgravius. Utramque Inscriptionem cum Dodwello communicaverat eruditissimus Cherrius, qui à Goëtzio acceperat. Secundam quoque Inscriptionem egomet juris publici feci in Præfatione ad Lelandi Itinerarii Volumen Sextum. Accuratus nempe quam ediderat Musgravius. Exscripsi vero ex ipso Goëtzii Apographo, cujus copiam mihi fecit cl. Cherrius. Verba item explicui, in quibus maxime hæsitabat Dodwellus.

LIV. *A Letter concerning Mr. Whiston's Heretical Opinions.* Furtim prodiit, post mortem Auctoris, una cum libello quodam (ab alio scripto) de eodem argumento.

LV. De ætate & Patria Dionysii Periegetæ. Exstat in quarto Volumine Geographorum Hudsonianorum, Oxon. è Th. Sheld. MDCCXII. 8<sup>vo</sup>.

LVI. *A Letter to the Right Reverend the Bishop of Sarum, in which Mr. Dodwell owns his Spiritual Character, but not his Temporal.* Lond. MDCCXII. 8<sup>vo</sup>. Nescio quisnam ediderit. Non dubito tamen quin fuerit, hostis. Editionem, longe emendatiorem, una cum aliis duabus Epistolis inter episcopum Sarisburiensem & cl. Dodwellum, ab Amico pererudito expectamus.

LVII. De Parma Equestri Woodwardiana Dissertatio. Oxon. è Th. Sheld. MDCCXIII. 8<sup>vo</sup>.

## Nota de VEXILLIS.

Ne pagella hæcce vacaret, visum est annotare viros aliquot eruditos è forma vexillorum clypeum nostrum paullo recentiorum esse colligere. Sed non adeo recte. Examussum enim conveniunt cum vexillorum descriptione quam reliquerunt Vegetius alique. E flammeis nempe sunt, quæ quidem non alia quam *flammulæ*, sive *flamulæ*, vel, ut alii habent Vegetii Codices, *flammilæ*. Stewechius tamen *flammeola* reponit. At contra fidem Codd. MSS. quos ob oculos habuit. Non vero contra fidem Codicis cujusdam in Bibl. Bodl. NE. E. 3. 2. chartacei quidem ac recentis; non tamen ideo contemnendi. Ceterum de lectione videant doctiores. Quomodo-  
cunque se habet, vexilla nostra linea plane omnium sunt antiquissima, iisque proinde similia quæ ea ætate in usu fuerunt qua Romam cepit incenditque Brennus. Nec alia sane in nummo Antonini Pii, qui ad Britanniam nostram spectat. Exstat in Archivis Bodlejanis. Quid si ergo, *vela* καὶ σφυροπλῆς etiam appellemus? Non aliter sane Cicero, & è Cicerone Julius Scaliger; ut alios missos faciam. Veli autem (quod & nonnunquam pro orario sive flammeo accipiendum jam olim notaverat vetus Juvenalis Interpres) significatio notior est quam ut explicatione nostra egeat. *Vexilla* lingua vernacula *Penons* vocamus. Quam etiam vocem adhibuit Vegetii vetus interpres, cujus eximium exemplar inter Codices Digbæanos adservatur. Nec absurde interpres. Firmat quippe ipsa vocis etymologia, quam adduxit Skinnerus. Qui plura velint, consulant Lipsium de re militari.

Henrici



*Henrici Dodwelli*

D E

PARMA EQUESTRI

WOODWARDIANA

*DISSERTATIO.*

# ARGUMENTUM.

**A**ntiqui, potius quam *Nuperi*, post *Artes* denuo re-  
stauratas, *Artificis* hoc Opificium fuisse, verisimilli-  
mum est. §. 1. Vixit hujus monumenti *Artifex* postea quam  
*Romanorum* Disciplinæ *Militari* assævisset *Galli Cis-Al-*  
*pini*, in Civitatem recepti *Romanam*, & in *Legionariorum*,  
non *Sociorum*, numeros exinde conscripti. §. 2. Et tamen  
ante Seculum *Traiani*, ut ex *hujus Clypei vexillis* colligi-  
mus *Equestribus*. §. 3. Nondum, vel *Augusto* Imperante,  
*Animalium* motus ad *vivum* repræsentare poterant *Romani*  
*Statuarii*, ut in hoc videmus factum *Clypeo*. §. 4. *Nerone*  
demum Imperante, primo contigit, ut *par* fuerit *Græcis*  
*veteribus*, in *Arte excusoria*, *Romæ* Artifex *Zenodorus*. Post-  
ea defecit. Hoc ergo tempore vixisse verisimillimum est  
*Clypei* Opificem. §. 5. Unde tantam huic *Clypeo* firmita-  
tem in *temporis* injurias conciliarit *antiquus* Artifex, præ  
aliis *recentiorum* temporum *ferramentis*. Quid *ἑοικυῖα δι-*  
*σπος*. §. 6. *Brevior* hæc *Clypei*, & quidem *rotundi*, forma,  
*Parma* potius appellanda est, & quidem *Equestris*. §. 7.  
*Clypei* apud *Romanos*, ne quidem *Polybii* ætate, *Metallici*.  
§. 8. Hæc *Parma* ejusdem generis est cum illa, quæ apud  
*juniores*, *Buculæ*, vel *Bucculæ*, nomine frequentius venie-  
bat. §. 9. Ne quidem *Cæsaris* ætate, *Clypei* erant è *Me-*  
*tallo integri*, sed *umbone* tantummodo, *ferreo*. §. 10. *Ars*  
ornandi *Bucculas* *Auro* & *Argento* antiquior erat *Prætoria-*  
*no Barbaricariorum Collegio*. §. 11. *Cassides* *Metallicæ*  
*Auro* *Argentoque* exultæ à temporibus *Julii Cæsaris* in  
*Militia Equestri* receptæ; & *Bucculæ* quæ illis responde-  
rint, proinde, ut videtur, *Metallicæ*, ante *Juvenalem*. In  
*Militia* autem *Pedestri* *Galeæ* non *Metallicæ*, usque ad Im-  
perium *Gratiani*, apud *Romanos*. §. 12. *Barbaricariorum*,  
qui *Armorum cultui* vacabant, origo. *Initium* fortasse sub  
*Constantio*. §. 13. *Equites* *Romani* gregarii omnes, ut hîc  
repræsentantur, *imberbes*, præ ætate. §. 14. Sunt & in *Par-*  
*ma* *Equites Barbati*. Quorum è numero primus ipse est  
*Camillus Dictator* cum *Dictatoriæ Majestatis* insignibus.  
Satelles



## A R G U M E N T U M.

Satelles illius est, non autem *Sulpitius Tribunus Consularis*, qui *pedes*, Casside tamen *armatus*, minantique similis, *Dictatoris* mandata *Brenno* refert. §. 15. *Camilli* Majestatem expressit Artifex, tam in *Satellite*, qui cum *Brenno* egit, quam in *Ephippiis*. §. 16. *Caudæ Equinæ* integræ crista non est *insigne Magistri Equitum* in *Equite Romano Barbato*. *Fubæ Equinæ* triplices in crista *Camilli*. §. 17. *Cristæ*, in *Cassidum* fronte, *φάλοι* in occipite, *λόφοι*. §. 18. *Cristæ pennariæ*, in *Parma*, quas exhibet *Lipsius*, nullæ. Nullæ item, quales apud *Lipsum*, *Animalium*, *Parmæ*, ut videtur, *etate* recentiorum. §. 19. *Gladius Romanorum*, sub *Nerone*, *Equitum* longior, à *Josepho* descriptus, cum *Parma* convenit, si cum *Pedestri* Gladio in lance positò conferatur, ad *cominus punctumque* cum hoste confligendum, propter ipsam ejus *brevitatem*, maxime idoneo. §. 20. *Pedestris* ille *Romanorum Gladius* est *ῥομφαία δίτομος ὀξεῖα* à *Sacris Scriptoribus* propter *penetrationem* laudata. §. 21. *Contus Josephi* *hastæ* hujus *Parmæ* respondet *Equestri*, quæ *hastæ* erat omnium antiquissima. §. 22. *Parmæ* *loris* *Equitum* *brachiis* aptari solitæ, *Equitum* autem *fugientium* in *terga* translata. §. 23. Multa *Equitum Romanorum* arma ab Artifice consulto omissa, utpote in alio *Equorum latere* latentia, vel inter pugnandum *absumpta*, vel *amissa*. §. 24. *Cassides*, hoc *Parmæ* *Seculo*, *Militiæ* tam *Pedestri*, quam *Equestri*, communes. *Thoraces* utrique *lintei*, qui *Romanis Loricæ* appellabantur. §. 25. Etiam *Cataphractæ* erant *linteæ*, à *Romanis* tamen *Loricis* diversæ. Nec *hami* in hac *Parma*, nec *squamæ*, pro *Corbulonis* fortasse *Disciplina*, prætermisæ. Fieri tamen potest ut, una cum *ornatu Parmæ* *aureo*, disparuerint. §. 26. *Frenorum* in *Equestribus* præliis *detrahendorum* usus apud *Romanos antiquus*. Non tamen pro exemplo *Numidarum*. §. 27. Non tamen fuit, apud *Romanos*, *perpetuus*. §. 28. *Senex* ille *Barbatus inermis*, qui *aciem Romanam*, *spatio* interposito, sequitur, *Romanorum Fecialis* fuisse videtur. Duo autem illi, simili fere habitu, pone *Brennum*, *Patres* erant, fortassis *Gallorum* alter, alter *Romanorum*, *Patrati*. §. 29. *Nuda* pene ad *humeros Equitum* *brachia Antiquitatis* Argumenta sunt. §. 30. *Colobia Monachorum* à *Militarium Colobiorum* (eo, quo

## A R G U M E N T U M.

quo *Monachi* coeperunt, *Seculo*) exemplo non emanarunt. §. 31. *Saguli*, seu *Sagi* proprie ita dicti, nomen ad *femoris* tegumentum spectabat, in quo locus erat *Gladii* hoc *Seculo* Artifici à nobis assignato. §. 32. *Loricæ*, non *Pallio*, subiecta sunt horum temporum *Sagula*. Sic tamen ut *Saguli* nomen *Superhumerali* etiam *Sago* attributum fuerit. §. 33. Horum temporum *Loricæ* ultra *inum ventrem* non pertingebant. Non ad *femora*, quibus accingebantur *Gladii*. *Aliæ* tamen à *Persarum Mandyis* *Loricæ*. §. 34. *Sagi* forma in *Parma* expressa, *Zona* infra *Sagum* cum *Gladio* latitante, earum omnium, quæ *Loricis* subnectebantur, *simplicissima* est, ideoque, ut videtur, *antiquissima*. §. 35. *Alia* ad eandem *Antiquitatem* afferendam Argumenta. §. 36. *Caligatorum* nomen Militibus *infimi* ordinis, propria quadam *consuetudine*, attribui solebat. Non tamen propterea negandum, quin *aliis* quoque Militibus fuerint, pro sua cuiusque *dignitate*, *Caligæ*. §. 37. Cur *Caligatorum* nomine Milites *infimi* intelligerentur, causa fuisse videtur, quod *nova* interim nomina *Nobiliorum Caligis* attribuerentur, *Gallicarum*, *Solearum*, *Crepidarum*. §. 38. *Caligæ* forma, quæ in *Parma Equitibus* conspicitur, ad *antiquissimam Caligæ Nobiliorum formam* proxime accedit. Antiquior etiam *Campagis*. §. 39. *Caligarum* earundem nomina sæpe invicem permista. *Morosa* tamen erat *Caliga* quæ *Caligatis Militibus* nomen dedit *Caligatorum*, *Equitibus* prorsus *incongrua*, qui tamen *soli* in hac visuntur *Parma*. *Caligæ antiquissimæ notæ omnes* huic certe *Caligæ* conveniunt. §. 40. *Capitolium* inter *Ædificia*, quæ in *Parma* repræsentantur, (ni forsan id quod in *Summitate*) non conspicitur. *Substructio Lapidea* non evincit. *Majestas Romæ* post tempora *Augusti*. Illius *Insulæ & Domus*. §. 41. Nullum Argumentum ex *Ædificiorum Altitudine* deduci potest. Verba *Plinii*, *Virgilii*, *Horatii*, &c. ac *Claudiani*, quæ illustrantur Exemplo *Annibalis* se cum *Scipione* conferentis. §. 42. *Capitolii à Tibere Distantia* . . . . .







Ornatissimo Doctissimoq; Viro JOANNI WOODWARDO, Medicinæ Doctori, ejusdem Facultatis in Collegio Greshamensi Professore, & Societatis Regalis Socio, Ectypum istud Clypei antiqui in Musæo ejus conservati, observantiæ et grati animi ergo, dicat consecratque **THO. HEARNE.** *Murchers sculp.*



D E

# PARMA EQUESTRI WOODWARDIANA

## DISSERTATIO.

**H**UJUS tam insignis monumenti *Historiam* altius repetere utinam Clarissimo Possessori licuisset, ut intelligeremus ubinam ad nostra usque tempora latuerit. Tantum vero abest ut *Roma* arcessi potuerit, ut ne quidem unquamne in *Italia* fuerit, aut extra nostræ *Britanniæ* angustias, compertum habeamus. Ita factum ut locum natalem, ætatemque, quibus floruerit *Artifex* memoria dignissimus, similiter ignoremus. Contra, ne quidem *vestigia* vel evanida tenemus, quæ præbeant vel *conjecturis* ansam, qualia ex *Inventionis Historia* sperare Eruditis in proclivi erat. In officina *Fabri Ferrarii* reperit Doctissimus *Woodwardus*, materiæ potius *Ferrariæ*, quam *Artificii*, habita ratione, alicunde erutum, è nescio cujus, seu *Publici*, seu *Privati*, hominis *cimeliis*. E *Publicis* autem emanasse verisimilius est, si qua fides *Traditioni*, cui *Publica* etiam monumenta adstipulari dicuntur, *ambulacrum* fuisse in *Aula Regia*, quæ *Alba* appellatur, cui nomen, à *Clypeis* ibi reconditis, fuerit *Clypeati*. Et quidem usque ad tempora *Caroli I.* *ambulacrum* eo nomine perstitisse fama est. *Antiquioris* tamen fuisse, quam sit illa *Martyris* Epochæ, Originis. Copiam enim *Clypeorum*, qua *ambulacrum* illud fuerit instructum, ab *Henrico VIII.* collectam. Ita nempe factum ut in *privatorum* hominum possessionem venerit insignis ille *Clypeus*, *Parliamentariis* suppellectilem *Regiam*, pro arbitratu suo, distrahentibus. Hæc me

i.  
*Antiqui* potius, quam  
*Nuperi*, post *Artes* de-  
nuo restauratas, *Arti-*  
*ficis*, hoc Opificium  
fuisse verisimillimum  
est.

A

docuit

docuit Cl. *Hearnius*, qui *Livio* suo hoc monumentum adjunxit; forma tamen, quam in ipso sit *Archetypo*, paullo *contractiori*. Sed ne *Britannicæ* credatur originis, obstat ipsa Operis *elegantia*. Longe certe major quam quæ *Britannicis* Artificibus conveniebat quum à *Romanis* Insula nostra *destitueretur*. Hæc ergo *elegantia* vel *anti-quiorum* fuerit oportet temporum, quibus *Artes* ad summum *enitebantur*; vel *recentiorum*, quibus penitus collapsæ *Barbarorum* incursionibus, denuo *reviviscere* cœperunt, & quasi à postliminio *nasci*. Ideone *juniorum* inventis potius assignandum arbitrabimur? Novos certe *magnosque* Artes elegantiores in *Italia*, Patronorum opera, fecere *progressus*. Estque apud *Italos*, etiam *juniores*, celebris *Camillorum* familia, quæ gloriam *veteris Camilli* ad se transferre potuit. Nec enim apud *Italos* rarum est ut & *veterum Romanorum* nomina affectent, eoque id consilio faciant, ut *rerum* à veteribus gestarum, hoc ipso artificio, in tanta stirpium hodiernarum, per tot *Barbarorum* matrimonia, confusione, *gloriam* aliquatenus vindicare videantur. Obstat tamen quo minus Artificibus *nuperis*, quantumvis *peritis*, attribui possit hoc elaboratum, quod videmus, artificium, ipsa Operis *vetustas*. Bis enim Antiquitate corrupti refarcitique in eodem vestigia habemus. Et quidem eadem, qua & olim, *materia* constabat, *Ferraria*, pro *mediorum* Seculorum captu, proculdubio *firmissima*, quæ tamen etiam ipsa ferrugine vitiata est. Et alia omnino hîc habetur *Equestris armatura* ab ea quæ apud *medios junioresque* recepta est. Nullæ hîc apparent à junioribus inventæ *stapix* quibus facilis erat in equos ascensio, & *pedes*, dum impressionem in hostem facerent, firmissime retinerentur, & *vis* hastis addita in hostem è sede *fixa* protensis. Et ne quidem *Clypei Equestris* forma eadem est cum ea quæ Insignibus ornari solet *Heraldicis*, *Scuto* re vera, quam *Clypeo*, vicinior, & *Scuti* proinde etiam nomine apud mediæ infimæque *Latinitatis* Auctores passim veniens. Sed nec *Imagines* exhibet cum recentiorum *imaginibus* affines. *Vultus* præterea *galearum* inermes hîc conspiciamus. Contra plane quam in *juniorum* galeis videmus,



videmus, quarum etiam vultus *Visoriis* armabant recentiores, ipsis quoque, pro *cassidum* more, qui tum demum passim obtinebat, *ferreis*. *Theatrorum* porro, quæ hîc apparent, vestigia ad *Romæ* nondum *Christianæ* Epocham referenda sunt. Non me quidem fugit *Romanorum* civium partem, etiam post tempora *Constantini Magni*, avitæ Superstitioni fuisse addictam. Inde *Ethnicos* honores in *Christianorum* Imperatorum *nummis* legimus. Inde *officia Romanæ Urbis* summa *Ethnicis* professionem suam minime dissimulantibus collata, ut è *Symmacho* constat & *Rutilio Numatiano*. Tanta autem erat fiducia *Symmachi* ut Epistolam *Christianis* Principibus obtulerit de *Ara Victoriæ* restauranda, in qua *similibus* Augustorum *Christianorum* Gentilibus indulgentium exemplis causam tuetur. Inde *Gentilium* etiam *Principum*, hoc quoque Seculo, spes fallaces. Talem se professus est *Eugenius*, qui *Herculis* imaginem in vexillis *Theodosii Magni* labaro opposuit, *Christi* cruce signato. Talis & *Stilichonis* filius, qui *Gentilibus* Sacra sua sacrilega concessurum se stipulatus est, si purpuram eorum opera consequeretur. *Magnus* fuerit oportet profecto *Gentilium* numerus, ut *novi* Imperii *initiiis*, Principes è re sua fore censerent, ut iis, tam atroci *Christianorum* verorum scandalo, tam foede adularentur. Et multas in *Capitolio* Superstitionis suæ reliquias recenset *Ammianus Marcellinus*. *Theatrorum* autem usum *genuini* abominabantur Christiani, quibus favebant *tepidiores* laxioresque, ut *quinto* quoque Seculo ad *exitum* vergente queritur *Salvianus*. Sed & in *Urbis Romanæ Notitiis*, eodem Seculo V<sup>o</sup>. confectis, *Templo- rum* passim, *Theatrorumque* frequens occurrit mentio. *Urbe* autem *universa* ad *Christi* fidem conversa, & *Romanorum* præsertim *Pontificum* ditioni subacta, diu superesse non poterant tam *adversa* Christiano zelo *Piacula*. Proinde apud *Veteres* quærenda est tanta illa Artis elegantia, non apud *juniores* Artium, quasi è postliminio, restauratores. Multo autem minus in *mediis* ab *Augusto* *Seculis*. Eamque *Antiquitatem* evincunt *arma militaria* omnia pro *Romanorum florentium* *Disciplina* repræsentata. Non autem ea, quæ *Barbaris* Imperium diripientibus

originem debebat, à *Romanorum* antiquis moribus alienissima.

2.  
Vixit hujus monumenti *Artifex* postea quam *Romanorum* Disciplinæ Militari assuevissent *Galli Cis-Alpini*, in Civitatem recepti *Romanam*, & in *Legionarium*, non *Sociorum*, numeros exinde conscripti.

*Sua* enim, qua ipse vixit, ætatis consuetudines designavit *Artifex*, *Historiæ Romanæ* veteris, & quæ *Camillo* cœva fuerat, admodum imperitus, ut multis docuit exemplis illustris *Cuperus*. Quod ergo eadem utrobique arma observamus, tam *Gallorum* quam *Romanorum*; inde intelligimus, tum vixisse monumenti hujus Opificem quum ita se re vera res haberet. Quum nempe *Galli Italiæ* coloni in mores habitumque *Romanorum* Dominorum penitus descivissent, ut *Galliæ Togatæ* nomine pars illa *Italiæ* veniret, ut à *Braccata Gallia* mores avitos etiamnum retinente internosceretur. Vixit ergo postea quam *Galli* illi *Cis-Alpini* Civitate *Romana* donati essent. Inde enim *avita* sua Disciplina in desuetudinem exeunte, *Romanos* æmulati sunt, ut fierent illis quam simillimi. Ita *Diodorus*: Τινὲς δὲ αὐτῶν, ἀπὸ τῆς ὀπμιξίας τῆς Ῥωμαίων πολιτείας, μετερχημέψαν τὸν ὀπλισμὸν, ἐξομοιῶντες ἐαυτοὺς τοῖς ἡγεμῶσι. L. V. Hæc ille quidem de *Liguribus*, gente longe ferociori quam fuerint *Galli*. Ut non sit proinde cur dubitemus quin eadem fuerit causa *Gallorum* quum *Romanorum* humaniori Disciplina assuevissent. Ceterum *Cis-Padanâ* Regione utrâque sedes fixerant *Galli Senones*, *Romæ* direptores. Nunquam tamen Civitatis *Romanæ* compotes, in illis ipsis sedibus ante *Urbis Conditiæ* annum quingentesimum, ad internecionem usque deleti, si quidem fides *Romanis* Historicis. Poëticum enim est, quod *Chryxum*, hujus *Galliæ*, ut videtur, incolam, direptæ à suis majoribus *Romæ* Historiam in *Clypeo* suo ostentare faciat *Silius Italicus*. Non potuit ergo noster *Artifex* de *Gallorum Senonum* armis quippiam certi colligere è sui ævi *Gallis*, quo nullæ jam amplius supererant *Gallorum Senonum* in *Italia* vel reliquiæ. Unica restabat ratio, ut è *Gallorum* sui temporis *Togatorum*, pro *Romanæ* *Togæ* consuetudine, armis de veterum *Urbis* excisorum armis conjecturam faceret. Accepta enim *Civitate Romana*, armis aliis quam *Romanis* uti ne quidem licuit, ut in *Legiones Romanas* conscriberentur, & à

Roma-



*Romanorum Sociis* five *Auxiliis*, quibus *ipsi* antea accenseri solebant, hac ipsa nota communium cum *Romanis armorum*, internoscerentur. Vixit ergo *noster* Opifex quum nulli jam superessent amplius, saltem in *Italia, Galli*, qui aliis, quam *Romani*, armis in Bello uterentur. Ergo post *Cn. Pompeium Strabonem*, *Pompeii Magni* patrem, qui *Gallis Cis-Padanis* Civitatem, in Bello *Sociali*, cum aliis *Italīs* concefferat. Imo, post *Iam. Julii Cæsaris Dictaturam*, qui *Gallis Trans-Padanis* (solo *Latii* Jure à *Pompeio* donatis) Civitatem etiam decrevit *Romanam*. Imò post *doni* etiam *memoriam* tam eximii, quum *armorum* veterum *memoria*, apud hos *Italiæ Gallos*, exolevisset.

Itaque *Augusti* temporibus *antiquius* hoc ne quidem *potuit* fuisse monumentum. Nec vicissim *multo* serius, ut è *vexillis* colligimus, quæ hîc videmus, *Equestribus*. *Cruces* hîc reperimus plane nullas, quales videmus in *Christianorum* Principum *vexillis Christi* honori dicatis. Et ne quidem tales, quales memorant sub *Ethnicis* Persecutoribus *Christianorum* Patroni *Apologeticorum* Auctores, à temporibus usque *S. Justini Martyris*. Nulla hîc apparent *ligna transversa*, è quibus pependerit seu *velum* seu *tabella*. Nulli hîc *orbes*, in quibus Principum Deorumve *vultus* adorandi proponerentur, quod *maturescente* etiam *Imperio* receptum est, sub *bonis* etiam Imperatoribus, *Traiano* atque *Antonino*, quum ne *hastæ* quidem, vel *puræ*, formam exhiberent *ligna vexillorum erecta*. Forma, quam hîc reperimus, omnium *simplicissima* est. *Hastæ* affixi *panni oblongi* qui *ventis* agitantur. Nescio an ad illius exemplum efficti fuerint *Quarti Seculi Dracones*, qui à *Parthis* primum, deinde ad *Persas*, denique ad *Romanos*, emanarunt. *Cavi* nimirum, & ad similitudinem *Serpentum*, è materia *rigidiori*, facti, ut *ventis* in ora spirantibus *Serpentes* etiam *sibilare* viderentur, testibus *Vegetio* atque *Ammiano*. Cunctis tum *Orbis Romani* incolis, *Caracalla* Imperante, in Civitatem *Romanam* admissis. Sed ante *Antonini Caracallæ* Imperium, alia à nostri *Clypei* vexillo apud *Romanos* fuisse *vexilla* è *Traiani* atque *Marci*

3.  
Et tamen ante Seculum *Traiani*, ut ex hujus *Clypei vexillis* colligimus *Equestribus*.

*Marci Antonini nummis* constat. Jus ergo *Civitatis*, quod in *Gallis* supponit *Clypei*, seu *Parmæ* potius *Equestris*, fabricator, antiquius fuerit oportet temporibus *Caracallæ* atque *Trajani*, ut è *Trajani* atque *Marci Antonini* etiam *columnis* manifestum est.

4.  
Nondum, vel *Augusto*  
Imperante, *Animalium*  
motus ad *vivum* re-  
præsentare poterant  
*Romani Statuarii*, ut in  
hoc videmus factum  
*Clypeo*.

Et quidem, *Augusto* rerum potiente, cæpit insignis illa *fabrilium*, qualis hîc apparet, *elegantia*. Sub eo ita canit *Latinorum Poëtarum Princeps*, *Æn.* VI. 848.

*Excudent alii spirantia mollius æra :*

*Credo equidem, —————*

Loquitur de *Artibus* in quibus *Græcos Romanis* eousque superiores agnoscit licet ipse *Romanus*. Fateor equidem, & in *Arte Oratoria* eundem *Græcos* superiores agnoscere. Etiam post mortem *Ciceronis*, quem tamen *Romani* plerique vel *parem Demostheni*, vel eodem etiam *superiorem*, faciant. *Singularis* ergo fuerit *Virgilii* sententia *Demosthenem Ciceroni* anteferentis. In hac tamen causa nihil est cur suspicemur adeo illum fuisse *singularem*. *P.* enim *Lentulum Cos.* capita duo, quæ hominum admirationem meruerint, in *Capitolio* dedicasse testatur *Plinius Nat. Hist.* XXXIV. 7. Alterum, inquit, à *Charete* factum; alterum vero fecisse *Decium*, comparatione in tantum victum, ut artificium minime probabilis artificis videretur. Quidni huc alluserit Poëta? Anno certe U. C. *Varron.* 736. Consul erat *P. Lentulus*, quo ipso anno Poëtæ mortem, mense tamen *Octobri*, ponit *Idatius*, *Fastorum Auctor* plerumque satis accuratus. Sub anni tamen præcedentis *Coss.* statuit vetus Auctor qui Poëtæ vitam scripsit. Nec incommode, quum capita illa, antequam dicarentur, in domo *Lentuli* videre potuerint, & quidem ita, ut de illis, quid videretur, sententiam tulerint harum rerum studiosi, quorum fidem secutus fuerit, hoc in loco, Poëta. Imo ita rem fuisse verisimillimum est, & *Dedicationis occasionem* præbuisse latas antea, de his capitibus, peritorum sententias. Ita enim futurum erat, ut exploratum haberent omnes hujusmodi *Artificiorum* idonei *Judices*, rectene, an secus, censuerint latæ jam antea sententiæ Auctores; & utri anteferendi essent,

*Græci*



*Græci an Romani, veteres an novi Artifices, prostantibus palam insignissimis Græci Romanique Artificii monumentis. Nam & Decii opus in admiratione fuisse indicat Plinius, si non cum æmulo Charetis opere contendetur. Sed Dedicationis Publicæ munus Consulare erat, & proinde ad ipsum Lentuli Consulatum commodissime differendum. Nihil ergo est quod obstet quin hæc tam insignia exempla Græci veteris novique Romani Artificii Virgilio innotuerint, è quibus horum Artificiorum periti sententiam in veterum Græcorum favorem tulerint. Nec diu ante obitum, summum Poëtam hæc scripsisse exinde constat, quod Æneidem suam flammis abolendam Testamento suo statuerit, quod manum ultimam censoris, in sua quoque causa adeo accurati, nondum experta fuisset. Et quidem, Augusto Imperante, Jani Templo clauso, & pacato Orbe Romano coepit hominum gravissimorum in Artes elegantiores, potentissimi Principis exemplo, favor, quo effectum est ut ad summam ἀνελκειαν mutua Artifices æmulatione accenderentur. Reperisse se Urbem rerum Dominam lateritiam, quam tamen ipse marmoream reliquerit, ipse gloriatus est Augustus. Vel inde intelligimus raras admodum fuisse, sub illius Imperio, vel statuas Marmoreas. Et tamen in Statuis antiquior erat materiæ Marmoreæ usus, quam in Ædificiis. Inde, ni fallor, tanta illa Verris in statuis Græcorum in Sicilia diripiendis, quod pretium Signis illis fecisset Signorum istiusmodi operis insignis in Urbe Romana raritas. Nullos saltem tum fuisse, quales, hoc in loco, descripsit Poëta, vivos de marmore vultus, omnino verisimillimum est. Tantundem valet vivus de marmore vultus, quod in Ære spirare mollius. Illam scilicet designat, in re statuaria, vitæ similitudinem æmulationemque quæ effecerit ut quasi spirare viderentur statuae ex Ære, materia inanimi, fabricatæ, & vivere vultus in marmore repræsentatus. Ita nempe victum innuit Artificis ingenio materiæ rigorem, ut membrorum vivorum officia, cute atque carne vestitorum, peragere putarentur, propter mollitiem, quæ apparebat, ad Membrorum agilitatem plane necessariam. Eam scilicet mollitiem in materia*



materia rigidissima, & vitam expresserat *Artificis* ingenium in materia ad vitæ munia obeunda similiter ineptissima. *Virgilianam* hanc mollitiem ex illis *Quintilian*i de primis *Statuarie* Artis Opificibus optime interpretabimur: *Duriora* (inquit) & *Tuscanicis* proxima *Calon* atque *Egesias*, jam minus rigida *Calamis*, molliora adhuc *supradictis Myron* fecit. Inst. L. XII. c. 10. Non dum ergo eam *Artis ἀνέλευσιν* attigerant Artis *Statuarie* sub *Augusto* Professores, ut *Animalium* munia *Vitalia* assequi potuerint, quam tamen tui *Clypei* Artificem attigisse manifestum est. Inde *Dædalus* simulacra dicitur fecisse *moventia*. Quod de *Automaticis* interpretantur juniores nonnulli, & *Argento vivo* infuso præstitisse credidit *Themistius*. Prudentiores alii, de oculis apertis, & manibus pedibusque prius corpori jungi solitis, ab eo autem primo à corpore ita *sejunctis* ut sejungi necesse est dum *motus* sibi proprios exsequuntur. Neutrum ego inventum ad *Dædali* ætatem accedere potuisse crediderim. *Poëtarum* illæ *Fabulæ* sunt *veris Græcorum Historiis* antiquiores. Hoc tamen volebant *Poëta* ut primum simplicissimum Artis *Statuarie* cultum illi tribuerent, quo gradus factus est ad *vitalium* munerum illam, de qua agimus, in materia *inanimi* imitationem. Et quidem verum fuisse quod de antiquioribus *Dædalo Statuariis* referunt *Poëta*, si minus de ipso *Dædalo*, saltem de primis *Statuarie* Artis *inventoribus*, ex antiquissimis veterum *Pro*tomis facile intelligimus, quas oculis captas, & brachio utroque mutilatas observamus. Primus ergo gradus ad vitæ similitudinem *statuis* conciliandam erat, si & oculus non clausus amplius, qui mortuo similior erat, sed apertus exhiberetur, & visioni ipsi paratior. Sic item manuum pedumque adjectio ad proprios manuum pedumque motus repræsentandos propius faciebat. Quod *Poëtis* anfas *Fabularum* ex *Historiæ* quavis circumstantia captantibus, & miranda omnia ultra *Historiæ veritatem* augentibus, occasio satis verisimilis esse potuit ut *statuas* ipsas, quasi *Automatica* virtute præditas, moveri fingerent. Et quidem hanc ipsam *Fabulam* ita interpretatur antiquissimus *Fabularum* ex *Historiis* explicator *Palæphatus*,

vid. Scalig.  
ad num.  
Euseb. 737.



*phatus, Virgilio ipso vetustior*. Ut proinde vis nulla esse possit si *Poëtae* doctissimi sententiam ita intelligamus. Sed & illa quoque *Quinctiliani* de *Tuscanicis* verba obiter observanda sunt. Inde enim discimus, ne *Tuscos* quidem, vel *Quinctiliani* ætate de *Statuarum duritie* notatos, nondum hanc peritiam adeptos fuisse, ut *clypeum* tuum in *Romani* magnatis gratiam effinxerint. Et proinde frustra esse qui, si minus *Romanis*, at saltem *He-truscis*, *Clypei* tui honorem, nimia certe facilitate concedendum existimant. Et sane, ante *Augustum*, *Mum-mii Achaici*, in statuis *Corinthiacis* (quas, hoc in loco, *Poëtam* in animo habuisse recepta est opinio) *Romanæ* transferendis, *rusticitatem ruditatemque* plane *Militarem* perstringit *Velleius*, qui tamen eodem, quo vixit *Mum-mius* ipse, tempore *Scipionis Africani junioris* elegantius ingenium agnoscit. Sed parum valebat hominis, quantumvis celebris, *privati* tamen, *Auctoritas* ad studia ingeniorum accendenda. Non est ergo cur miremur ita se rem habuisse quum scriberet *Poëta*, ut *veteres Græcos* junioribus *Romanis* Artificibus longe anteferendos fuisse vulgo crederetur.

Vox autem *excudendi*, qua usus est *Poëta*, *Artem* plane eandem *σφυρηλασίας* designat quæ tam insignis in tuo, præstantissime *Woodwarde*, apparet monumento. *Mallei* enim vestigia in parte illius *aversa* manifesta sunt. Quod scilicet *crassitudo*, quæ formis, in quas liquefacta infundebantur, implendis necessaria erat, *onerosior* futura erat quam ut usibus *Bellicis* inservire possit. Sed ad æra tantummodo processerat Ars illa *excudendorum* metallorum quæ *Virgilio* innotuit. *Ferri* autem *excudendi* methodus, & quidem tam eximia ut Animalium *spirantium vitam molliemque* imitaretur (qualis in tuo expressa est *Clypeo*) nondum *Virgilio* ætate inventa fuisse videtur, saltem apud *Romanos*, quum *aeris* excudendi artem, olim apud *Græcos* excultam, *Romani*, ne tum quidem, satis feliciter assequerentur. Et tamen, sub *Neronis* Imperio, in *Occidente* repertum Artificem *Zenodorum* idem ibidem ostendit *Plinius*, qui *figendi*

5.  
Nerone demum Imperante, primo contigit, ut par fuerit *Græcis* veteribus, in Arte excusoria, Roma Artifex *Zenodorus*. Postea defecit. Hoc ergo tempore vixisse verissimum est *Clypei* Opificem.

B

Nat. Hist.  
XXXIV. 7.  
cælan-

*cœlandique scientia nulli veterum postponeretur; imo qui omnem amplitudinem statuarum ejus generis etiam vicerit, sua, ut inquit, ætate. Innuit omnino, ante suam ætatem neminem fuisse qui tanta fuerit Artis peritia ut cum antiquis Græcis contendere posset. Et Neronis Imperio docet illum inclaruissse Zenodorum. Primo scilicet Arvernus in Gallia, ubi Mercurii statuam per annos x. elaboratam ingenti pretio fecerat. Et duo pocula Calamidis manu cœlata, quæ Cassio Syllano Præceptoris suo Germanicus Cæsar adornata donaverat, ita æmulatus est ut vix ulla differentia esset Artis. E Gallia autem, postquam satis ibi Artem approbaverat, Romam Zenodorum à Nerone accitum testatur illius Principis simulacrum Colosseum, postea Solis venerationi dicatum, post damnatam Neronis memoriam. Exinde intelligimus, medio hoc intervallo, quod à Virgilio fluxit usque ad Neronem, nondum apud Romanos fuisse Artifices summa hujus Artis peritia celebres. Alioqui nulla fuisset ratio cur è Gallia Romam Zenodorus accerferetur, si fuissent, etiam in ipsa Urbe Romana, Artifices Zenodoro pares. Proinde post Neronis initium, nostrum, quicumque demum is fuerit, Artificem vixisse verisimillimum est, saltem in Urbe ipsa rerum Domina floruisse. Nec multo tamen serius. Nam ab initio Neronis Æræ nostræ Christianæ LIV°. ad illum, quo scribebat ipse Plinius, annum ejusdem Epochæ LXXVII. paullatim defecisse, ipse satis luculentus testis est. Et normam defectionis statuit ipsa illa, quæ etiamnum exstabant, opera Zenodori. Sic habent illius verba: Quantoque major in Zenodoro præstantia fuit, tanto magis deprehenditur Artis obliteration. Sic enim melius Lectio Marginalis, quam quæ locum habet in hodierno Textu: deprehendi æris obliteration potest. Quasi nempe ad metalli obliterationem (quæ tam brevi spatio magna admodum esse non potuit) observationem illius retulisset Plinius. His itaque limitibus concludendum erit hoc monumentum, si quidem summis in eodem genere Artificiis par fuisse credatur, saltem Romanis. Recte ergo hanc Camilli veteris Historiam in Clypeo repræsentat hujus ætatis Scriptor, Silius Italicus, ultimi Neronis anni Consul,*



*Consul*, quique *Consularium Neronis ultimus* decessit sub *Trajano*, teste *Plinio* juniore. E sui nempe *Seculi* moribus, quales fuerint, in Bello *Hannibalico*, *Clypei* conjecturam faciens. Nec obstat quippiam quo minus hunc ipsum clypeum suis ipse oculis usurpaverit. Par enim erat ratio cur *Chryxus Gallus obsessi à majoribus* suis *Capitolii* Historiam in clypeo exhiberet, ac cur junior aliquis è gente *Furia Camillus erepti Capitolii fugatorumque* exinde *Gallorum* in suo quoque clypeo exhiberet. Et plane simili conjectura *Clypei artifex* coævis *Camillo Gallis arma* tribuit eadem, quæ *Galliæ Togatæ* incolas, quum Cives essent *Romani*, usurpasse suo Seculo constabat. Sic & *Mutii Scævolæ* facinus in clypeo junioris è gente *Mutia* prolis exhibet idem *Silius*, & *Patris* & *avunculi* gesta in filio ac nepote *Scipione Africano* seniore. Magno autem erat imitaturis incitamento, quod perfectissima quæque, in suo cujusque genere, exempla in *Capitolio* ab omnibus conspicienda prostarent. Inde enim constabat quò eniti illos oportebat qui de gloria certare vellent. Magno præterea, quod tam propitia essent *Principum* virorum patrocinia operarumque præmia, quantumvis diutinis, & quantiscunque laboribus paria. Nec diu in ancipiti manere *Artium progressus*, olim à *Velleio Paterculo* observatum est. L. I. fine. *Historicos Romanos* omnium celeberrimos minus LXXX. annis circumdatum ævum tulisse refert. *Oratoriæ* principatum ita *Ciceroni* tribuit, ut delectari ante eum paucissimis, mirari vero (inquit) neminem possis, nisi ab illo visum, aut qui illum viderit. Et (quod propius ad nostrum facit institutum) hoc idem evenisse dicit *Grammaticis*, *Plastis*, *Pictoribus*, *Sculptoribus*, ut quisque (ait) temporum notis institerit, reperiet, eminentia cujusque Operis artissimis temporum notis circumdata. Difficilem ergo esse observavit in perfecto moram: naturaliterque quod procedere non potest, recedere. Et, ut primo, ad consequendos, quos priores ducimus, accendimur; ita, ubi aut præteriri, aut æquari, vere posse desperavimus, studium cum spe senescere, & quod assequi non potest, sequi desinere. Non est ergo cur miremur si brevi illo

B n

spatio,



ſpatio, quod à Zenodoro fluxit ad *Plinium*, defectionem in *medii* temporis Artificibus ipſe *Plinius* agnoverit. Hoc tamen *ſpatio* floruerit oportet noſter *Artifex*, quo *Artis excuſoriae* feliciffimi fuerint *progreſſus*. Antea tamen quam *ſpes* illud, quod ſequebatur, aſſequendi penitus decollaret.

6.  
Unde tantam huic *Clypeo* firmitatem in temporis injurias conciliavit antiquus *Artifex*, præ aliis recentiorum temporum ferramentis. Quid *ῥομφαία* *Δίσκος*.

Sed vero *ferrum* ita *emollire* atque *lævigare*, & tamen ita in *temporis* injurias firmare, ut in hoc monumento factum videmus, ut *binas* recentioris ferri, in partibus interioribus, redintegrationes æquaret, imo etiam superaret: hæc, ut majoris *Artificii*, ita *Artis*, temporis *progreſſu*, *excultioris* indicia ſunt, & *temporis* adeo *recentioris*. Operis in hoc metallo poſiti difficultatem jam olim obſervavit *Pausanias*: Σιδήρε, inquit, ἐργασίαν πλὴν ὅτι ἀγάλματι χαλεπωτάτῳ ἢ πόνῳ συμβέβηκεν εἶναι πλείους. *Phocic.* p. 334. l. 10. Non erit ergo à noſtro inſtituto alienum, ſi hæc quo modo ab *Antiquis* effecta fuerint, aliquatenus explicemus. *Metalla* nobiliſſima recenſet *Plinius* Nat. Hiſt. XXXIV. 14. unde *materiam* uſibus ſuis maxime idoneam *Artifices* accepiffe veriſimillimum eſt. *Artemque* refert *Diodorus*, qua *Hiſpani* veteres *ferrum* duriffimum, & à *ferruginis* vitio liberrimum, in uſum *acierum*, deprehenderint. *Bibl.* L. V. Nempe defodiendo in terram, dum partes *Metalli infirmiores* *ferrugine* abſumerentur, eæque ſolæ ſupereſſent quæ nullam ſenſerant vim *ferruginis*. Harum *acierum* vim tantam fuiſſe dicit ut nulli *gladiis* exinde fabricatis arcendis ſuffecerint *Clypei*. Et *aquæ* uſum ad *duritiem* ferro conciliandam agnoſcit *Homerius* *Odyſſ.* IX. *Bilbilis* autem *aquas*, præ aliis aliorum *fluviorum* aquis, huc conferre obſervavit è *Trogo* *Juſtinus* *Hiſtoricus* L. XLIII. Eodem faciebant etiam & *fornaces*, ut ex *Ariſtotele* *Meteoror.* L. IV. diſcimus, & *Plinio*. Recentiorum etiam *ferrì purgandi* artes recenſet doctiſſimus *Magius* *Miſcell.* L. II. c. 3. inutiles prorfus ad *Veteris* (quod hic molimur) *artificii* firmitatem explicandam. *Ferrum* autem ita *expurgatum*, & ad ſummam, qua licuit, *duritiem* redactum, *ῥομφαία* *Græci*, *Plinius* vero *nucleum* appellabat. Quidni hinc



hinc σόμα ξομφαίας, & ξομφαίαν δίσομον, in *Græcis* præsertim Textibus, sine *Ebraismo* explicemus? Ita certe *Aristoteles*: Τήκεται δὲ καὶ ὁ εἰρησμένον σίδηρος, ὥστε ὑγρὸς γίνεσθαι, καὶ πάλιν πήγνυθαι, καὶ τὰ ΣΤΟΜΩΜΑΤΑ ποιεῖσιν ἔπος. Τρίσεται γὰρ, καὶ ἀποκαθαίρεται κἄτω ἢ σικαίᾳ. Ὅταν δὲ πολλάκις πάθῃ, καὶ καθαρὸς γένηται, τότε ΣΤΟΜΩΜΑ γίνεται. Οὐ ποιεῖσι δὲ πολλάκις αὐτὸ, ἀλλὰ τὸ ἀπὸ σίαν γίνεσθαι πολλῶν, καὶ τὸν σιθμὸν ἐλάττω καθαιρομένη. Ἔστι δὲ ἀμείνων σίδηρος ὁ ἐλάττω ἔχων ἀποκαθάρσιν. *Meteoror. L. IV.* Et varia σωμαμάτων genera ex antiquo Auctore *Daimachō* recenset *Eustathius*. Sic ille: ΣΤΟΜΩΜΑΤΩΝ φασι, τὸ μὲν χαλυβδίκον, τὸ δὲ Σινωπικόν, τὸ δὲ Λύδιον, τὸ δὲ Λακωνικόν. Καὶ Σινωπικόν μὲν καὶ χαλυβδίκον, χρήσιμον εἰς τὰ τεκτονικά. Λακωνικόν δὲ εἰς ξίνας, καὶ σιδηροσφύπανα, καὶ χαρσικτῆρας, καὶ λιθορριχά. τὸ δὲ Λύδιον εἰς ξίνας καὶ αὐτὸ, καὶ μαχαίρας, καὶ ξύεια, καὶ ξυστῆρας. Οὕτω Δαΐμαχος ἐν πολιορκητικοῖς ὑπομνήμασι καὶ τὸν τὰ Ἑθνικὰ γράψαντα. *Iliad. II. Catalog.* Similiter & λεπίδα ΣΤΟΜΩΜΑΤΟΣ legimus apud *Dioscoridem L. V. Mater. Medic. c. 90. Ferrei*, ut videtur. χαλκῆς enim λεπίδι opponitur. *Æris* tamen ΣΤΟΜΩΜΑ memorat *Plinius L. XXXIV. c. 11.* Qui eo nomine vulgo à Doctis reprehenditur. Immerito tamen, ut opinor. *Plinio* adstipulatur *Celsus L. VI. c. 6.* cui multa debebat *Plinius*. Nec video sane cur non ex *Ære* similiter obdurato *Heroum cuspides aciesque* conficerentur, quum *Arma Heroes* non alia quam *ænea* usurparent. Purgata scilicet in *Ære ærugine*, eisdem Artibus quibus in *ferro ferruginem* Veteres similiter nativam depurgabant, purâ, sine fæcibus, Metallī materiâ relictâ. Idque fortasse volebat *Aëtius*, quum σίδηρον ΣΤΟΜΩΜΑ aliquando memorat, ut scilicet ab *Æreo Stomomate* internosceretur. Abiit enim in desuetudinem *Æreum Stomoma*, reperto *ferreo*. Multis ergo probat *Matthiolus* in *Dioscor. L. V. c. 50.* eod. quod *Saraceno 90.* voce *Stomomatis* simpliciter acceptâ, non aliud à *Medicis* intelligi quam *ferreum*. Et *ferri squamam* pro *æris* reposuit in sua Editione *Celsi Vander-Linden*. Nescio an Auctore *MS. Æris* certe legit in sua *Celsi* Editione ad prædictum *Dioscoridis* locum *Saracenus*. Sed minus nocitura erat in hoc nostro opere nimia *durities*, effectura scilicet ut etiam *fragilis* evaderet.

Opus



Opus erat præterea *mollitie* quadam seu *lentore* potius ut *malleo* pareret, essetque in quamcunque formam *ductilis* quæ *malleatori* Artifici videretur. Hoc *oleo* con-  
 sequebantur Veteres, quo *excandescencia* è *fornace* fer-  
 ramenta extinguere solebant. Sic enim habet, ubi supra,  
 idem Plinius. *Tenuiora*, inquit, *ferramenta* *oleo* *restitu-*  
*guere mos est, ne aqua in fragilitatem durentur.* Nat. Hist.  
 XXXIV. 14. Dedita autem opera, dixi, *excandescencia*,  
 propter sequentia ejusdem Auctoris verba: *Rubens non*  
*est habile tundendo, neque antequam albescere incipiat.*  
 c. 15. Erat enim plane necessaria illa *tundendi* opera ut  
 ad nostra usque tempora perseveraret Opus Artis tam  
 eximiæ. Huc enim faciunt *verba* illius proxime præce-  
 dentia: *Ferrum accensum igni, nisi duretur ictibus, cor-*  
*rumpitur.* Alius autem erat præterea in *futurum* metus,  
 ne aëri expositus tuus ille Clypeus *rubiginem* contra-  
 heret, longo saltem *temporis* progressu. Huic incom-  
 modo quo modo à Veteribus occurreretur, idem docet,  
 qui & præcedentia, Naturalis Historiæ parens: *A rubi-*  
*gine vindicatur*, ait, *cerussa, & gypso, & liquida pice.*  
*Hæc est temperatura Antiodes dicta.* Hæc enim vera  
 videtur fuisse *Lectio*, quod *ἡ ἐναντία* fuerit illa *tempera-*  
*tura.* Ita comparatum, ne in partium, quanta potuit,  
 per *contusionem* mallei, *proximitate* invicem junctarum,  
 intervalla madidus aër irrepere potuerit, qui *rubigini*  
 locum faceret. Et sane *alienus* ille à *ferri* colore na-  
 tivo color, gratissima *nigredinis candorisque* mixtura  
 temperatus, quo efficitur, ut *vultus oculique* Animalium  
*renidere*, & quasi *spirare*, videantur, *temperaturæ* illius,  
 quam dixi, *Plinianæ* obductæ *vestigia* mihi esse viden-  
 tur. Nisi forte *Auri Argentive* postea à *Barbaricariis* in-  
 ducti *ἰδίῳ* habenda sint, necessario etiam ipso ut *la-*  
*mellæ Metallicæ ferro* adhærescerent. *Auri* enim ob-  
 ducti reliquias ipse observasti. *Gradus* autem, quibus fa-  
 ctus est in peritia *Statuaria Ferraria* progressus, designare  
 non adeo facile est. Statuas quidem *ferreas* memorat  
 tam *Plinius* quam *Pausanias*. Sed nec *temporis* adjectis  
 notis, nec adjunctis Operum, quasi *singulare* quippiam  
 complectentium, *præconiis*. Non item *Clypeos ferreos* ar-  
 tificio



tificio insignes. *Græcorum* autem inventa, in hac etiam *materia*, utrobique memorata, *Romani* imitabantur. Eodem autem *tempore* proficere poterant utriusque *materiae* operarii, ut quod in *ære* placuisset, id etiam in *ferro* æmulerentur.

Sed & alia præterea *Temporis* nota est in ipsa monumenti tui *forma*. Nec enim est, ut hætenus habetur, *Clypeus*; sed *Parma*, seu *Velitaris*, seu potius, ut videtur, *Equestris*. Et quidem ex eo *Parmæ* genere, quod *Buculae*, vel *Bucculae*, nomine apud *juniores* audiebat. Erant quidem & *Clypei*, apud *Græcos*, *rotundi*; &, apud *Romanos* nonnunquam, rotunditate *oblonga*, profundiores nempe, quam latiores, ut corporibus *integræ* defendendis sufficerent. Tuus ille *brevior* est, nec, ut loquuntur *Græci*, ἀνδρομήκης, nec aliam tuebatur Equitis *partem*, præterquam eam quæ *Equo* ipsi *supereminebat*. Estque *examussum* *rotundus*, quales *Parmas* proprie sic dictas fuisse agnoscunt *Polybius* atque *Varro*. Imo nominis *Etymon* exinde deducit *Varro*, quod *pares* habuerit *Parmæ* *lineas*, undequaque, à centro usque ad circumferentiam, quæ *Circuli* definitio est apud *Mathematicos*. Erant quidem suæ quoque fateor *Velitibus* *Parmæ*, quo etiam ipsi *Velites* agiliores essent *pedestri* prælio hostem impetentes, quum *minori* pondere impedirentur armorum. Quæ eadem ratio locum in *Equitibus* habebat, quo facilius liceret *Equum*, quoties videretur, infilire; *equisque* ipsis, si occiderentur, sese expedire. Sed *Equitum* pugna est, quæ in hoc tuo monumento repræsentatur, qua, ut *arma* reliqua, ex utraque tam *Gallorum*, quam *Romanorum*, parte *similia* sunt; ita *similes* etiam sunt, ex utraque parte, *Parmæ*, *similesque*, in *Parmarum umbonibus*, *Animalium* figuræ si *spiculum* excipiamus cuius inferendi locus in tui *Animalis ore* manifestus est. *Limbus* tamen *exterior* *Parmæ* tuæ *proprius* est, qualem nullum in aliis, quæ *hic* apparent, *Parmis* observamus. Nempe *Historiæ* fugatorum ab Urbe *Gallorum*, opera *Camilli*, designatus, quæ hunc *limbum integrum* sibi vendicat. Reliquæ *Equitum* *Parmæ*, ut *nullas* exhibent *Historias*,

7.  
Brevior hæc Clypei, & quidem rotundi, forma, Parma potius appellanda est, & quidem Equestris.

*Historias*, ita nec *limbos* in uſum *Historiarum* conver-  
tendos. *Discriminis* cauſſa illa ſatis veriſimilis eſſe po-  
tuit, quod *Tyronibus*, nec rebus à ſe, vel majoribus,  
*geſtis* inſignibus, nullæ fuerint, etiam apud *vetuſtiores*,  
imagines. Inde *Virgilianum* illud: *Parmâque inglorius*  
*albâ*. Nulli ergo erant in his *Tyronum* *Parmis* *limbi* in  
quibus nullæ locum habere poterant rerum geſtarum *Hi-*  
*ſtoriae*. Antea enim quam *Animalium* imaginibus inſigni-  
rentur *Umbones*, locus inſignium *Equiti* priorum in  
iſſis erat *umbonibus*. Ita *Parma alba* illa appellanda erat  
quæ nullam in *umbone* exhibebat *effigiem*. Et viceverſa,  
quum receptum eſſet ut *Animalium* vultibus *Parmarum*  
omnium *umbones* ornarentur; rei nullius inſignis ab  
*Equite* geſtæ nota erat ſi nulli extra ambitum *umbonum*,  
in *marginibus* *umbonum*, affingerentur *limbi*. Talem hîc  
videmus *Equitis Galli* fugientis *Parmam*. Poterant ta-  
men *Animalium* ferorum ab *Equite cæſorum* tropæa &  
inſignia illi quoque *Animalium* fuiſſe in *umbonibus* *vul-*  
*tus*. Prima enim *Heroum* tyrocinia in *ferarum* humano  
generi infeſtarum venatione poſita ſunt, de quibus mo-  
deſtius, minusque inſolens viſum erat, quam de *Humano*  
genere ipſo, triumphos agere. Inde antiquiſſimus ille  
mos apud *Barbaros*, ne quidem etiamnum excultos, cæ-  
ſorum *hoſtium capita* in victoriæ monumenta conver-  
tendi, & de illorum *numero* gloriandi. Sic *primarum*  
etiam *Parmarum albi* etiam fuerint *umbones* dum nulli  
etiamnum acceſſiſſent *limbi*. Parata autem erat inſigni-  
bus, quum mererentur, poſtea excipiendis illa quoque  
*umbonum albedo*. Recentior ergo eſt hæc *Parmæ* forma,  
quam fuerit illa quam *Heroicis* etiam temporibus tribuit  
Doctiſſimus Poëta, decori, qua licebat, obſervantiſſimus.  
Nec alia illa quam, quæ *Bucculæ*, vel *Buculæ*, nomine  
notior erat apud *juniores*. Videamus ergo quibus demum  
gradibus ad hanc formam *Parmæ* venerint *Equeſtres*.

8.  
Clypei, apud Romanos,  
ne quidem Polybii æta-  
te Metallici.

Primam antiquiſſimamque earum formam,  
cum umbone quidem, ſed è coriis tamen *bovi-*  
*nis* conſtituiſſe, narrat *Polybius* L. VI. Atque ita  
factum, ut *imbribus* madefactæ iſtiusmodi *Par-*  
*mæ* nullam plane *firmitatem* retinerent in *impreſſionibus*  
adverſus



adversus *hostem* faciendis; imo *impedirent* potius in *rugas contractæ*, & à forma quæ *loris*, quibus tegebantur, responderit, desciscentes. Pro exemplo scilicet temporum *Heroicorum*, in quibus *clypeum Ajacis* ἐπὶ Ἀχαιῶν legimus. Sed *tripedalem* facit illius *Parmae* diametrum *Polybius*, longe *amplio*rem quam in *tua* videmus *Parma*, pedestri *gravique* armaturæ aptiorem, quam *levi* & *Equestri*. *Parma* tamen & illa appellanda erat, quæ *lineas* à centro ad circumferentiam *pares* similiter habebat. *Latitudinem* illam contraxit *Iphicrates*, ut nos docet in illius vita *Cornelius Nepos*, quem proinde pro *Parma* *Peltam* fecisse testatur. Ex hoc Scriptoris *Romani* loco vocis utriusque discrimen, apud *Romanos*, manifestum est. Nam & *Pelta* origine *Romana* est, à *pellendis* hostibus ita appellata. Sed in armis tantummodo *pedestribus* mutationem illam fecit *Iphicrates*. Ut proinde *Pedites Peltastarum* nomine postea appellarentur. Ecquam similem in *Equestri* *Parma* contrahenda novitatem introduxerit *Iphicrates*, de eo nihil *Nepos*. Et tamen *brevioris* formæ *Parmas*, apud *Romanos*, in *utroque* *Militia*, non *Equestri* tantummodo, verumetiam *Pedestri Velitum*, obtinuisse in confesso est. Et quidem ita obtinuisse ut *Parmae* nomen sibi *proprium* habuerit *brevior* illa forma *Parmae*, atque *contractior*. Quum scilicet forma illa *amplior* nulla esset apud *Romanos*, *Clypeis oblonga rotunditate*, vel *Scutis in imbricum* similitudinem formati, *Parmarum ampliorum* vicem supplantibus, & quidem multo commodius. Erat autem in *Equitibus* adeo manifesta *amplioris* formæ incommoditas, ut proinde verisimile sit in *Equitibus* nunquam obtinuisse, seu *Græcis*, seu *Romanis*. Id quum ita se haberet, non opus erat ut *Parmas Equestres* contraheret *Iphicrates*, quum hac *contractiori* forma fuerint ad *Equestris* Proelii usus longe accommodatiores. Nec etiam opus erat ut *contractioris* *Parmae* usum apud *Romanos* à *Græcis* arcesseret *Polybius*, quum non alia fuisset unquam, apud *Romanos*, *Parma Equestris* quam *contractior*. Id unum à *Græcis* emanasse docet, quod *stabiliore* fulcro *coria* sua *bovina* induxerint, ut formam, qua effingebantur, *coriis*

etiam in *pluvio* aëre madefcentibus, aliquatenus retine-  
rent. Fulcrum hoc non *Metallicum*, sed *lignum*, con-  
jicit, sed timide, *Lipsius*. Rectissime, ut videtur. Nam  
in *ῥωμαϊκῷ Romano* *διπλὴν στανίδωρα* agnoscit *Polybius* *ταυρο-*  
*κόλλη πεπηγὸς ὀδονίω*, *duplici tabulatione Taurino glutino*  
cum *linteo* compactum. De *glutino Taurino* *Plinius* Nat.  
Hist. XXVIII. 12. 18. Et *arbores* in usum *tabularum* ap-  
tissimas, è veterum *Romanorum* sententia, docet ipse  
*Lipsius*, de *Milit. Rom.* L. III. Dialog. II. Cur dubite-  
mus quin, in ætatis *Polybianæ* *Parmis*, idem fuerit *ful-*  
*crum*, tantummodo nempe *lignum*? Sic tamen ut non  
*tegumenti* tantummodo vicem suppleverint *coria*, quum  
pugnaretur, amovendi; sed ut *pars Parmæ* præcipua  
haberentur ad tela hostium, inter pugnandum, arcenda.  
Hoc enim *Parmarum*, sui etiam *Seculi*, *coriorum* *μυδών-*  
*των* incommodum etiamnum agnoscit *Polybius*: *Ἀλλὰ τὸ μὴ*  
*εἶσιν ἔχειν, ὑπὸ τε τοῦ ὀμβρῶν ἀποδερματέμενοι καὶ μυδῶντες, δύ-*  
*χνησοὶ καὶ πρὸς τερον ἦσαν, καὶ ΝΤΝ ἐπὶ γίνονται παντελῶς.* L. VI.  
*Οδονίς* autem, seu *lintei* nomine idem, ni fallor, intellexit,  
quod nostrates hodieque *lint* appellamus, *linleos* nimi-  
rum in fila discerptos, quo melius liquores imbiberent,  
& per *filtrationem* liquores ipsi in intimos rerum ita  
conjungendarum recessus penetrarent. *Centones* illos ap-  
pellabant veteres, frequentisque in re *Militari* usus fuisse  
docet *Cæsar* in suis de Bello *Gallico* *Commentariis*. Inde  
*Collegia Centonariorum* in *Inscriptionibus*. Ita factum ut  
*ταυροκόλλη* quum ab his *centonibus* imbiberetur in *tabulas*  
altius penetraret, firmitusque ipsas *tabulas* invicem con-  
stringeret. Manifestum ergo est, nondum ea, qua tua est,  
*materia*, ne dicam *elegantia*, *Parmas* apud *Romanos*  
fuisse, quum scriberet *Polybius*, circa annum *Urbis* præ-  
ter propter *sexcentessimum*, aliquot, post receptam à *Ca-*  
*millo* *Urbem*, *Seculis*. Armabantur quidem tum quoque  
*Clypei* superne & inferne oris *Metallicis*. Idque à *Camillo*  
ipso inventum volunt nonnulli propter acumen gravi-  
tatemque *gladiorum Gallicorum*. Sic tamen ut nullum  
tum fuerit *Clypei* genus, apud *Romanos*, è materia tan-  
tummodo *Metallica*.

Ceterum



Ceterum *tua* illa *Parma* eadem est quæ *Bucula*, aut *Buccula*, audiebat his ipsis, de quibus agimus, temporibus. Meminit Codex *Theodosianus* L. X. Tit. XXII. 1. *Capitolinus* vit. *Maximini junioris*, *Juvenalis* Satyr. X.v. 133.

9.  
Hæc *Parma* ejusdem generis est cum illa, quæ, apud *juniores*, *Bucula*, vel *Buccula* nomine frequentius veniebat.

Et diu antea, in *Æmiliæ Paullæ* cum *Perseo* prælio, *Livius* L. XLIV. 34. Sed quid ea voce significaretur, ante Cl. *Cangium* nemo, quod sciam, explicavit. Habet quidem *Vitruvius*, inter voces Artis *Architectonicæ* Technicas, *Buculas*, *Suculas* & *Camillos*, quæ tamen nihil ad *Bucculam* nostram explicandam faciant, *translatis* nimirum à nativa significationibus. Vulgo de inferiori *cassidis* parte intelligunt viri Eruditi, quæ *Equitis mentum* & *bucca* tegebatur, ut ab ea *Militis bucca* *Bucculæ* nomen acceperit. Sed *nullas* fuisse, apud veteres, istiusmodi *Bucculas*, si minus aliunde, ex hoc tuo monumento satis constat, in quo *Equitum*, etiam *rem gerentium*, vultus *nudos* conspiciamus, nec ullo prorsus *munimento* protectos. Constat & ex *aliis* veterum monumentis. Constat è *Cæsaris* in campis *Pharsalicis* præcepto, ut *faciem* ferirent, *inermem* quippe, & vulnere imprimendo opportunam. Constat è *Cæsaris* milite *Crastino*, qui telum hostium in *guttur*, quum nihil medium intercederet, quo inde arceretur, accepit. Constat denique ex hoc eodem tuo monumento, in quo *occisorum cassides* humi jacentes observamus; *Bucculas*, quas *cassidibus* respondisse volunt hætenus viri Eruditi, plane commentitias, plane nullas; & è *Livio*, qui *Scutorum* quidem *Bucculas* memorat, non item *Cassidum*. Recte autem docuit Vir Nobilis *Buccularum* nomine ipsos intelligi *Clypeos* è *Metallo* factos, & *Barbaricariorum*, quorum opera in *Clypeis* versabatur *Metallicis*, arte proinde decorandos. Ita scilicet, ut *Cassidum*, quibus postea in Officio *Prætoriano* junguntur, numero ex æquo respondeant, & *parem* cum *Cassidibus* locum in *Tropæis* habeant, deque illis *pependerit*, ut docet *Juvenalis*. Imo *umbonem Clypei* hoc *Bucculæ* nomen *proprie* quodam jure sibi vendicavit. Inde *Παράγυαδος*, quod *prope Buccam* fuerit, (quæ *Græcis γυάδος* est) & *Ομπυλὸς ἀσπίδος*, in

*Glossis* appellatur. Et tamen *Clypeum integrum* eodem nomine venire idem ostendit Vir præstantissimus. Nec utrumvis absurde. Erant enim utriusque generis *Equestres Parmæ*. Tua hæc, præter *umbonem*, limbo etiam *Marginali* instructa est, in quo receptæ à *Camillo* Urbis Historia repræsentatur. At in fugientis *Galli Parma*, solum cum *Bucculæ* effigie videmus *umbonem*, sine *Marginali* Appendice. Recte ergo *Parma* integra *Bucculæ* nomine veniebat, quum essent *Margines* Historiis capiendis destinati. Nec minus recte *Umbo* solus, quum nulli essent in margine *limbi*. *Buccula* enim proprie appellabatur *Umbonis effigies*, quæcunque demum ea fuerit, quæ non alibi locum habebat præterquam in *umbone*. Sic enim Cl. Cangius: *Buccula umbo* proprie appellatur, quia in *Umbone* effigiebatur, ut plurimum, vultus aut facies vel viri, vel animalis, cujus *bucula*, seu os, medium obtinebat, uti passim vetera monumenta repræsentant. Imo virum integrum in veteri *Buccula* observavimus. Sic tamen ut *Viri* os medium teneat *umbonis* locum, unde *spiculum*, si quod fuisset, tanquam è *bucca* procederet. In tua autem *Parma Bovis* fuisse videtur, siqua tamen certe animalis forma sit, nec pro Opificis arbitrio conficta. Nec alterius animantis os est quod in *Galli fugientis Parmæ* conspicitur. *Parmæ* inter Romanos humi projectæ tam obscuræ sunt lineæ, ut cujus Animalis sit ægre divinari liceat. Alterius autem animantis nulla prorsus sunt, in ea quoque *Parma*, vestigia. Et *bovis* profecto vultum fuisse verisimillimum est, quod in *Parmis* vetustissimis repræsentabatur, quum *Parmæ* ipsæ è pellibus præcipue conficerentur *bovinis*. Exolescente *Heroum* venatione, *ferarumque* capitibus in victoriæ memoriam servatis. Nec alias fuisse necesse erat quarum meminit *Livius* in Bello cum *Perseo*, anno U. C. *Varr.* 586. Verba hæc sunt: *Neminem totis mox castris quietum videres: acuere alii gladios, alii galeas, bucculasque, scuta alii loricasque tergere.* L. XLIV. 34. Sic in Editione *Gruteriana*. Quasi vero aliena fuissent à *bucculis* *scuta*. Sed meliorem lectionem suggessit è *Bas.* Cl. *Hearnius*: *alii galeas bucculasque scutorum, alii loricas tergere.* Quæ etiam Editione



Editione *Jodoci Badii Parisiensi*, A. D. 1533. confirmatur. *Anteriorem* enim *scutorum* partem, quæ *tergenda* erat in prælium prodituris, pariter ac *galeæ* & *loricæ*, occupabant *bucculæ*. *Scuta* autem illorum *temporum*, imo & *Parmas*, *coriaceas* fuisse, jam vidimus è *Polybio* (qui *Æmilio Paulo* erat *junior*) amico scilicet *Scipionis Africani junioris*, qui ab hoc eodem *Æmilio patre* cognomen habebat etiam *Æmiliani*. Postea *coriorum* usum in *desuetudinem* abiisse, è verbis *Suidæ* colligo. Πάρμαι, inquit, δερμάτινοι θυρεοὶ παρὰ Καρχηδονίοις. Postea: Πάρμη. Τῇ δυνάμει τὴ Πάρμης καὶ τῇ Λιβυτικῶν θυρεῶν ἀντιείχον ἐγγεωδύως οἱ Ῥωμαῖοι. *Proprias* facit *Carthaginien-sium*, aliasque à *Romanis*, has *Carthaginien-sium Parmas coriaceas*. Et quidem nondum *excisa Carthagine*, nec *Bello Punico*, saltem III<sup>o</sup>. ad *exitum* perducto. *Parmas* itaque *Romanas* tum quoque *coriaceas* esse desuisse consentaneum est. Propter illud ipsum, ut videtur, incommodum, quod in *sui* quoque temporis *coriaceis Parmis Romanis Polybius* observaverat, quum *pluviæ* imminerent. Multum enim *Polybii* Præceptoris sui sententiæ detulit *Scipio Æmilianus III. Belli Punico* confector. Et *Romanos* hoc nomine laudavit ipse *Polybius*, quod ab aliis, etiam *hostibus*, meliora didicerint. Inde *tegminis* tantummodo vicem præstitisse videtur corium *Bovinum*, exuendi quoties cum hoste manus esset conferenda. Mansit tamen, ut videtur, in *novarum* quoque *Parmarum umbonibus*, *vultus* ille *Bovinus* in *coriaceorum* Clypeorum à *majoribus* usurpatorum memoriam. Atque inde, ni fallor, *juniorum* Clypeis commune nomen *Bucculæ*, etiam sub *Imperatoribus Christianis*. Sed utroque modo concipitur idem illud nomen, tam *Buculæ*, quam *Bucculæ*. Priori modo, à *Bubus* (eâdem quâ & *Bubulcus*, formâ, & *Bucolica*) Etymon habuerit. Ut à *suibus* *Suculæ* in *sidere Astronomico*. *Buccula* autem si scribatur, à *Bucca* ortum habere potuit. *Buccæ* enim inflatæ tumorem repræsentabat *umbo*, à cujus ore procedebat umbonis *spiculum*. Et quidem huc spectavit *Glossæ* auctor qui *Græce* Παρυναδίδα reddidit, & viceversa ille, qui vocem *Græcam* Παρυναδίδα *Bucculam*, *Philoxenus*.

Hanc

Hanc Ego vocis originem verisimiliorem existimo, quum & alias, præter *Bovinas*, *Buccas* in *Clypeis* observemus. Errat autem certe Cl. *Cuperus*, qui *Pani* hanc effigiem imputandam censet, eoque consilio adhibitam, ut hostibus *terror* incuteretur, qui à *Pane* Deo *Panicus* appellabatur. Ingeniosior illa, quam solidior, conjectura est. Nulli enim hîc in capite *pinus*, nec vultus *hircinus* aliquatenus, nec hirci *barba*, aut *cornua* in fronte *erecta*, quæ Dei *Panis* apud Veteres Symbola habebantur. *Cornua* quidem *Arietinis* similia quam *Bovinis*. Sed *vultus* *Bovino* longe similior, quam *Arietino*. Nec sane idem est in *Parmæ* tuæ *umbone* Artificium quod in *limbo* ejusdem exteriori. Dedita fortassis opera, ut vetus *Bucculæ* imago retineretur, qualis fuerat *olim*, nondum exculta, apud *Romanos*, arte *Fabrili*. Quod vero *laminarum flexilium* mentionem reperiamus apud *Sidonium*, nihil prorsus ad *Buccæ* vultusve *tutelam* faciebant illæ *laminæ*. *Lororum* tantummodo vicem supplebant *coriaceorum*, quibus antea *vincta* sub Equitis mento *cassis* fuerat. Iis, ne deinceps *gladio* rescissis *Cassides* deciderent, & *capita* Equitum *nuda* hostilium telorum ictibus indefensa patefierent, *laminis*, quæ non adeo facile *rescinderentur*, provisum est, *lororum* vicem postea suppleturis. Nihil autem ad *facies armandas* faciebant illæ *laminæ*.

10.  
Ne quidem *Cæsar* ætate, *Clypei* erant è *Metallo integri*, sed *umbone* tantummodo *ferreo*.

Videamus ergo quibus demum gradibus *Romanorum Parmæ* ad hanc, quam in tua videmus, formam pervenerint. Rejeto *coriacearum Parmarum* usu, ita factum diximus ut *tegumentorum* tantummodo vicem præstiterint deinceps *coria*. Tum *interiorem* *Parmæ* partem supplebant *crates* vimineæ, *exteriorem* *tabellæ* partem supra è *Polybio* memoratæ. Inde *Lucani* illa L. I.

——— *nuda jam crate fluentes*  
*Invadunt clypeos.* ———

De *Romanis* loquitur, innuitque fractis jam *tabellis*, *nudas* fuisse *crates* facile *fluxuras*, nec protegendis militibus facile suffecturas. *Fractis* nimirum, per longam, quæ præcesserat, *Pacem*, *Bellicque desuetudinem*. Quod certe



certe ægre de *Metallo* intelligi potest, sed de absumptis carie *lignis*. Nec enim *diu* antea *Bella* fuerant, etiam in *Italia*: *Bella Civilia Marii* atque *Syllæ*, & *Catilinæ*, ne dicam *Servile Spartaci*, hominum tum superstitem *memoriâ*, nec admodum *vetustâ*. Et *umbonum* illas fuisse *crates*, docent *Virgiliana* illa, *Æneid.* VII. v. 632.

———— *flectuntque salignas*

*Umbonum crates.* ———

Quem in locum illa *Sallustii* verba, ut videtur, ex *Historia*, advocat *Servius*, de *Lucanis* loquentis: *Qui de vimine facta scuta, recentibus detractis coriis, quasi glutine adolescebant*. Hæc est, ni fallor, *Taurocolla*, quam vidimus, *Pliniana*, *sanies* illa *recentium coriorum* detractorum, qua tamen non *crates*, istiusmodi *glutinationi* ineptissimæ, *adolescere* dicuntur, sed *tabellæ* ipsæ *lignæ* (in quibus locum habebat *umbo*) ut Nos docuit *Polybius*. Est autem vox *adolescere*, qua hîc usurpatur, significatione, *antiqua*, & vere *Sallustiana*. Idem enim denotat quod in voce *coalescere*, & quod in voce *inolescere*, quam *coagmenti* esse observant veteres apud *Gothofredum Grammatici*, p. 1347. l. 41. Eo nempe sensu quo *coagmenta conjunctiones arctæ & compares*, à *cogendo*, id est, *constringendo*: unde & *coagulum* dicitur. Ita *Nonius Marcellus*, p. 507. 4. Ita *adolescere* erit, in *unum* res diversas ita *constringere*, ut non facile invicem *divelli* possent. Ita *Parmas* in hunc modum *conglutinas dealbabant*, ut siqua meritis fuisset, à rebus *gestis*, tyro honoris *insignia*, coloribus in *albo* illo pingerentur. Ita *candidum umbonem Persii* Sat. V. v. 33. de *Persii* jam adulti *tyrocinio* interpretatur *Turnebus*, quem tamen *Cornutus* alique de *toga* ejus *candida*, *Adolescentiæ* ejus *insigni*, intelligi malunt. Nec sane negandum, in re quoque *Vestiaria*, ipsaque *toga*, suum fuisse, pro veterum sermone, *umbonem*; eoque spectare posse, quod in *Saburra*, Urbe nempe *Romana*, *candidum* hunc *umbonem* accepisse dicitur Poëta. Sed & alia quoque, quæ & *Lipsii* erat, aliorumque Virorum Eruditissimorum, interpretatio ferri similiter potest. Sic enim *Virgilius tyronem albâ Parmâ inglorium* censet, qui nullos consecutus fuisset,

qui

qui *Parmæ* inscriberentur, honores. Postea vero, quum *Parmæ Clypeique* è *Metallo* conficerentur, tum non inscribi, aut pingi, sed *cælari*, dicuntur *Clypeorum* insignia. *Metalla* enim proprie *cælari* docent *Grammatici* à *cælo* vel *cæli*one instrumento *fabrili* quo *cælatura* peragebatur. *Scutorum* autem opus *cælatum* memorat Auctor Belli *Hispanici*, qui inter *Cæsaris* *Commentarios* locum habet, c. 25. Et *Silius Italicus* in *Historia Belli Hannibali*ci. E *sui* fortasse *Seculi* moribus de superiori illo conjecturam faciens, quum *Parmas ligneas* recentiores fuisse probaverimus, saltem in militibus gregariis, ut viris nonnullis illustrioribus, de quibus scribit *Silius*, majoris pretii, operæque, atque artificii, *clypeos* fuisse concedamus. Erant tamen & in gregariorum militum *Parmis* tum quoque suæ partes *ferreæ*. Σιδηρῶν σάλωµα agnoscit etiam *Polybius*. Et χαλκῶν λεπίδα *Plutarchus* inventam à *Camillo* tradit, *exteriori* *Clypei* *margini* circumductam, ne *Gallorum* *gladiis* cederent. Et *ferreum* etiam *umbonem* *Polybius*, σιδηρῶν κόρυχον προσηρµώδην scribit, qua voce innuit, non *Clypei partem* fuisse, ne quidem *exterio*rem, quæ *Clypeo* fuerit aptanda, atque *extrinsecus* apponenda. De *Clypeo* tamen loquitur, eo in loco, Auctor, rei *Militaris* peritissimus, non de *Parma* proprie sic dicta, quam à *Clypeo* diversam fuisse, ipse quoque exploratum habuit. *Umbones* autem in *Parmis* fuisse hæc tua quoque docet *Parma*. Utcunque tamen quum *Clypeo* etiam appenderetur *umbo*, nihil obstat quo minus *lignea* fuerit *Parma*, qualis tua certe non est, cui *umbo ferreus* apponebatur. Imo ita rem fuisse vincit, quod *Clypeo* jam *facto προσηρµώδην*, *Appendicis* loco, potius quam *Partis*. Erat autem *umbo* ille *ferreus* adscititius in *Parmis* quoque *ligneis* plane necessarius, tam ad hostes de gradu propellendos, quam ad *injectorum ponderum* vim fortius sustinendam, quam ad *spiculum*, quod è *Bucculæ* inflatæ, tanquam è *Serpentis*, ore quasi *expui* videbatur, validius tenendum, ne frangeretur, vel defleteret, quum in hostem imprimeretur. *Lamina* enim *ferrea* σάλωµα appellatur à *Polybio*. Huc etiam à *Lipso* L. III. de *Mil. Rom.* *Dialog.* II. refertur *sputum* *Martialis*: Hoc linitur sputo Jani cariota *Kalendis*.  
L. VIII.



L. VIII. Ep. 33. Quod scilicet *aureis lamellis* tenuissimis obduci mos erat *cariotas* strenarum loco missas, eodem teste *Martiali* L. XIII. Ep. 27. Ut scilicet, pro eodem exemplo, *lamellæ ferreæ sputa* fuerint appellanda, propter *Metalli tenuitatem*.

*Clypeos* vero è *Metallo integros* tum *initium* accepisse verisimillimum est, saltem in militibus *gregariis*, quum *Fabricæ Publicæ* instituerentur *Armorum*. Tales in utroque *Codice* legimus. His cedebant *Tributa* cujuscunque generis *Metallica*, *Ferri*, pariter atque *Aëris*, & *Argenti*, atque *Auri*. Eo tamen discrimine, ut *Ferri* Tributum ad *Præfectos Prætoriorum* pertinuerit, reliquorum autem *Metallorum* ad *Comites Sacrarum Largitionum*, cui *Pecuniæ Publicæ* cura præcipue incumbibat, quæ quidem *Pecunia* è *pretiosioribus* illis conflabatur *Metallis*. Et *arma* quidem *ferrea fabricabant*, sub *Prætoriorum Præfectis*, qui communi *Fabricensium* nomine veniebant, his saltem *Christianorum* Principum temporibus; *poliebant* autem *ornabantque* qui proprio *Barbaricariorum* nomine appellabantur, *Ære*, *Argento*, atque *Auro*, à *Sacrarum Largitionum Comitibus*, illum in usum, accipiendis. Ita scilicet, ut *Ære* arma ornanda tegerentur (sic enim loquuntur Principum Rescripta). *Argento* autem atque *Auro* *Imagines* præcipue *Armorum* atque *insignia* effingerentur, in virorum Principum Nobiliumque armis, vel, quum nullum esset *insignium* Jus, quod in *tyronibus* locum habere vix potuit, ut *umbones* saltem *Auro* obducerentur, ut *Virgilius* docet *Æn.* X. *fulvi* propterea *Sidonio* L. IV. Ep. 20. *Orbes* vero, qui *exterioris* in tua *Parma* limbi vicem obtinebant, ipsi quoque, ut tuus est, *rotundi*, *nivei* *Sidonio*, *Argento*, ut videtur, vel *albedine*, ut in *Parmis* *ingloriis*. Ita nimirum assequebantur ut ipsi *terribiliores* viderentur, & *hostium oculos*, si *Solem* adversum haberent, perstringerent, quum *vastos umbo aureus ignes vomeret*, ut loquitur Poëtarum *Romanorum* princeps. Quem etiam in finem *Pyropos* memorat *Propertius*. *Cassides* autem & *Bucculas*, nempe *Clypeos*, ad horum curam spectasse docent, quæ *Publicorum Fabricensium* memine-

II.

Ars ornandi *Bucculas* *Auro* & *Argento* antiquior erat *Prætoriano Barbaricariorum Collegio*.

D

runt,



runt, *Leges*, tua certe *Parma* aliquanto recentiores. *Antea* tamen quam instituerentur in *præcipuis* Imperii *Romani Urbibus* hæc *Armorum fabricandorum* Collegia, erant nihilominus apud *Romanos* *Duces* qui hoc armorum cultu *militum* animos ad rem fortiter gerendam excitari poſſe cenſerent. *M.* enim *Brutus* operam dabat ut *Militum* arma, quam fieri poſſet, ornatiffima haberet, in ea re *Triumviris* ſuperior, ut teſtatur in illius vita *Plutarchus*. Idem Auctor eſt *Auri* quoque *Argentique* uſum in illa fuiſſe cultura, nec in alia *Militia* fuiſſe frequentiorum illum cultum quam *Equeſtri*, idem teſtis eſt. Imo appropius agnoſcit etiam *Duges*, qui ſi de *Parmis Equeſtribus* intelligantur, ad tuæ quoque *Parmae* exemplum propius accedent. Et, ante *Brutum*, *Suetonii* de *Julio* verba ſunt: *Habebatque tam cultos* (de *militibus* loquitur) *ut Argentis & Auro politis armis ornaret*. Imo primum *Argenti* uſum in *Armis* excolendis ponit *Juvenalis*. Id ſi verum, etiam in *armis* nondum è *Metallo* factis locum ornatus ille habuerit oportet. Et ſane in *ſcutis præfulgens opus cœlatum* memorat, ut vidimus, Auctor *Belli Hispanienſis* c. 25. *Cœlari* autem nec *coria* poterant, nec *ligna*, ſed tantummodo *Metalla*. Et *fulgor* ille vel *Argento* tribuendus erat, vel *Auro*, quo *Metallum* obducebatur, vel *gemmae Pyropo*, quibus hoſtium oculi perſtringendi erant. Itaque veriſimile eſt, in illorum quoque *Clypeorum* ſaltem *umbonibus* fuiſſe *Metalla*, ut jam antea obſervatum eſt. Imo *Equites Romanos Argentis prope teſtos* idem teſtatur ad *Cæſarem* transfugiſſe c. 26. Ut in *Equitibus* ornatum illum præcipue obſervatum intelligamus. Niſi forte *Julio Celſo* illa, potius quam coævis Auctoribus, *Hirtio* aut *Oppio*, tribuenda ſint. Quæ tamen *arma* ornari ſolebant, exinde diſcimus, quod *tegumentis* illa, præterquam in *pompis præliſque*, ab *aëris* injuriis tuerentur, non alia certe de cauſſa, quam ne vitiaretur ornatus. Sed de *κεφαλαιαὶς* (ſeu *Galeæ* illæ, vel *Caffides*, fuerint) & *Clypeis* illam fuiſſe ſollicitudinem docet *Plutarchus* in *Lucullo*. Ibi enim pro certiffimo *prælii* futuri Argumento habetur, quod *nudatos* geſſerint *Romani Clypeos, capitumque* (quæcunque demum illæ fuerint)



fuerint) *armaturas*, quum moverent in *Tigranem*. Hinc etiam certo constat, rectius *Bucculas*, quæ à *Barbaricariis* postea *Argento* atque *Auro* ornabantur, ad *Clypeos* retulisse præstantissimum *Cangium*, quam ad *Cassidum visoria*. Erant ergo, inter *Fabros Castrenses Armorum* ornandorum *Artifices*, etiam sub *Julio Cæsare & Bruto*; non, ut postea, *Civitati* alicui *primariæ*, & *Metropolitanae*, proprii, quæ *Præfecturæ Prætorianæ* sedes fuerit. Imo pro *novo Julii invento* videtur habuisse *Suetonius*. Fieri potest ut eum pro primo hujus moris, apud posteros retenti, *Auctore* habuerit. De *armis* autem *Ære* tegendis, quod postea factum, ne verbum quidem, in hujus *Seculi*, quod quidem meminerim, *Auctoribus*. Dum propriis quidem, pro *census* ratione, stipendiis, arma *Reipublicæ* suppeditabant, alia aliis & *plura*, & *pretii* etiam *gravioris*, ut quisque oneri ferundo par à *Consitoribus*, seu *Regibus*, seu *Consulibus* judicabatur, antea quam *Censorum* Ordinarius Magistratus in *Rempublicam* invehetur. Ita nimirum ut *Clypeos æneos* conferre tenerentur *primæ Classis* cives. Non item quum *stipendia* ex *Ærario* acciperent, & *arma* è *Capitolii armamentario*, Bello finito, in eodem *Capitolii armamentario* reponenda. Tum *raro* admodum, & *fere* legimus, *arma* gregariorum *Militum ænea*. Et tamen talia fuisse verisimillimum est, quæ *Ære tecta*, non *ornata*, memorantur in *Legibus de Fabricensibus*. Ut scilicet non *addititium*, ut ante, *umbonem æneum* habuerint, sed *Clypeos totos Ære tectos*. Ita certe rem fuisse ostendit usus vocis *tegere* qua τῶ or-nari opponitur. Docet enim, quod, quum antea *umbo* tantummodo *Metallicus* fuisset, & paucæ quædam in *Clypeorum orâ* laminæ, jam deinceps *tota* *Clypei* superficies *exterior*, uti etiam *Cassidis*, *Metallo* obducenda esset, ut ex *uno* constaret *Metallo*. Non tamen obstat *tuæ Parmæ* insigne *Artificium* quo minus *Artifex antiquior* fuerit *Publicis Fabricensium Collegiis*, dum penes *privatos* *Exercituum Duces*, & penes *Legiones* essent etiam *Armorum Fabri*, qui non *fabricandorum* duntaxat *armorum*, verumetiam *decorandorum*, ut loquuntur *Leges*, potestatem habebant, ut scilicet *militibus*, pro suo cujusque

*merito, pro Ducis privati arbitrio, præmii loco distribuerentur, ut hastæ olim puræ, ut vexilla, ut torques, ut armillæ, variique generis coronæ. Imo integris, si ita videretur, turmis vel cohortibus. Tuam autem Parmam non Equitis, nedum velitis fuisse privati, è pretio artificioque constat. Imo magis ex Historia, quæ ad gentis Furie, Patriciæ gloriam spectabat. Potuit ergo possessor ejus adeo nobilis, ipse Dux exercitus fuisse, & Legionariorum Fabricensium opera in suos privatos usus fecisse. Potuit vicissim è Publico Fabricensium Collegio, honoris ergo, à Principis tum rerum potentis munificentia accepisse. Ut proinde non sit facile, è receptis Seculi Parmis, de hujus Parmæ ætate pronunciare.*

12.  
Cassides Metallica Auro  
Argentoque excultæ à  
temporibus Julii Cæ-  
saris in Militia Equestri  
receptæ; & Buccula  
quæ illis responderint,  
proinde, ut videtur, Me-  
tallica, ante Juvenalem.  
In Militia autem Pe-  
destri Galea non Me-  
tallica, usque ad Impe-  
rium Gratiani, apud  
Romanos.

*Barbaricariorum certe, qui Parmam tuam ornare possent, in proximis Neroni temporibus ne quidem nomen legimus. Nec de ætate constat qua Armorum Fabricas singulis Legionibus ademerit Imperator, suoque Prætorio proprias fecerit. Imo Barbaricariorum Collegium recentius fuisse verisimillimum est, nec primo Buccularum Metallicarum usui cœvum. Scutis, utique coriaceis, Bucculas assignat Livius, nec Cassidibus opponit (ut in recentiori Fabricensium Collegio factum) sed tantummodo Galeis.*

*Quod quidem ab eo temere factum non est, sed pro temporis ratione, quo vixit Æmilius Paullus. Hoc enim discrepabant invicem Cassides atque Galeæ, quod è coriis Galeæ, è Metallis autem fieri solerent Cassides. Isidori Hispalensis verba sunt: Cassis de lamina est: Galea de corio. Nam Galeros corium dicitur. Cassidem autem à Tuscis nominatam dicunt. Illi enim Galeam Cassim nominant: Credo à capite. Etym. L. XVIII. c. 14. Et solum coria fuisse, unde & nomen habuerint Galearum, ab aliis observatum est, quod primâ Galearum apud Romanos origine factum, incredibile non est. Ex aliorum tamen Animalium pellibus postea constitisse, veterum testimonia sunt. De Casside suffragatur recentior alius Glossator penes Cl. Hearnium, in eo tamen Isidoro plenior, quod materiam Cassidis faciat Chalybeam, de sui*



*sui Seculi Cassidibus*, ut videtur, intelligendus. Neque vero *precariam* hanc esse distinctionem, & à *recentioribus* imperitiis et *Grammaticis* inventam, ostendit *Tacitus*. Ita de Germanorum armis ille: *Vix uni alterive Cassis aut Galea*, de morib. Germ. c. 6. Dum ergo in usu essent *coriaceæ* tantummodo *Galeæ*, *Scutorum Bucculas* similiter *coriaceas* fuisse consentaneum erat. Atque ita rem fuisse ex ipso *Scutorum* nomine, quo *Livius* usus est, non absurde colligimus exceptis saltem forsitan *umbonibus*. Longe autem aliter *Juvenalis* fracta de *Casside Bucculam* pendentem inter spolia *Triumphalia* ab hostibus reportata refert Sat. X. Ad eundem plane modum quo & *Leges* de *Fabricensibus*, sub *recentioribus Imperatoribus*, & quo in veterum monumentorum *Tropæis* repræsentantur. Hæc ille, qui sub *Hadriano* scripsit, ut in *Annalibus Quinctilianeis* ostendimus. Inde colligimus, ut *Cassidum* usus *Metallicarum* sub *Hadriano* receptus est, ita & *Bucculas*, quæ illis *Cassidibus* responderint, tum quoque fuisse receptas, similiter utique *Metallicas*. Et quidem *Bucculas*, qua *integros* designant *Clypeos*, non *Umbo*es tantummodo, quos tamen pro *integr*is *Clypeis* similiter usurpari jam antea observavimus. Eodem facit, quod quanquam nullos, ea ætate, legamus *Barbaricarios*, *Publica* tamen *Armamentaria* legamus antiquiora *Hadriano*. Q. *Nævium Marinum Militem*, ex *Armamentario Imp. Caesaris Domitiani Aug. Germanici Cassidarium*, qui vixerit ann. XXXX. exhibet *Inscriptio Reinesiana* Cl. VIII. 70. *Cassidarium* scilicet, non *Galearium*. Ut intelligamus *Cassidum Metallicarum* curam penes *illum* fuisse, quales procurabant sequiorum temporum *Fabricenses Publici*. *Miles* proinde fuerit oportet, eo sensu, quo *Palatina Militia* *Officiis Palatinis* attribuitur, quæ *Militiæ* opponitur *Armatae*. Siqui autem, eo quoque *Sæculo*, fuissent *Barbaricarii*, sic *Miles* ex *Armamentario Cassidarius* appellari forte potuit, qui *Præmii* loco *Cassidem Barbaricarium* arte politam à *Principe* acceperat. Poterat autem, sine *Barbaricariis* nondum institutis, *Argento* & *Auro* *Milites* suos ornatis Armis donare Imperator, ut *Julium* vidimus donasse atque *Brutum*. Sed

*Cassidem*

Cæs. de Bell.  
Afric. c. 16.

*Cassidem* sine *Buccula* collaturum *Principem* credibile non est, quæ semper *pari* numero invicem conveniebant in *Legibus* de *Fabricensibus*. Jungunturque invicem à *Juvenali*, qui illo ipso vixit *Seculo Domitiani*. Itaque libentius *Operarium* hunc fuisse *Militem* crediderim in *Armamentario*, quam dono cultum *Operariorum* arte ornatò. *Armamentarium* certe ante *Domitianum*, *Romæ* memorat *Tacitus*. Hist. I. 38. 80. Imò antiquis admodum *Reipublicæ* temporibus arma, Bellis finitis, in *Capitolium* illata docet *Dionysius Halicarnassæus*. *Cassides* autem *Julii* quoque *Cæsaris* temporibus obtinebant apud *Romanos* in *Militia Legionaria Equestri*. *Veterano* *Legionario* *Labienus* ipse equo insidens *tyrocinium* exprobrat. *Equiti* proinde, ut videtur, & propterea pro *tyrone* habito, quod inter *Equites* mereret *Adolescentes*, qui tamen *Veteranos* *Ordinum ductores* habebant, quales in hac tua quoque *Parma* vides, *Barbatos*. Quid ad hæc *Veteranus*? *Cassidem*, inquit *Auctor*, de capite dejecit, ut cognosci ab eo [*Labieno*] posset; atque ita pilum viribus contortum, dum in *Labienum* mittere contendit, equi graviter adverso pectori affixit, & ait: *Labiene, Decumanum militem, qui te petit, scito esse*. *Cassidem* dejecit, ut de ætate stipendiorumque numero manifestius constaret. Et pilo potius missili quam lancea, usus est, quod extra ordinem injussu *Imperatoris*, excurrere non licebat. Ita *Pacidium* [*Cæsarianum*] graviter pilo per *cassidem* caput ictum in eodem *Bello Africano* legimus c. 78. *Equitum* autem proprias tum fuisse *Cassides* doceant verba illa *Cæsaris* ipsius: *Mulionesque cum Cassidibus, Equitum specie ac simulatione, collibus circumduci jubet*. Bell. Gallic. L. VII. c. 45. *Galeas* in reliqua *Militia Romana* tum quoque obtinuisse, ex iisdem discimus *Auctoribus* eorundemque *Bellorum Historiis*. Ita *Cæsar* ipse de suis militibus *Legionariis*: *Temporis tanta fuit exiguitas, hostiumque tam paratus ad dimicandum animus, ut, non modo ad insignia accommodanda, sed etiam ad Galeas induendas, scutisque tegmenta detrahenda, tempus defuerit*. Bell. Gall. L. II. c. 21. Recte hîc cum *scutis Galeas* jungi videmus, ut apud *Livium*.

Scuta



*Scuta enim Pedestris erant armaturæ, nec, ut ex voce ipsa constat, Metallica. Sic de Pompeianis, similiter utique Legionariis: tegmenta Galeis milites ex viminibus facere, atque aggerem comportare jubet. Bell. Civ. L. III. c. 61. Et postea: Multum autem ab ictu lapidum, quod unum nostris erat telum, viminea tegmenta Galeis imposita defendebant. c. 63. Iterum: Milites jubet Galeari, & ad pugnam parari, quorum omnino numerus fuit xxx. cohortium. de Bell. Afric. c. 12. Hi certe Milites Pedestres erant, quos mox opponit Equitibus & Sagittariis. Sic item Tacitus, quo loco confusionem describit aperti, sub Othonis initium, Armamentarii: Rapta statim arma, sine more & ordine Militiæ, ut Prætorianus, aut Legionarius insignibus suis distingueretur. Miscentur Auxiliariis, Galeis Scutisque. Hist. L. I. c. 38. Hinc intelligimus, tum quoque Scutis conjunctas fuisse Galeas, & quidem utraque omnium Ordinum copiis pedestribus fuisse communia. Sic juniorum Bucculæ, quæ nunquam aliæ quam Metallicæ, quæ Cassidibus, non Galeis, etiam in Juvenali opponuntur, Equitum propriæ fuerint oportet, ejusdemque, cujus & Cassides, quarum usus apud Equites antiquissimus erat, materiæ, nempe Metallicæ. Galearum enim usum & Scutorum in Auctoribus tua Parma junioribus Historiæ Augustæ legimus. Etiam in eadem Militia Pedestri. Ad Gratiani Imperium pertigisse docet Vegetius L. I. c. 20. Ne necesse sit mediæ Seculorum testimonia congerere. Nec redditas postea pedestribus Cataphractas aut Galeas ostendit. Mentio quidem ibidem occurrit medio loco Cassidum, quæ videri posset importuna nisi MSS. tam Stewechii quam Steuartii fulciretur. Inde conjectura non importuna Stewechii in præcedentibus pro utique potius legendum utrique, ut de utraque Militia, tam Equestri quam Pedestri, sermo fuerit hoc in loco Vegetio. Observaverat Auctor, labente majorum Disciplina, gravem Militibus visam à majoribus acceptam armaturam. Sequitur: Itaque ab Imperatoribus postulant, primo Cataphractas, deinde Cassides deponere. Lacunam fuisse suspicor, ita supplendam [denique & Galeas] deponere.*



ponere. Erat quidem *Cataphracta*, seu *Lorica*, utrique *Militiæ* communis. Inde postea observavit Auctor nemini curæ fuisse, vel *Cataphractas*, vel *Galeas pedestribus* reddere. Quo loco, ni fallor, innuit, *Cassides Equestribus* redditas, quum tamē *Galeas Pedestribus* nemo usque ad tempora *Vegetii* reddidisset. Idque de *Cassidibus* verum fuisse docent non tantum *Leges de Fabricensibus* & *Sidonius*, verum etiam antiquior *Vegetio Trebellius Pollio*, qui inter *dona*, à *Valeriano Aureliano* collata, *Cassidem* recenset *inaurata*. E *Romano* scilicet *Armamentario* in quo & *Cassidarios* fuisse jam ostendimus. Poterat ergo *Parma* illa tua *cultum* illum, quem observasti, *Aurarium* sibi comparare, vel in *Armamentario* Principum *Romano*, vel in *castris* quibus præfuerit aliquis è stirpe *Camilli* Dux, sine *Barbaricariis*. Imo antea quam *ortum* haberet *Palatinum* illud *Officium Barbaricariorum*.

<sup>13.</sup>  
Barbaricariorum, qui armorum cultui vacabant, origo. Initium fortasse sub Constantio.

*Barbaricariorum* certe ornatum à *Militibus limitaneis* in Romanorum *Fabricensium* usum publicum emanasse verisimillimum est. Hos *Ducianos* appellat, & *Barbaricis excursionibus* oppositos fuisse docet *Novella Theodosii junioris XLIII*. Inde satis commode *nomen* ipsis adhæserit *Barbaricensium*. *Duciani* autem propterea appellati sunt, quod *Ducibus* paruerint *proprie* ita dictis, qui *limitum* proprii erant. Hos agris ab *hoste* captis donavit *Alexander Severus*. Post *triumphum*, ut videtur, de *Persis*. Inde obiter Argumentum habemus *viCTORiæ* cui adeo maligne detrahit *Herodianus*. Inde & causam discimus *Pacis* quæ secuta est, à *Persis diutina*, quam ne quidem inficiatur lividus *Sophista*. Nempe propter *limitaneorum præsidiorum* Disciplinam ab eodem Principe constitutam, unde factum ut ne quidem *ansa* unquam præberetur hostium irruptionibus, invigilantibus in sui patrimonii tutelam colonis. Eosdem *Juribus* multis firmabant secuti *Imperatores*, ne unquam à *limitibus* avocarentur. Ita factum, ut in *Pace* quoque præsidiis *limitaneis* addicti, nec *Bello* ullo imminente, (cui tamen illos perpetuo paratos esse oportebat) *Pacis*, inquam, tempore, præter rem *Agrariam*, nihil aliud, in quo occuparentur, haberent, præterquam



terquam *Exercitia Militaria, Armorumque cultum*. Inde ad *Fabricas Principum Publicas*, quum *cultus Armorum* peritissimi haberentur, translati Artifices, *Barbaricariorum* nomine recte appellandi erant. Ut enim *Barbaricæ* ditiones omnes aliæ, quæ *Romanos* Imperatores Dominos non agnoscebant, apud *Romanos* Scriptores habentur; ita nulli magis quam qui inter *Romanos* Romanorumque æmulos potentissimos intercederent, *Parthos* primum, deinde *Persas*. Hæc ergo jure quodam proprio simpliciterque *Barbarica*, assumptique ex hujus *Barbaricæ prætenturis*, eodem quoque singulari jure *Barbaricarii*. Cœpit ergo sub *Alexandro Severo* accuratior illa harum prætenturarum *Orientalium* cura, quæ otium fecerit, armis poliendis infumendum. Nec tamen protenus inclaruit horum colonorum peritia ut ad Urbes alias insigniores Artis hujus callentissimi inde transferrentur. De *Barbaricariis* Leges antiquissimæ Principum sunt *Orientalium* quibus hæ parebant ad *Orientem* prætenturæ. Nec *Orientalium* Imperatorum quenquam habemus antiquiorem *Valente* qui præceperit de *Barbaricariis*. Sed nec ille *Barbaricariorum* stationes alias agnoscit præterquam *Constantinopoli* & *Antiochiæ*. Vix puto *Nicomediam* omissurus, si, quum *Diocletianus* Prætorium Augusteum *Nicomediæ* teneret, ulli tunc fuissent, inter Officia Prætoriana, *Barbaricarii*. Quid si tum institutum fuerit hoc Collegium, quum & *Augusteum Prætorium Constantius Constantinopoli*, & *Cæsareum Gallus Antiochiæ*? Tempus ego magis idoneum, quo fieri id potuerit, nullum plane reperio. Meminit quidem *Barbaricariorum Notitia* in Imperio etiam *Occidentali*, Sect. LVI, LVII, LIX. Sed in partibus *Orienti* proximis, quæque *Orientali Augusto* paruerint, saltem ipsi *Constantio*, qui nova *Barbaricariorum* Collegia in *Occidente* constituere potuit, utilem eorum operam antea expertus in *Oriente*.

Ceterum imberbes *Equitum* vultus advertit amplissimus *Cuperus*, eoque trahit locum *Plinii*, de anno quo primi tonsores *Romam* allati sunt. Sed temporis nullius certi notam illa supeditat observatio. Poterat enim idem, si *Parmam* at-

<sup>14.</sup>  
Equites Romani gregarii omnes, ut hic representantur, imberbes, præ ætate.

E

tentius



tentius lustrasset, vultus *Equitum* alios observasse satis *barbatos*. Inde licuit intelligere, nulla *affectione*, nec eo quod *tonforibus* carerent, *imberbes* fuisse reliquos. Imo *ætati* imputandum erat nondum *maturitatem* illam affecutæ quæ *barbæ* procurandæ esset idonea. *Polybius* L. VI. *δευτέραν ἡλικίαν* tribuit *Equitibus*, quæ nempe *prima* erat *Catalogi Militaris*. Eiusdem enim *ætatis* *Milites*, per *quinquennia* aut *decennia* distributi, simul militabant apud *Græcos*, ut *Juniorum Seniorumque* centurias invicem contulerunt *Romani*. Et *Juniorum* præsertim ordines, quum conscriberentur, *Pubes* & *Juventus* apud *Scriptores Romanos* passim audit, quæ *ἄρα* apud *Græcos*. Inde *Ara Juventæ*, quum ne *Jovis* quidem *Capitolini* Templo cederet, pro bono *omine* interpretabantur *Augures*, quo significaretur nunquam *Reipublicæ* defuturam, qua *copiæ Militares* complerentur, *Juventutem*. Est enim *Ætas* illi *Pueritiæ* proxima, quæ *maiores* pariter ac *minores Pueros* complectebatur, nec *investes* tantummodo, verumetiam *vesticipes*. Ita *Pubertas* illa, quæ *Militiæ* idonea habebatur, non immatura intelligenda est, quæ à *toga Virili* & XIV<sup>o</sup>. *Ætatis* anno inibat, sed de ea quæ *plena* appellabatur, quæ anni erat *Ætatis* XVIII. ut ostendimus in *Annalibus* nostris *Quintilianeis*. Hac enim *Ætate* in *Equestrem* statum allegendos suadet *Mæcenás* celeberrima illa apud *Dionem* L. LII. Oratione, quæ constitutæ ab *Augusto* *Reipublicæ* norma habetur. Inde inter *primos Cæsareorum Principum* honores locum habebat ille, quo *Principes Juventutis* appellabantur. Quæ vero fuerit *Juventus* illa cujus *Principes* habebantur, è *nummis Neronis* & *Commodi* facile colligimus ab *Equestri* Ordine in honorem illius cuspis qui *Principis Juventutis* titulo designabatur. *Suum* nimirum *Principem* agnoscunt qui *Juventutis* Princeps erat. *Juvenes* proinde etiam *ipsi*, ut in eodem cum *Principe Juventutis* ordine recte censerentur possent. Hoc tamen *discrimine*, quod *maturior* fuerit *Juventutis* in *Juventutis* Principe limes quam in *Juvenibus gregariis*. Expleta enim *Pueritia*, & *Pubertus prima*, quæ cum *Virili toga* anno *Ætatis* XIV<sup>o</sup>. expleto sumenda absolvebatur, satis erat, ut quis

*Cæsar*



*Cæsar* Imperii Candidatus *Principis Juventutis* titulo cohonestaretur, quum tamen ad *privatum Equitem Ætas* quadriennio major exigetur. Pro eodem scilicet exemplo quo *Cæsaribus* indultum legimus, ut *quinquennio* citius, quam per *Leges* licuit, peterent etiam *Consulatus*. Hanc autem ætatem *imberbem* fuisse, etiam in illis, qui *tonforum* opera utebantur, similiter constat. *Barbam* enim *primam* Diis etiam consecrare solebant Viri *Principes*, *Ponendæque* solennitas, quanta per facultates licebat, erat etiam apud *privatos*, invitatis etiam ad convivium Amicis. *Ætatemque*, qua poni frequentissime solebat, in *tertii septennii fine*, *Ætatis* nimirum anno XXI<sup>o</sup>. statuit *Macrobius*. Sed gravem in se *Juvene Barbam* agnoscit *Juvenalis*. Qua scilicet non soli *lanugini* opponitur, sed *levi* etiam *Barbæ*, quæ *Barbato*, ut tonderetur, nullam prorsus *molestiam* creabat. Hæc aliquatenus *afsectam Barbæ ætatem* arguit, quæ tamen fuerit intra *Juventutis* limites coercenda. Hæc *Juventutis à prima Barba* paullo *remotioris* nota est. Quum scilicet *consuetudinis* potius, quam *ponderis*, causa *Barbam gravem* existimamus, propter inolitam *tondendi* consuetudinem. Ita multi fluxerint ab *initio Militiæ Equestris* anni, antea quam *Barbarum* ulla prorsus significatio in *vultu* proderetur, ab anno *Tyrocinii* XVIII. ad *primam Barbam* *Ætatis* ejusdem annum XXI. integrum *triennium*, tum & alii aliquot anni, dum *pili novi duritiem* illam *coloremque* contraherent quibus à *lanugine* facile internoscerentur. Secundam hanc, quam *Polybius* appellat, *ætatem* ad annum XXX<sup>m</sup>. extendit *Varro* apud *Censorin.* c. 14. quæ etiam *Adolescentia* à *Varrone* censetur, qua quidem *Adolescentia* ut *minor* à *Juventute* propriissime sic dicta, quæ ab *Adolescentiæ*, quam includit, *sine* ortum habet, distinguenda est. Nempe de *Adolescentia* in censu *Romano* intelligendus, utpote *Romanus*, rerumque *Romanarum* peritissimus. Hæc erat, ni fallor, *Ætas*, qua inter *Equites* merebant *Adolescentes*, inde, ni fallor, ad *Legionarios* transferendi. Hoc voluit, ut opinor, *Veteranus* ille *Legionis X. Cæsarianus*, cui *Casside Equestri* tecto *tyrocinum* exprobraverat *Labienus*. Dejecta *casside* tricen-



nario *maiores* se probavit è *vultu barbato*, *Ætateque majori* quam quæ in *Equitem* posset convenire *gregarium*. Sic erit hæc *Varronis Adolescentia* prorsus eadem cum ea quæ *Juventus* propriissime sic dicta censetur paucis à *Varrone* annis. Nam *Juventutem* à toga *Virili* anno, ut dixi, XIV°. expleto ordiuntur *Cæsares*, *Principesque Juventutis* sæpissime appellantur. *Tricennario* autem *maiores* nondum amplius *Principes Juventutis* audiunt, sed *Tribunitiam Potestatem* capeſſunt, si quidem ita *primario* videretur *Augusto*. Annum certe illum *superare* non potuisse qui in *Militia Equestri* *gregaria* merebant, vel è *Tyrocinii Equestris* exercitiis à *Vegetio* ex optimis *Militiæ Romanæ* florentis descriptoribus collectis, facile colligimus. *Equi*, inquit, *lignei hyeme sub tectis, æstate ponebantur in campo*. Super hos *juniores* primo *inermes*, dum consuetudine proficerent, deinde *armati* cogebantur *ascendere*. Tantaque cura erat ut non solum à *dextris* sed etiam à *sinistris* partibus & *insilire* & *desilire* condiscerent, *evaginato* etiam *gladios* vel *contos* tenentes. Hoc enim *continua meditatione* faciebant, scilicet ut in *tumultu prælii* sine mora *ascenderent* qui tam *studiose* exercebantur in *Pace*. L. I. c. 18. Hanc *salutionem* (sic appellat) *equorum* *districte* semper *exactam* fuisse docet. Imo illius *usum* ad suam usque *Ætatem* (quæ *quarti* erat *Seculi*) licet cum *dissimulatione* pervenisse. Ne dubitemus, quum *tuus* viveret *Artifex*, observatam. Quæ certe à *majoribus* *tricennario* ægre, si vel ægre tolerari vix poterant, propter *rigorem* illum *membrorum* qui *Senectutem* etiam *viridem*, quam appellabant, comitatur. Sic ipse alibi *Vegetius* hortatur ne *diutius* differantur illa *Tyronum* exercitia. *Militaris* (inquit) *alacritas, saltus & cursus ante tentandus est quam corpus ætate pigrescat*. L. I. c. 4. Ita rem fuisse in *gregariis Equitibus*, pro *veteri Disciplina*, certum est. *Turmarum* autem *ductores*, Ἰτάρχαι, ex aliis *provehitoris ætatis* *Militum* ordinibus designari solitos agnoscit etiam *Polybius*. Inde *Equites* illi *Barbati*, quos reliquis *immistos* in tua quoque videmus *Parma*. Maxime in parte ejus illa quæ *Romanis* assignatur.

*Barbatum*



*Barbatum trutinæ*, qua *aurum* pende-  
batur, proximum, *Equestrem* ipsum *Dictatorem* fu-  
isse verisimillimum est, *Camillam*. Non equi-  
dem, quod ulli fuerint coævi *Camillo Pictores*  
qui *veram* ejus *effigiem* posteris tradere potu-  
erint, quum artem, qua ad *vivum* repræsentab-  
bant *cælatores*, apud *Romanos* multo *nuperio-  
rem* jam fuisse probaverimus. *Finxit* ergo *Ar-  
tifex*, quum non haberet quod imitaretur, *Ca-  
millum* vultu senili, & proinde *Barbatum*. Nec  
absurde, quum illum *Ardeæ* consensuisse, quum ad *Dictatu-  
ram* illam, qua *Gallos* Urbe expulit, promoveretur, testetur  
*Livius* L. V. c. 44. Eumque post annum *receptæ Urbis*  
XXV. extinctum, quam *matura*, tam *acerba*, morte obiisse  
dicit. L. VII. c. 1. *Matura* mors ea est, quæ per *Ætatis*  
legem exspectari potuit. *Ὠπαΐαν* appellat *Plutarchus*.  
Metaphora utrobique ab *Arborum fructibus* petita est,  
qui, quum *maturi* sunt, sponte *sua*, nec ulla *vi* adhibita  
ex arboribus decidunt; dum vero *nondum aciditatem*,  
expleta *maturandi* tempestate, exuerint, *vim* exigunt ut  
ex arboribus divellantur. Ita *præcox* funus *acerbum* dixit  
*Statius*. Hoc ergo volebat *Livius*, quanquam ea fuerit  
*Camilli ætas* ut *mors* ejus *præter* expectationem acci-  
dere non potuerit; ita tamen eam, præ civium *amore*,  
deploratam, quasi *nondum* legitimum communemque  
vitæ limitem explevisset. *Decor*i rationem similiter non  
improbabilem secutus est *Clypei Sponiani* artifex, quum  
*Scipionem*, qui postea *Africanus* erat *major*, *imberbem*  
exhibet, eo *anno* quo formosam *captivam* sponso reddi-  
dit. Eo tamen anno *Ætatis* annum agebat XXV. qui  
*superiori*, quo Expeditionem *Hispanicam* susciperet, *qua-  
tuor & viginti ferme annorum* natus fuerat. *Liv.* L.  
XXVI. c. 18. Inde quoque manifestum est ad annum  
saltem XXV. pertigisse *imberbem* illam, seu *Juventutem*,  
seu *Adolescentiam*, quam *Militiæ Equestri* assignatam  
jam probavimus. Sunt enim, in eodem quoque *Clypeo*  
*Sponiano*, satellites *Scipionis* satis *Barbati*. Ut proinde  
*Ætas* *Scipionis* in *caussa* fuerit cur ipse effingeretur  
*imberbis*. Convenit cum *Clypeo* illo tua quoque *Gemma*,  
quam

15.

Sunt & in *Parma* E-  
quites *Barbati*. Quorum  
e numero primus ipse  
est *Camillus* Dictator  
cum *Dictatoria* *Majesta-  
tis* insignibus. Satelles  
illius est, non autem  
*Sulpicius* *Tribunus* *Con-  
sularis*, qui *pedes*, *casside*  
tamen *armatus*, *minan-  
tique* similis, *Dictatoris*  
*mandata* *Brenno* refert.



quam *clypeo* adjunxit, suis ad *Livium* Notis, noster *Hearnius*, quæ etiam ipsa *Scipionem* exhibet similiter *imberbem*. Sunt autem & alia in *Camillo* (qualis in tua effingitur *Parma*) *Equitis* plusquam *vulgaris* insignia. *Hasta* imprimis illa sine *flammeo*, summo, ut videtur, *Imperatori* (qualis apud *Romanos* fuit certe *Dictator*) propria. Ita certe res habuerit oportet in eo qui *solum* tenebat *hastam*, armis aliis nullis, quibus hosti nocere posset, instructus. Nec enim *armis* onerandus erat, qui exercitus *universi* curam in se habebat, ut quacunque *parte* laboraret, occurreret, *motui* proinde, quam *pugnæ*, expeditior, cujus proprium erat munus, non tam pugnare *ipse*, quam pugnantibus de *loco* pugnæ, & *tempore* opportuno *præcipere*, quique habebat tot *armatos* in promptu *satellites*, si aliis in hostem *armis* fuisset opus. Nec sane alia legimus *summorum Principum* insignia, præterquam domi *sceptra*, militiæ *hastas*. *Hastâ* signum dedit *Josue* de Urbe ab *insidiatoribus* occupanda. Et *Saulis* Regis *hastam* ad caput dormientis reperit *David*, 1 *Sam.* XXVI. 11, 12, 16, 22. Et incumbentem super *hastam* *Saulem* se invenisse refert qui se pro illius percussore venditabat *Amalechita*, 2 *Sam.* I. 6. Et *hastam* tenent in manu armatæ *Palladis* simulacra. Uti etiam *Imperatores* nummis in *viCTORIæ* memoriam cufis. Inde *hasta inaurata* usus fuisse dicitur *Maximinus* junior. *Capitolin.* in vit. c. 3. Uti *Principe* dignissima. Et *lanceæ*, quæ cum hastis eadem erant, *lauro* coronari solitæ, ut vult *Salmasius* in *Lamprid.* vit. *Alexandri Severi.* c. 58. Tanquam *Auspicii Imperatorii* Symbola. *Pila* certe *lauro* coronari solebant. Et *pilum Crastini* Centurionis *lanceam* appellat *Lucanus*. Et *hastarum missilium* ambitu *Pila* continebantur. Idemque usus erat *Pili*, *Hastæ* & *Conti* apud recentiores, in *capitibus* cæsorum *hostium* publico ostentandis. Et *Crista Cassidis*, seu *apex Cassidi* impositus, ad *Equitum* distinctionem faciebat. Ita subita *Nerviorum* incursione, confusionem exercitus sui describit loco jam supra allato Cæsar : ut non modo ad insignia accommodanda, sed etiam ad galeas induendas . . . tempus defuerit. *Bell. Gall.* L. II. c. 21. Frustra hæc ad alia, quam galearum,



*rum, insignia* retulit *Rhellicanus*. Rectius *Lipsius* *Analect.* ad L. III. *Mil. Rom. Dialog. II.* referenda potius ad *galeas* existimavit. *Cristæ* enim *conis*, qui Græcis *φάλοι*, innectebantur, ut ex *Eustathio* & *Glossis veteribus* ostendit prædicto lib. *Dial. V. Lipsius*. Verba enim *non modo, &, sed etiam*, ita partes ejusdem sententiæ invicem nectunt, ut accommodatio illa, cujus meminit pars sententiæ prior, alio quam ad *galeas* in parte sententiæ posteriori, referri ne quidem commode potuerit. Ita factum ut ad *prima quæque signa, ut occurrebant, miles constiterit, ne in quærendo suos, pugnandi tempus dimitteret*. Post *signa* enim *inventæ* supererat labor *Tribunos Centurionesque* proprios distinguendi, moræ majoris quam ferebat res agenda, *nondum* accommodatis *galearum apicibus*. Proinde necesse habebat *Cæsar tegere* suorum *insignia*, L. VII. c. 45. quum *hostes latere* vellet quem quisque *locum* in exercitu tenuerit. *Signis militaribus* opponuntur hæc *insignia*, de *cassidum* proinde *insignibus* commodissime intelligenda. *Tegi* enim illa *insignia* recte dici poterat, *non repositis*, quæ antea *induerant, tegumentis*, ut in re gerenda morem apud *Romanos* fuisse docet *Plutarchus* in *Lucullo*, ut scilicet *nudatis* tegumento *galeis* in hostes progredirentur. Similis plane *confusionis* exemplum sub *Othone* refert *Tacitus*: *Rapta statim, inquit, arma, sine more & ordine Militiæ, ut Prætorianus, aut Legionarius insignibus suis distingueretur. Miscentur auxiliaribus galeis scutisque*. Hist. L. I. c. 38. Hinc manifestum est in *galeis* etiam fuisse *insignia* quibus, *Cæsar* etiam ætate, *Romani* saltem fuerint ab *Auxiliaribus* internoscendi, nondum constitutis *Prætorianis*. Sed & *militum Legionariorum* discrimen erat in illis *Cassidum insignibus*. *Plebeiam cassidem Bruto*, dum ignotus hosti esse cuperet, tribuit *Lucanus* L. VIII. Et quidem *Plebeie cassidis*, quæ nullos habebat *apices*, in tua *Parma* exemplum habemus. Sic item *Vegetius* de *Centurionibus*: *habebant galeas ferreas, transversis & argentatis cristis, ut facilius agnoscerentur*. L. II. c. 16. Nec potuit hæc de sui temporis *Militari Disciplina* asserere *Vegetius*, ut arbitrabatur *Lipsius*, quum sub *Gratiano cataphractarum galearumque*

&



& *cassidum* usum sublatum, imo ne quidem postea *re-*  
*ditum*, idem testis sit *Vegetius* L. I. c. 20. Itaque ad *an-*  
*tiquiora* tempora referendum est, quum *galeæ ferreæ*, seu  
*Cassides*, ita *Equitum* propriæ essent, ut *galea* ex eodem  
*Metallo* cum *crista transversa* & *Argentata* pro *Centu-*  
*rionis Pedestris* insigni haberetur, quum *Pedestrium Mi-*  
*litum* nemini præterquam *Centurioni* *galea* istiusmodi  
*ferrea* concederetur. Quamquam & in eo discrimen esse  
 potuerit, siquid sani habeat nuperior *Glossator*, nec de  
 sui tantummodo temporis *cassidibus* intelligendus sit;  
 quod *galea* illa *Centurionis ferrea* fuerit, *chalybeæ* autem  
*Cassides Equestres*. Constat interim illas, seu *galearum*,  
 seu *cassidum cristas* pro *Militarium* Ordinum insignibus  
 habendas esse. Fieri ergo potest ut & illa quoque *Camilli*  
*crista* summi in exercitu *Imperatoris* insigne fuerit.  
 Alium certe neminem, in tua saltem *Parma*, observavi  
 qui vel *similem* in *Casside cristam* habeat. Sed sui potius  
*Seculi* mores *Artificem* tuum repræsentasse suspicor, ut  
 in reliquis illum repræsentasse vidimus. Ita *summi* potius  
 in exercitu *Ducis*, seu *Prætorius* fuerit, seu *Consularis*,  
 exercitus, insigne in *crista* illa statuendum erit, quam  
*summi* in *Republica* Magistratus, seu *Dictatura*, qua  
 functus ipse est *Camillus*; seu *Imperii Augustei*, pro  
*Seculo* quo tuæ vixit *Parmae* opifex.

16.  
*Camilli* Majestatem ex-  
 pressit Artifex, tam  
 in *satellite*, qui cum  
*Brenno* egit, quam in  
*Ephippiis*.

Sed *Equestre* est *Prælium* quod in *Parma*  
 tua repræsentatur. *Corpus* certe copiarum *Pe-*  
*destrium* neutra ex parte apparet, seu *Gallorum*,  
 seu etiam *Romanorum*, quum tamen ex *Historia*  
 certum sit *utriusque* generis copiis fuisse pugna-  
 tum. Unde igitur *Equestris Camillus*, copiarum *Pe-*  
*destrium* dux, qua *Dictator*, quum *Equestres* ad *Magi-*  
*strum Equitum* attinerent *M. Valerium*? Quod copia-  
 rum tantummodo *Equestrium* conflictum ob oculos po-  
 fuerit Artifex causâ satis verisimilis esse potuit limbi ex-  
 terioris *angustia*, minor quam quæ *utriusque* pugnae vi-  
 vis imaginibus capiendis sufficeret, in quibus peritiam  
 suam venditaret Artifex. Non tamen propterea omitten-  
 dus erat *Dictator* ambarum copiarum Imperator, cui  
 etiam *Magistrum Equitum* parere oportebat. Et in re  
 gerenda



*gerenda equus* Dictatori necessarius erat quo promptius ad omnes exercitus sui partes sese conferre posset. Ita se quum res haberet, in *fronte* universi exercitus locus erat Dictatori maxime idoneus, quo propius copiarum *hostilium* situm atque apparatus specularetur. Idque ex Historia verissimum fuisse manifestum est. *Altercationi de auro, nondum omni auro appenso, Dictator intervenisse* dicitur, quum jam *additus* fuisset ponderi *gladius*. Liv. L. V. c. 48, 49. Et hinc in lance *gladium Brenni* videmus, adstante ipso Brenno. Videmus & alium *bullas aureas lanci* injiciendas colligentem, ut aurum omne *nondum appensum* intelligamus. Addit postea: *Galles summoventi jubet*. Inde quoque manifestum est *Camillum* ipsum *Dictatorem* fuisse qui *jussisset*. Et sane *Equitis* illius *proximi* os, quasi loquentis *jubentisque*, apertum dedit *Parmæ* tuæ opifex, uti etiam *Brenni* pacta conventa, ut in *Livio* sequitur, vendicantis. Non ita in reliquis, quorum *sermonem* nullum supponit Historia. *Gallos summoventi jubet Dictator*. Hoc certe per *satellitem*, qui manu *versus Brennum protensa* verba *Dictatoris* nunciat, *casside* etiam armatus ipse, cui tamen *nudato capite* respondet *Brennus*. Hoc certe in *Sulpicio* Tribuno, *Consulari* licet Potestate, Militum non fuerat laturus *Brennus*, *Populo Romano* insultans, *gladio in lancem* imposito, & *væ victis* voce, ut ait Livius, *Romanis intoleranda*, intonante. *Dictatoris* ergo *satelles* est, non *Tribunus*, cum Brenno paciscens, qui *Dictatoris* pro *Imperio jussa*, ut *summove-rentur Galli*, Brenno tam ingrata, refert. *Majestatis* plane *Dictatoriæ* verba sunt: *summoventi jubere*. Multoque magis quum *hostibus* perferenda mandantur. Maxime vero quum ipsi *hostium Regi*. *Summovere*, si cum *Civibus* res esset, *licitorum* munus erat. Idque indicabat, eum, qui *summovebatur*, de *via* cedere oportere, vel de *equo descendere* si *Equestris* Dictatori occurrisset. Hoc ergo Brenno *Gallorum Regi* armatus ipse tam *Casside* quam *Clypeo*, (quorum utroque carebat ipse *Brennus*) & *minanti* similior, quam *paciscenti*, denunciat *Camilli* *satelles*. Tum de pactis *injussu* suo ab *inferioris* juris *Magistratu* factis, eodem internuncio, *Camilli Dictatoris* cum *Rege Gallorum* exostulatio. *Regem* enim ipsum



fuiſſe oſtendunt *ſenes barbati, inermes & ipſi*, pro ſui *Principis* exemplo, paullulum *remoti*, vultibus *gravitate & reverentia* pleniffimis. Nec alteri quam *Regis Perſonæ* conveniebat audax illa & perfida *gladii* in lancem im-poſitio, quam *Brenno* ipſi tribuunt *Historici*. Denique *Gallis*, ut ſe ad proelium expedirent, denunciatum. *Aliena* omnia à Perſona *Sulpicii*, *Camilli* autem *Dictatoris* Maieſtate digniſſima, armatique, magiſque, quam fuerit *Brennus* ipſe, ad proelium parati, internuncii Perſona *ſummoventis, denunciantis*, imo etiam *minantis*. Inſigni ergo dignitate aliqua fuerit oportet *ſatelles* ille *Dictatoris nuncius*, aut ſaltem non longe à primaria dignitate, licet pedes *mandata* peregerit, qui *Dictatoris* mandata ad hoſtium *Regem* retulerit, utraque Perſona dignus, ſui nempe *Dictatoris & Regis* hoſtilis. *Caffidem* non *Plebeiam* fuiſſe è *criſta* colligimus *Penna*. Et quidem *pen-nas* vel *purpureas*, vel *nigras*, vel *albas* fuiſſe docet *Lipſius* Mil. Rom. L. III. Dial. V. Eſt & alia quoque in *Camillo* dignitatis nota in *Ephippiis*. Inter *Gallos fugientes* unicum obſervavi in quo *Ephippiorum* vel *veſtigium* compareat. In *Dictatoris* ſatellitio frequentiora ſunt, quod merito exſpectandum erat in *ſummæ* dignitatis *Magiſtratu*. Sed & hæc *recentioris*, quam *Camilli* fuerit *ætatis* nota videri fortaſſe poteſt. *Varro* apud Nonium Marcellum; *Mibi Puero modica una fuit tunica, & toga, ſine faſciis calceamenti, Equus ſine Ephippio, balneum non quotidianum, alveus rarus, voc. Ephippium*. Ita quidem, ſi, *Varrone* demum *Puero*, coepiſſet apud *Romanos* uſus *Ephippiorum*. Non tamen ita videtur ſenſiſſe *Varro*. Agebat eo in loco doctiſſimus *Romanorum* de *liberis Educandis*. Suamque *Pueritiam* pro exemplo dedit *parcæ frugalique* Educationis, qua ipſe fuerit à ſuis inſtitutus. Sic *contrarium* ſupponet, potius *frequentem* fuiſſe in *coæqualibus* ſibi *Pueris Ephippiorum* uſum, dum *Ephippiorum* ſeu *contemptum*, ſeu *neglectum*, ſingularem in ſe ſupponit, & pro ſingulari habet Argumento laudis ſuæ, ſi ſponte ſua ab *Ephippiorum* uſu ipſe ſibi temperandum cenſuerit; vel *ecrum* fortaſſe potius quorum fidei commiſſa fuerat illius inſtitutio. Sed *Catonis* nomen illi *Dialogo* inſcripſerat *Varro*. *Junioris* fortaſſe, qui



qui eodem erat, quo *Varro* ipse, *Seculo*, *ætate* tamen *Varrone* paullo *junior*. Ita de *Catonis Pueritia* verba illa intelligi poterunt, si quidem *Catonis Persona* illa scripserit Auctor. *Catonis* autem illius *Pueritiam* in *Syllana* tempora incidisse constat è *Plutarcho*. Coævus tamen *Varroni Cicero Catonis majoris Personam* egit in *Dialogo de Senectute*. Cujus *Pueritia Varrone* longe erat *anti-quior*. Neque vero solus *Cato* pro mollis effæminatique animi Argumento *Ephippiorum* usum habebat. Idem cen-sebat *Xenophon*, idem *Germani* teste *Cæsare*. Non tamen illud obstabat, quo minus viri *voluptatibus* deditissimi iidem fuerint in Bello *pugnacissimi* atque *fortissimi*. Hoc olim observavit de *Atheniensibus Athenæus*, non fuisse inferiores *Lacedæmoniis* in Bello, Civili licet *Educatione molliori* atque *laxiori*. Et par dedit *Plutarchus* apud *Græcos Alcibiadem*, apud *Romanos Lucillum*, aptissime invicem hoc ipso nomine conferendum, quod domi *mol-les*, in Militia tamen *durissima* quæque facile tolerarint. Sic *Philosophi* Personam egit in *Purpura & Unguentis Aristippus*. Et de *militibus* suis *Cæsar* similiter gloriatus est: *etiam unguentatos bene pugnare posse*. Suet. c. 67. *Temporis* ergo ut nota nulla agnoscatur in *Ephippiis Dignitatis* tamen saltem agnoscenda erit, quia *Equites* nonnullos in tua quoque *Parma* videamus qui caruerint *Ephippiis*.

Redeamus jam ad Equitum tuorum *cristas*.

Est ergo, inter *Equites Romanos*, alius multis insignibus à *gregariis Equitibus* facile agnos-cendus. *Ætas* imprimis illi, similiter ut *Camillo*, *Barbata*. Nec *Parma* aliqua aliisve, quæ ap-  
parent, armis onustus, nisi forte *gladio*, è *dextra*

Equi parte, quæ videri non potest, evaginando, quum cominus ageretur, manusque esset cum hostibus conse-  
renda. Onustus tamen *hasta vexillari*, *Alæ* cujuspiam *Equestris*, vel *Cohortis*, vel *Turmæ*, ut videtur, insigni. *Ephippia* autem, quod quidem ipse oculis assequi possim, omnino *nulla*. *Cristam* nihilominus Heroum *Homerico-rum* habet *ἱππεῖν*, cujus rara mentio occurrit apud Scri-  
ptores etiam *Romanos*. *Jubarum Equinarum* mentio

17.  
*Cauda Equina integra*  
*crista non est insigne*  
*Magistri Equitum in*  
*Equite Barbato. Juba*  
*Equina triplices in cri-*  
*sta Camilli.*



diserta apud *Silium Italicum* de Consule *Marcello*. L. XII. *Virgilius* *cristam* duntaxat *equinam* tribuit *Mezentio*. *Cristam* item *Equinam* *Curioni* summo exercitus *Cæsarei* duci *Silius*. Atqui profecto *variæ* erant *cristarum Equinarum* formæ, etiam quum è *pilis* constarent omnes *Equinis*. *Caudam* hîc *Equinam* integram *cono Cassidis* aptatam gestat *Romanus* eques *Barbatus*. Qui quidem *conus* (*Græcis* *κῆρυξ*) *cavus* erat, per quem *pili* transmittabantur, ipso *cono* supra *cassidem* eminenti, ut ex *Eustathio* constat atque *Statio*, cum quibus *Parma* tua convenit accuratissime. Hæc *cristæ* forma, quam antiquissima, *primariæ* tamen inter *Equestres* dignitatis *insigne* esse non potest. *Vexilliferi* est tantummodo, & ne quidem *Vexilliferi* inter *Equestres* *primarii*. *Imberbis* infra illum effingitur *Adolescens*, etiam ipse *Vexillifer*, & qui *cristam* habet, aliam tamen à *vexillifero Barbato*, ne aut *gregarius* *Eques* habeatur, aut *ejusdem* ordinis cum *vexillifero Barbato*. In eo tamen *Barbato* superior quod *Ephippiis* instructus sit quæ nulla reperiuntur apud *Equitem Barbato*. Hæc si *potiorem* dignitatem in *Adolescente* arguant *imberbi*, ita ne *secundariæ* quidem *dignitatis* *insigne* erit *cauda Equina* integra. Tantumque aberit ut *Magister Equitum* fuerit, quod primo suspicabar, *senex* ille *Barbatus*, ut *primum* locum ne quidem inter *vexilliferos* tenuerit. *Jubæ* ergo fortasse potius *Equinæ* fuerit *Camilli* ipsius *apex*, quum *jubarum* usum quam *caudarum* in *summis* *Exercituum* ducibus *frequentiore* observaverimus. *Ἀόποι* in genere *cristæ* *galearum* *Græcis* audiunt. *Ἀόπος*, *ἀνεφαλαία*, *Crista*. Et *Ἀόπος*, *Porticus Galeæ*, *crista*. Et viceversa: *Porticus Galeæ*, *Ἀόπος*. apud *Gloss. Caroli Labbæi*. *Porticus* nempe intelligebatur pars *Galeæ* *eminentissima*, quod scilicet *Galeæ* *summæ* *margini* aptata fuerit, cujus pars *media* omnium *celsissima* fuerit; non autem *mediante cono*, ut hîc factum videmus in *cauda Equina*. Sic enim *Ἀόπος* *Tumulum* & *Collem* *primaria* *significatione* designat. Ut *Porticus* *Ambulacri* *tegmen*. Sic item *Ἀόποι*, *τεχνόσις* apud alios *Grammaticos*. Nec tamen aliorum *Animalium*, quam *Equorum*, nec ex aliis *Equorum*, quam *jubarum*.



*barum*. Sic enim Λόφος ἵππε, *Juba*, ejusdem *Labbaei Philoxeno*. Sed *triplicem cristam*, & *plures* adeo una *jubas*, immo *jubas* etiam *triplices* arte *textoria* invicem innexas antea quam *Galearum dorsis* aptarentur, primariis viris tribuunt *Poëtae*, voce nimirum *Technica Artis*, quam dixi, *Textoriae*. Fieri ergo potest ut pro *triplices* legendum sit *trilices* apud eosdem *Poëtas*. *Neceffe* tamen non est ut quippiam innovemus. Nam & *illam* quoque vocis *triplices* *Technicam* significationem probant *Labbaei* Glossatores. Sic enim habent: *Triplex*, τριμυτος, τριπλῆς, τριπλοκος, τριωός. Viceversa: *Τριμυτος* (quæ artis *Textoriae* vox certissime est) *triplex*. Iterum: *Trilex*, τριμυτος. Quæ vox *Latina* ad eandem pertinet artem *Textoriam*, etiam apud *Latinos*. Conveniunt & illa: *Licia*, μίτος. *Lix*, μίτος. Et è contra: *Μίτος*, *Licia*, *Licium*, *filum*. *Μίτος*, *filum*, *lix*. Ita hæc invicem conveniunt ut nullam prorsus relinquant suspicionem de errore aliquo, seu *Collectorum*, seu *Librarii*. Talis ergo fuerit *Camilli*, tanquam *summi Ducis, crista*, ut è *tribus Equinis jubis* invicem, ut dixi, *contextis* conflaretur, & *summæ* cassidis *crepidini*, qua in *longum* exstabat, acu, ut videtur, intexeretur. Erat enim *crepido* illa perpetuo, ut videtur, *cava*. Inde *Porticûs* nomen haurire potuit, quod, quæ in ea erant, perpetuo tegeret, ut *ambulantes* perpetuo in motu versantes tegebant *porticus hortenses*. Quanquam etiam, si à recepta, *Codicum* consensu, lectione, discedere liceret; poterat pro *Porticu* *Porcus* fortasse potius, vel *Porca*, legi. Pro ea nempe significatione, quam, in re *Agraria*, obtinebat vox *Porca*, quum partem arvi *eminentem*, quæ *sulco* opponebatur, denotaret. Nec fane *Porci dorso* dissimilis erat *cassidis* illa *crepido*. Sed nihil temere mutandum, quum & alia quoque lectio satis comoda sit, & ad causam nostram pariter faciat. Relicta ergo crediderim in illo *canaliculo*, seu *Porticu*, foramina, quibus inferendæ erant, è *triplici juba* pendentes, *ansulæ*, quibus *jubæ* ipsæ cum eo, seu *filo*, seu *lamina flexili* quæ per totam *Porticum* decurrebat, necerentur. Et quidem in *casside Camilli* sic eminent *crepido*, cujus usum modo diximus, ut longe manifestior sit reliquis gregariorum *Equitum* crepidinibus. Erant



<sup>18.</sup>  
Crista in Cassidum fronte,  
τέ, φάλοι in occipite,  
λόφοι.

Erant porro & aliae in cassidibus pilorum plicaturæ quæ insignium vicem etiam ipsæ præstiterint. Erant & in Cassidum frontibus efformatæ in cornuum similitudinem. Inde &

cornuum nomen sortitæ, ἐ πειχώσσει tamen conflatae, ut docet Suidas. Λόφοι etiam ipsæ Græcis, sed, quia in fronte situm haberent, φάλοι potius quam λόφοι à Græcis appellatae.

P. 457.

Sic enim Eustathius : Τινὲς δὲ καὶ ἄλλως περὶ τῶν φάλων φράζοντες, ἀνάστημά φασιν αὐτὸν περικεφαλαίας προμετωπίδιον, καὶ ἀσπίδισκιον μικρόν, ἢ ἥλον. Iliad. E. Et paullo antea : Τὸ δὲ τετραφάλῃον, καὶ ἀμφίφαλον ἐξηγέμενοι οἱ παλαιοί, φασὶν ὅτι φάλοι μὲν οἱ κατὰ τὸ μέτωπον τῷ περικεφαλαίας ἀσπίδισκοι φάλαρα δὲ, κείκοι τινὲς τῷ περικεφαλαίας ἐν τῷ παραγναδίῳ. Ὡς εἶναι διαφορὰν ταύτῃ φάλων καὶ φαλάρων. Τινὲς μὲν τοὶ ταυτὰ ὑπέλαβον ἀμφοτέρω ὡς εἶναι τὸ τετραφάλῃον ἐξηγητικὸν τῷ ἀμφίφαλον. Ἡ γὰρ ἐκ δεξιῶν καὶ ἀριστερῶν ἔχουσι τοιαῦτα, καὶ αὖ πάλιν ἐν τοῖς ἑμφοροῦσι καὶ ὀπίσθεν, ἀμφίφαλον μὲν, ἦγεν δὲ φαλὸς ὅτι τῇ

P. 321.

συνύγω τετραφάλῃος δὲ τοῖς κατὰ ἐν. Alibi ad Iliad. Γ. Φάλον δὲ κόρυδος, ἀσπίδισκιον, ὡς καὶ ἄλλα χεῖρα φανέται, ἢ ἀσπίδισκος τὴν προμετωπίδῃ, λευκὸς καὶ λαμπερὸς, ἐκ τῶν φάλων τὸ λευκόν. Αὐτὸ δὲ παρὰ τὸ φαῖν λίαν, &c. Hinc sane manifestum est non unam fuisse vocis φάλας, apud veteres Grammaticos, significationem. Inter quas tamen, si & λόφον denotarit, alium certe λόφον denotare minime potuisse quam qui fuerit προμετωπίδῃ, non qui mediam Cassidis partem tenuerit, ut ἐ vocis Etymo collegerant veteres Grammatici, ἐ quibus sua compilavit Eustathius. Et sane tales φάλας, quæ cornibus non absurde conferri possint, in Cassidum frontibus exhibuit tua quoque Parma. Nec illis absimiles, quos in Augustarum mundi Muliebris parte ea, quæ ad capitum ornamenta spectabat, repræsentant Augustarum Nummi. Et ne quidem illud incommode, quum ἐ comis contexti fuerint illi quoque Militum φάλοι, non quidem Muliebribus, ut Augustarum φάλοι, sed potius, ut videtur, Equinis. Conveniunt tamen præterea in eo, quod plures fuerint in uno φάλῳ λόφοι, ut in Augustarum Nummis videmus pariter ac in tua Parma capitum Equestrium. Gregariorum autem Equitum non fuisse Cassidum φάλας, ex

P. 323. l. 19.

Eustathio colligimus. Sic enim ille : Τῶν δὲ περικεφαλαίων, αἱ μὲν ἀφάλοι, ὡς αὐτὸς περὶ λέγει ὁ ποιητής· αἱ δὲ φαλαῖ, ἥτοι ἔχουσι



σαι φάλον. Vid. etiam p. 407. l. 7. Sed è locis ex *Eustathio* descriptis *varias* fuisse constat hujus vocis, apud Veteres, interpretationes. Sed qui pro λόφῳ acceptam testetur, disertissimus est *Hesychius* : Φάλος, ὁ λόφος τῆς περικεφαλῆας. Cui tamen non ignotæ erant ex aliis Veteribus ejusdem vocis interpretationes. Huc retulerim verba ejus alia hodierna illa : Φάλαρα, ἀσραγαλίσκος, ὁ ὅπτι τῆς περικεφαλῆας. Ibi legendum Φάλος, videntur Editores. Non item quid proximo loco sequi oportuerit. Ex *Eustathii* tamen verbis modo memoratis, vix est cur dubitemus, quin ἀσπιδίσκος reponendum sit, vel potius ἀσπερίσκος. Et quidem nisi me cæcutientes fallant oculi, videor mihi videre, inter *Camilli* satellites, qui ad *Cassidis* ἀσπιδόδεσσαν quidpiam habeat quod ἀσπιδίσκῳ formam non absurde referat. Vereor autem ne fefellerint. Ἀσπερίσκος autem plures humi stratos observare licet, ex occisorum cassidibus, ut videtur, decussos. Alias præterea significationes idem habet *Hesychius* in voce ipsa Φάλος. Ἐνίοι, inquit, λευκὸς ἥλος, ἄλλοι ψέλλος. ἥλος appellabatur propter *patulum* caput *ornatius* causa ita fingi solitum, ut in gladiis *Heroum Homericorum* ἀσπιδόδεσσαι. Quod ne quidem ipsum ἀσπιδίσκῳ fuerit dissimile. Ψέλλος autem *Hesychii* idem prorsus fuisse videtur eum *Eustathii* κείκῳ. Ψέλλια *Hesychio* δακτύλιοι & λύγῳι. Λύγος *vimen* est. Sic ergo rem se habuisse crediderim. Videmus in *Parma* tua ad *Cassidum* genas *circellos* quosdam, *albos* utique propter nomen φάλων, ex inferiori parte *lora* sustinentes sub mento religanda, superne autem ascendentes ad φάλας προμετωπίδας, *vimineis*, ut videtur, *fulcris*, quæ *circulis* ab utraque *gena* pertractis φάλον ipsum ambientibus φάλον ipsum sustinuerint. *Circuli* hi superiores σείγγια fuisse videntur, εἰς αὐτὰ καθίστανται οἱ λόφοι, quæ etiam σείγγια apud Veteres φάλων appellationem habuisse testatur *Eustathius*. *Exteriores* illi *circelli*, in *æneis cassidibus*, è solido fuisse videntur *metallo*, ipsi quoque *plani*, vel *convexi* potius, & *solidi*. Sic recte ἀσπιδίσκῳ formam habuerint. Nec minus *clavorum*, ut in *nummis nostris Britannicis Argenteis* factum videmus, qui etiam apud Antiquarios *clavatorum* nomen habent. Figuram autem illis non perpetuo *ro-*  
*tundant*

*Eustath.* p.  
 892. l. 19.



*tundam* fuisse exinde suspicor, quod qui aliis ἀπιδίσκιοι, ab aliis veterum ἀσπίσκοι vocarentur, quod *astrorum* etiam formam retulerint, quales hîc *humî* stratos passim observamus. Recte ergo *cassides* δίφαλοι propter duos illos *genarum* albos φάλας. Et recte τετραφάλῃσι propter *annulos* vel σπειγῖα similiter alba, quum etiam ipsa in numerum acciperentur. Et recte denique λόφος ille προμετωπίδιος, proprio suo quodam & singulari jure φάλος appellandus, propter *albedinem*, vel etiam *Argenti* fortasse fulgorém, si quidem *Argenti* ornatus accessisset. Hoc certe colore à *cristis pennatis* internosci poterant, quas *rubras* fuisse vel *nigras* indicat *Polybius*, nec proinde φέλων nomine insigniendas.

19.  
Crista pennaria in *Parma*, quæ apud *Lipsum*, nullæ. Nullæ item, quales apud *Lipsum*, *Animalium*, *Parmae*, ut videtur, etate recentiorum.

Reliquæ ergo *cristæ*, quæ à φάλοις propriè sic dictis, προμετωπίδιοις secernebantur, ὀπίσσω proinde fuerint oportet, situmque adeo in cassidum *occipitio* habuerint. Plane ut in tua quoque repræsentantur *Parma*. Harum quæ *pinnatæ* erant, proxime *cassidum occipitiis* neantur. Quæ autem paullo altius eminebant, illæ *conis* inferendæ erant *rectæ* ascendentibus, non autem *σπειγῖοις* per cassidum oras erepentibus, ut modo observabamus in φάλοις. Et quidem *rigidos*, eademque, qua & *cassides*, *materia metallica*, necesse erat illos fuisse *conos*, ut nec ipsi nimio essent *oneri*, nec *oneri cristarum* inferendarum ferundo *impares*. Maxime quum *cristæ* ipsæ essent *πυλφοι*. Non *texturæ* tantummodo *trilicis*, verumetiam *triplicis apicis*. Talem tua in captivo Gallo. Sed potuit *onus* illud tantummodo fuisse *pennarum*. Nam & *pennas rectas*, & è cono surgentes memorant *Poëtæ*. Aliæ autem hæ, & diversæ admodum ab illis quas è repertis suo Seculo monumentis collegit *Lipsius*, *cristæ*. Magis tamen, ut existimo, *Romanæ*, & *Scriptoribus*, hujus præsertim temporis, *Romanis* frequentius memoratæ. Nullæ hîc, ut apud illum, apparent *Animalium* *πρωτομαί*. Sed *Gallis* illas tribuit *Diodorus*, *Germanis* *Plutarchus* in *Mario*, *Parthis* *Anonymus* apud *Suidam*, ipso quoque observante *Lipso*. Inde quoque verisimile est, *Barbarorum* fuisse, potius quam *Romanorum*, quod in *Barbaris* animad-



animadversione dignum censuerunt quasi *singulare*, Scriptores qui re *Romana* maxime florente scripserunt. Nec sane aliquem reperiri posse arbitror, seu *Poëtam Romanum*, qui suis *Heroibus*, vel gravem cujuscunque generis Auctorem, qui *Romanis* cum hoste rem gerentibus, *Animalium* seu *vultus*, seu *riëtus*, in *cassidibus cristarum* vice observarit. Intellico autem de *Militia Romana* saltem *Equestri*. Nec me tamen latet, *riëtus* saltem *ferinos* in *Militia* eorundem *Pedestri* observari. Sed non ante *Trajanum*; nec *cristarum* vice, sed *galearum*. Nec defunt hîc, si quid recte video, exempla *pennarum Polybianarum*, erectarum & *triplicium*, & è *conis* surgentium, quas tamen memorant Auctores his, in quibus versamur, *temporibus* propiores quam fuerit ipse *Polybius*, qualia nihilominus exempla in sua *Collectione* desideravit *Livius*. Recentiorum omnino temporum erant monumenta *Lipsiana*, quum in *Barbarorum* mores migrassent *Romani*, quod à *quarto* quidem *Seculo* effræni factum est licentia. Locupletanda ergo erit è tua *Parma*, & supplenda collectio *Lipsiana*. Quarum autem *dignitatum* cristæ *singulæ* insignia fuerint, nulla prorsus, quod quidem sciam, suppetunt monumenta, quibus freti id statuere audeamus.

Nec male convenit *Parmae* tuæ armatura *Equestris* cum ætate *Neronis* temporibusque *Neroni* proximis. Sic enim eam descripsit, qui, ea ipsa ætate *Neronis*, Bellum cum *Romanis*, duce *Vespasiano*, gessit, cuique proinde *Militiam* illam oportuit fuisse exploratissimam, *Josephus*: Τοῖς δὲ ἰππεῦσι μάχαιρα μὲν ἐκ δεξιῆς μακρὰ, καὶ κοντὸς ὀπιμήκης ἐν χειρὶ, θυρεὸς δὲ ὡς καὶ πλευρὸν ἰππεύου πλάγιος, καὶ κατὰ γόφυρον παρήρτωται τρεῖς ἢ πλείους ἄκοντες, πλατεῖς μὲν αἰχμαὶς, ἐκ δ' ἀποδόντες δὲ δοράτων μέγθος. Κράνη δὲ καὶ θώρακες ὁμοίως τοῖς πεζοῖς ἅπαν. L. III. Bell. Jud. κεφ. δ'. pro *Græca* divisione. *Gladius* hoc in loco *oblongus* breviori illi *παρὰζωνίῳ*, vel *παρὰμυείῳ*, opponitur, *pugioni* verius quam *gladio*, quem *Pedites* ad *dextrum* latus *Zona* cinctum habebant, *Equites* autem non habebant, quemque *palma* longiorem negat fuisse *Josephus*.

20.

*Gladius Romanorum*, sub *Nerone*, *Equitum* longior, à *Josepho* descriptus, cum *Parma* convenit, si cum *Pedestri* *Gladio* in lance posito conferatur, ad *cominus* punctimque cum hoste configendum, propter ipsam ejus breviteratem, maxime idoneo.

G

phus.



*phus*. Longiori ergo *Peditum gladio* conferendus est hic *Equitum gladius*. Ut proinde recte *longus*, pro mente *Josephi*, *gladius Equitum* haberi possit, si ad *longioris Pedestris Gladii* mensuram aliquatenus accederet. *Gladius* autem *Peditum longior*, qui à *sinistro* latere pende-  
bat, *Hispaniensis* erat. Hunc ad *propiores pugnam* ha-  
biliorem fuisse docet *Livius*. Propter ipsam nempe *brevi-  
tatem*. Ita factum ut *Manlius*, qui ab ea victoria  
*Torquati* cognomen lucratus est, *quum scutum Galli  
imum scuto*, ipse *Gallo* brevior, perculisset, *toto corpore  
interior periculo vulneris factus fuerit*. Liv. L. VII. c. 10.  
Inde usum ejus ostendit, si *pede collato pugnandum* esset.  
Tum enim, *translatis in lævam hastis*, stringere solitum  
fuisse *gladium* L. XXXVIII. c. 21. testatur. Et, in Bello  
cum *Philippo*, terrorem *Macedonibus* incussum docet  
conspectu vulnerum ab *his gladiis* illatorum. *Detruncata*  
enim recenset ab hoc *Hispaniensis gladio corpora, brachiis  
abscissis*, aut tota *cervice desecta, divisa à corpore capita,  
patientiaque viscera, & sceditatem* aliam *vulnerum* narrat.  
L. XXXI. c. 34. Convenit descriptio ejusdem gladii  
*Hispaniensis Polybiana*: "Εχει δὲ οὗτη κέντημα ἀλάφορον, καὶ  
καταφοράν ἐξ ἀμφοῖν τῶν μεγάλων βίαιον, ἀπὸ τὸν ὀβελίσκον αὐ-  
τῆς ἰσχυρὸν καὶ μόνιμον εἶναι. L. VI. c. 21. Firmitas illa ὀβε-  
λίσκου, seu *mucronis*, non magis à paritate *radiorum* pen-  
det, utrinque à *mucrone* ad *manubrium* ductorum, unde  
factum ut *neutram* in partem *frangendi* esset inclinatio ;  
quam ab ipsa *brevitate*. Sic itaque alibi *Livius*: *Hispano,  
punctim magis quam caesim assueto petere hostem, bre-  
vitate habiles, & cum mucronibus*. L. XXII. c. 46. Hæc illa  
*habilitas* erat ab eodem in *Manlii* pugna laudata. Eodem  
spectat quod *gladios Romanorum Galaticis breviores* ag-  
noscat *Dio*, & propterea *ξίφιδα* appellat, dum cum *Ari-  
ovisto* res gereretur. L. XXXVIII. Nihil tamen illud ob-  
stabat, quo minus *ξίφιδα* illa, propter illam ipsam *brevi-  
tatem*, ἀντισμώματα censeret. Cur autem *Romanis* placu-  
erit *gladii Hispanici* forma, eadem evicit, quæ etiam  
apud *Hispanos* evicit, *ratio*. Quod scilicet eandem  
probarint *pugnandi rationem*, quæ etiam placuit *His-  
panis*, qua *punctim* peteretur hostis pariter ac *caesim*.  
Rationes

W. P.



Rationes reddit *Vegetius*. L.I. c. 12. Itaque *Romanus* erat gladius, sed copiarum tantummodo *Pedestrium*, quem *lanci* hîc impositum vides ab insultante *Gallo*. Nec absurde ab eo usurpandus, dum etiam ipse *pedes* ageret inter paciscendum. Pro tui certe Artificis sententia, qui non alia *Gallis* suis arma tribuenda censuit, quam *Romanis*. Hinc ergo *Equestris* quoque gladii longitudo æstimanda est, qui satis *longus* erit, pro mente *Josephi*, si hunc æquarit gladium *Pedestrem*, quem à brevitate, & ab ea quæ breviter consecuta est ἀνοσιότητι laudant Auctores. Nec facile potuit excogitari forma gladii alia ad prædictos usus utilior. Tam scilicet ad punctum conficiendum hostem, quam *cæsum* efficacior. Convenit ergo examussum cum temporibus *Neronis ultimis*, quum *Galilæam* aggrederebatur, adhuc sub *Neronis* auspiciis, *Vespasianus*, & *Josephum* ipsum obsideret in urbe *Jotapata*. *Equestrem* autem gladium longum quidem agnoscit fuisse *Josephus*: non tamen prorsus eundem cum gladio *Peditum* longiori. Contrarium potius innuit quum inter arma *Peditibus Equitibusque communia* gladios non recenset, sed *cassides* duntaxat & *thoraces*. Nec sane gladios alios quam *Parmæ* tuæ *falcatos* exhibent *Iconismi gladiatorii*. Conveniunt & alia horum temporum monumenta. Inde manifestum est, hos quoque gladios *Romanis* innotuisse. Rectius utique *Equitibus* assignandos, quibus pugnandi ratio paullo remotior erat quam *peditibus*; nec adeo frequens usus aut occasio hostem mucrone petendi quam acie. Consentaneum ergo erat ut in hostes remotiores gladii quoque adhiberentur paullo longiores. Vimque impressionis augebat ipsa illa aciei curvatura, quum oneri incidentis gladii accederet partis illius onus quæ retro fuerat protensa: faciliusque in vulnus illabebatur pars aciei protuberans quum pauciores essent corporis vulnerati partes quæ repugnabant quam si plana acie facta fuisset impressio. Cadentis præterea onus juvabat major illa mucronem versus latitudo. Et viceversa plagas cæsum inflicta imminuebat tenuitas mucronis ejusdemque situs à capulo usque rectus in gladio *Pedestrium* celeberrimo, quem dixi, omnium *Hispaniensis*.



21.  
 Pedestris ille Romano-  
 rum gladius est ῥόμψαα  
 δίσκος ὀξεία à Sacris  
 Scriptoribus propter pe-  
 netrationem laudata.

Est autem gladius hic *Hispaniensis μάχαιρα* illa, vel ῥόμψαα, δίσκος ὀξεία, de quo tam multa Novi Instrumenti Scriptores, & Veteris Interpretes. Hoc enim nomine laudatur, quod facile ad interiora penetraret, *punctim* utilior quam *casim*, quamvis in posteriori quoque pugnandi genere, propter *acierum* accuratissimam temperiem, admodum formidabilis. Sed ad priorem ejus usum respectum habuit sanctus Auctor ad *Ebræos*. Verbis nimirum illis: *διπνέοντος ἄχει μείζους ψυχῆς τε καὶ πνεύματος, ἀρμῶν τε καὶ μυελῶν.* IV. 12. Nomine *μυελῶν spinam dorsi* intelligit *medullarem*, quousque penetrantia vulnera, per corpus integrum adiguntur, nec spem salutis ullam reliquam faciunt. Eumque ita veteres intelligebant Interpretes, qui vocem *τομώτερος* reddiderunt *penetrabilior*. Significatione scilicet *Activa*. Pro more Seculorum sensim in *Barbariem* degenerantium, quæ etiam *Verbalia Activa Passiva* etiam significatione usurpant. Sic in Epistolis Seculi etiam *Quarti* Amicis *desiderantissimis* inscribunt, quum tamen *desideratissimos* intelligant, quos *ipsi* summo *desiderio* prosequerentur. Et quidem ad *penetranda hostium* corpora gladius hic *totus* accommodatus est. *Κέντημα* *Δάφουρον* à *Polybio* attribuitur, propter *mucronis* non *angustiam* tantummodo, verumetiam *duritiem* summa Artis *σοφωπικῆς* peritia elaboratam. *Mucronem* tamen in *penetrando* juvabat *bina* Obelisci *acies* (sic enim *reliquam* gladii partem appellat, à *mucrone* usque ad *capulum* seu *manubrium*,) quia *coquinum obeliscum* non absurde referebat, utraque propria sua *σομώσει*, unde *δίσκος* nomen traxit, obdurata, & ad *acumen* ipsa summum exacta. Quo enim *altius* in vulnus penetrabat, ita non obstabat gladii paulatim *aucta* latitudo; ut contra *viam* sibi fecerit patefeceritque *bina* gladii *acies*, dum ad intima *penetraret*. Nullo tamen vulnus *inferentis* periculo dum gladius è vulnere *retraheretur*. Resecabat enim sibi reditum aucto vulnere, facili nisu, gladius ille adactus retractusque. Inde *patentia* apud *Livium* *viscera*, quod magnos *ventris* hiatus fecerint *binarum acierum* reciprocationes, *utrinque* novos meatus patefacientes. Et quidem *patentia*



*tia viscera* in cæso Gallo tua quoque repræsentat *Parma*. Inde à *Peditibus* quodam, cui *gladii Hispaniensis* usus erat, *cæsum* intelligimus. Et ἄρμοι quoque *spinales* designari videntur ab *Apostolo*, qui facile invicem *separari* poterant adacto per corpus hujusmodi *mucrone*, σωματός accuratissimi. Sed & à plagis cæsum impactis (hæc Polybii κατὰ φύσιν est) *idem* laudatur *gladius*, propter *laminæ* τὸ ἰσχυρὸν καὶ τὸ μόνιμον. Hoc tamen *discrimine*, ut vim ejus agnoscat ad inferenda *cæsum* vulnera, ἀσφοδότητι tamen, seu præstantiam in hoste ponat *punctum* conficiendo. Ad *aciem* vero, & quidem *utramque*, spectat posterior illa laus, ἐξ ἁρμόων τῶν μερῶν, ut similis esset utrique vis, quum jungeretur *pede pes*, *densusque* esset *viro vir*. Quum ita res haberet, reliquis *gladiis* ne quidem ἀσφοδότητι cedebat, ut è *resectis brachiis*, & *cervicibus præcisis* à *Livio* commemoratis constabat. *Vis* autem illa major erat quo *pugna* propinquior erat, maxima nimirum in partibus *manubrio* proximis, qua maxima erat *gladii gravitas*, quæ admodum *exigua* erat versus *mucronem*. Ceterum *chalybi* imputat *Dio Romanorum* gladiatorum *Pedestrium* utilitatem χρησιμότητα. Verba ejus sunt de *Romanis* loquentis: Τὰ τε γὰρ ξιφίδια καὶ σμικρότερα τῶν Γαλατικῶν ὄντα, καὶ τὰς προσβολὰς χαλκοδινεῖς ἔχοντα, χρησιμώτατα σφισὶν ἔγινετο. L. XXXVIII. Sic ille de prælio *Cæsaris* in *Ariovistum*, anno U.C. *Varron*. 696. Facile hîc agnoscimus *acierum* (quarum προσβολαὶ erant) σῶμασιν, è *chalybe*, unde *utilitatem* illam Historicus arcessit. Ut proinde recte è *bina* illa *acierum* σωμασί gladius ipse δισκός appellacionem traxerit. *Dextro* porro *lateri gladium* illum *Pedestrem* attribuit *Polybius*. Et *dextro* similiter *lateri gladium Equestrem* *Josephus*. Incommode quidem, & tamen in eo invicem consentientes, ne alioqui *Librario- rum* erroribus imputandum censeremus. Aliter se rem habuisse postea è *Trajani* atque *M. Antonini* columnis observavit *Lipsius*. Nec tamen inde notam *Temporis* lucramur. Nam & *gladiatorum* situs *varios* in *iisdem* *columnis* observavit ipse *Lipsius*. Ut certi nihil inde colligere liceat quis fuerit *receptus* utriusvis *Ætatis* mos. Et ne quidem è tua *Parma* constat, *levante*, an ad *dextram*

*dextram* potius partem pependerit *gladii*. In *Romana Parma* parte nullus prorsus apparet *gladius*. Unicum illum si excipias peditem Romanum, qui captivo *dedentique* se in illius fidem armato *Gallo* minitabundus insultat. Eum tamen, *occiso Equo*, *Peditem* factum, non ab origine *Pedestrem* fuisse docet *gladius*, quo *dedititio Gallo* minatur, non *Pedestris*, sed *Equestris*. Nec enim *Equum* tantummodo, sed & *cassidem* eodem pugnandi tumultu perdidisse videmus. Nulla ergo sunt in *Parma* tua *Pedestrium* militum Ectypa. Amisso autem *Equo* nihil occurrit unde judicare liceat quo *Equi latere*, *dextrone* an *sinistro*, *gladius* pependerit. Tantum abest ut de hoc quippiam è tua *Parma* liqueat, ut ne quidem *vaginarum*, vel *balteorum*, unde *gladii* antea *pependerit*, vestigia in eadem appareant. Sunt equidem apud *Gallos gladii*, sed non ad rem gerendam, nec eodem uterque *latere*. *Gallus fugiens à lava* habet, à *dextra* autem *dedititus*, capulo ad hostem verso, uterque manu *nuda acies* gladiatorum tenens *evaginatorum*. Romanus *dedititium* confecturus *lava gladium* moderatur, incommode ad plagam inferendam. Potuit tamen verum esse, quod tradit *Iosephus*, si recte intelligatur, de situ *gladiatorum*, ante *prælium* initum recepto, non autem de eo quem pugnae confusio, aut *Equitis* exigentia postea introduxerit.

22.  
Contus *Iosephi* *hasta* hujus *Parmae* respondet *Equestri*, quæ *hasta* erat omnium antiquissima.

Sequitur in *Iosepho*, ὃς νοτὸς ἐμπικνὺς ἐν χειρὶ. *Contus* plane talis, qualem in *Equitibus* suis repræsentat *Parma* tua. Et quidem ea significatione qua ab aliis cujuscvis generis *hastis* inter noscitur. Sic enim *Isidorus*: *Contus ferrum non habet: sed tantum cuspide acuta est*. *Virgilius*: *Ferratasque trudes, & acuta cuspide contos*. *Contus* autem quasi conitus. Est enim conum [ita è variis *Gothofredi* *Lectionibus* scribendum pro *conitus*] *acuta rotunditas*. *Trudes amites* sunt cum *Lunato* ferro, quæ *Græci* *aplustria* dicunt. *Trudes* autem dicuntur ab eo quod *trudunt* & *detrudunt*. *Virgilius*: *Ferratasque trudes*. Orig. L. XVIII. c. 7. Ipso *longitudinis* nomine ab aliis *hastis* distinguuntur *conti* præterquam à *trudibus* quæ etiam ipsæ



ipsæ *contorum* nomine veniebant. De *trudibus* enim verba *Nonii* intelligenda sunt : *Conti hastæ longiores & robustæ. Virgilius* L. IX. *Ac duris detrudere contis.* Hoc ex ipso *detrudendi* verbo manifestum est. Nec tamen minus *contos* agnoscit ipso illo in loco *Virgilius*, tametsi his, de quibus loquimur, *contis duriores*, vel *robustiores*, ut loquitur *Nonius*. Nam *trudium* usus erat in re *Nautica* & *Obsidionali*. Nauticos enim *contos ferro* indutos hodieque videmus, in quo *spiculum* est ad *trudendum*, & *Lunata* illa, cujus meminit *Isidorus*, ad *attrahendum* quoties videbitur. *Contrarios* ergo motus vocibus illis *trudunt* & *detrudunt* designari suspicor, *trudendi* & *attrahendi*. Nam *attrahendo* certe inserviebat *Lunatum* ferrum, non *trudendo*. Inde necesse erat ut ad tam violentos contrariosque motus commode præstandos *trudes*, quæ *eadem* erant, qua & *conti*, *longitudine*, *contis crassiores* fierent, ut essent etiam *robustiores*. Sed quid sibi vult *Græcum* illud nomen *Aplustria*? Aliam Lectionem *Aplestria* exhibet *Gothofredus*. Ipse reponendum censet Ἀπολήσεια. Quem in *usum*, nescio. Quidni scribamus Ἀρπελάσεια? Nam *rapiendo* inserviebat *Lunatum* ferrum, & impellendo *spiculum*. Quod ergo *ferrum* in *conto* negat fuisse *Isidorus*, non ita intelligendus est quasi *hasta* fuisset *pura*, qualis militi bene merenti concedi solebat, quum ipse *cuspidem conti* agnoverit *acutam*. *Virgili* fidem hîc secutus est, qui *trudes*, qua à *contis* internoscebantur, *ferratas* appellaverat. Illud autem volebat, ni fallor, Poëta, non *puro ferro* armatos fuisse *contos*, pro more *trudium*, quæ ad *detrudenda* tantummodo vel ad ea, quæ opus esset, *attrahenda*, adhiberi solebant; sed *chalybe* potius, & *puriori* illo *metallo*, cujus usus erat in *aciebus* præcipue formandis, ad *σώμματα* inducendum, unde etiam *acutam cuspidem* appellabat, ab *acie* nimirum, qua pollebat, optima. Nec enim aliunde quam ab *acie*, appellatio ipsa venit *acutæ*. Meritoque à *ferro* nondum ad illam ἀρετήν redacto distinguitur *optima* hujus metalli *temperies* quæ ad *cuspidem acutam* faciendam conferret. *Acuminis* enim nullus erat, in *conto nautico*, usus ad *trudendum*, non ad *penetrandum* aptando.

tando. Et vero *contos* inter *arma Bellica* recenset non *Josephus* duntaxat, & *Poëta*, verumetiam *Pollux*. Et quidem *Romana*, qua quidem telis *Barbaricis* postea recensitis opponebantur. *Hastis* præterea *Argenteis* nepotes suos ab *Ordine Equestri* donatos testatur *Augustus* in Marmore *Ancyrano*. Hoc scilicet *insigni* illos *Ordinis* sui *Principes* agnoscente. Erant enim *conti* forma *hastæ* omnium antiquissimæ, ut è *Divorum Heroumque* simulacris constat, & *hasta pura* præmio *Militari*, quæ à *conto*, de quo loquimur, hac tantummodo nota discrepabat, quod *cuspidē*, quam in tua *Parma* agnoscimus, careret *acuta*. Ceterum, quum & *Pila* & *hastæ velitares* communi *hastarum* nomine venirent; ita tandem effectum, ut *conti* nomen novum *hastæ* omnium antiquissimæ, quasi jure quodam proprium, adhæserit.

23.  
Parma loris Equitum  
brachiis aptari solitæ,  
Equitum autem fugi-  
entium in terga trans-  
latæ.

Pergit *Josephus* in *Equitum Romanorum* armis recensendis: *Θυρεὸς δὲ πὰρὰ πλευρὰν ἵππου πλάγιος*. Nomen *θυρεὸς* rotundis præcipue tribuitur, quæ nota *tuæ* quoque *Parmæ* latis accurate convenit, quamvis nomen *θυρεὸς* majoris etiam *Diametri Clypeis* ab antiquis quoque temporibus attribueretur. *Obliquum* autem & ad Equorum latera obversum fuisse necesse erat, quum *brachiis sinistris* gestaretur. Dum nempe *contos* tenerent manus Equitum *dextræ*, dum scilicet *eminus* pugnaretur, nondum re ad *gladios* deducta. *Utrique* tamen *lateri* aptari poterat *Parma*, pro *hostis* situ, ad *femora Equitum* præsertim protegenda, quibus *nulla alia* erat in *Equestri armatura* tutela, ne nimio armorum *pondere* in proelio impedi-  
rentur. Quo autem *retinaculo* *Parmæ* hæ *Equestres* tenerentur, de eo dubitare video viros *Eruditos* à Te consultos. *Parmæ* autem *tuæ interiora* etiam *ferramenta* absumpsit *Tempus edax*. Ut proinde *retinaculorum* illius veterum cum *primævis ferramentis* vestigia quoque perierint. Veteris tamen *Parmæ* partem *interiorem* repræsentavit in *Gallo fugiente* medio *Parmæ* *tuæ* pars *exterior*. Ibi *lora duo* conspiciamus quorum alterum *brachio* Equitis fugientis *sinistro* induitur, alterum ejusdem *manu* etiamnum tenetur, *brachio* supra humeros elato. *Parmam*  
enim



enim *fugientes* ad *terga* transtulerant, ab hostibus nimirum *persequentibus* defendenda. Et modum, quo id effecerint, in tua *Parma* repræsentatum videmus elegantissime. *Lora* enim, quæ antea *unius* tantummodo *brachii* cubito induebantur, ita mutabantur, ut, versa in *tergum* *Parma*, *brachiis singulis singula* deinceps induerentur *lora*, ut in fugientium *Gallorum extremo* manifestum est, cujus brachio *sinistro* unicum indui videmus *lorum*. Idque *conatur* secundus *Gallus* ut *lorum*, quod ipse manu sua *læva* apprehendit, in *brachium dextrum* transferretur, *loro sinistro* postea mutando ut *brachio sinistro*, versa in *tergum* *Parma*, apte conveniret. Mihi certe verisimile est non aliam *Parmæ formam* in tuæ *Parmæ* *artificio* repræsentatam quam quæ fuerit *illius*, quam Artifex ipse tanto studio elaborabat, *Parmæ*. Unicum illud ob stare video, quod *ovalis* figuræ, potius quam *rotundæ*, appareant *Parmæ* in tua *Parma* repræsentatæ. Sed lineæ *Visuali* illud tribuendum est, quæ, quum non sit ad *visum* intuentis *recta*, proinde effecerit ut pars *Orbis* aliqua *rectâ lineâ* intuentem lateat. *Deditaque* Artificis opera ita factum exinde intelligimus, quod obversæ in *dorsum* *Parmæ* *figura* eadem appareat similiter *ovalis*, & quidem *eâdem visûs lineâ*, qua quidem refertur ad *oculum intuentis*. Fieri quidem *potest*, imo, per *leges linearum visualium*, *necesse* erat, ut *figura* eadem *orbicularis*, tam diverso *situ*, videretur tamen *Ovalis*. Non item ut cujus *erectæ* *figura* re vera fuisset *Ovalis*, projecta item & *bre-viori* *Diametro erecta* etiam appareret *Ovalis*. Hucusque ergo convenit *Parmæ* tuæ *armatura Equestris* cum ea quæ *Neronis Imperio exeunte* apud *Romanos* recepta est, qualis describitur à *Josepho*.

Addit autem idem *Judæus Historicus* : καὶ καὶ γὰρ οὕτως παρήρτωνται τοῖς ἢ πλείους ἄκοντες, πλατέϊς ἢ αἰχμαῖς, ἐκ δ' ὀπιδέοντες δὲ δόρατων μέγεθος. Jacula illa in *pharetris* portata, quæ cum *δόρασιν* ab ipso *Josepho* conferuntur, omnino *hastæ* erant *velitares*, quæ etiam *missiles* ab Auctoribus fuisse dicuntur. Inde opus *multitudine*, quod manu in hostem *emissæ* absumerentur. *Septenas velitibus* tribuit *Vale-*

H

<sup>24.</sup> Multa Equitum Romanorum arma ab Artifice consultò omiſſa, utpote in alio Equorum latere latentia, vel inter pugnandum absumpta, vel amiſſa.

rius

rius Maximus L. II. c. 3. quæ manum, inquit *Lipsius* implebant. Atqui necesse non erat ut manu hastas illas gestarint *Velites*, sed *pharetris* ex humero pendentibus, ut solebant tela sua *sagittarii*. Imo ita rem habuisse, ex hoc *Josephi* loco discimus, qui *ternas* ad minimum *Equitibus* assignat *singulis*. Ætate enim eadem erant *Juvenili* tam *Velites*, quam *Equites*, & corporum agilitate præsertim utiles. Ergo quæ expeditissimis *septenæ* erant, *Equitibus*, qui aliis erant tam armis quam telis onerati, *ternæ*, vel paullo plures, sufficiebant. Breviora autem *ἀγχοῖς* vel *contis* fuisse *δεγῶτα* ex hoc eodem loco intelligimus. *Ternorum* enim, vel, ad summum, *quaternorum*, pedum *hastæ* erant *Velitares*, nec sane *longiores* commode ferre poterant *pharetræ* Equestres. Ubinam tamen illæ in *Parma* tua *hastarum Velitarium* missilium *pharetræ*? Nullæ plane, nec earum seu vola, seu vestigium. Nec tamen *Parmæ* tuæ proinde præjudicandum est. Nam & alia multa defunt, quibus nihilominus *Equites*, pro *Romanæ* Militiæ Disciplina, instructos fuisse certum est. Imo sine quibus ne hæc quidem, quæ in *Parma* repræsentantur, arma utilia esse possent. Ubinam enim *Baltei*? Ubinam gladiatorum *vaginæ*? Ubinam *Romanorum* vel *gladii*, præterquam in eo, qui *Equo*, ut ostendimus, *amisso*, *Peditis* partem agit? Non erat illud Artificis consilium, ut *prodeuntis* ad Proelium, re adhuc salva, nec damno aliquo Proelii mulctati *Equitatus* arma repræsentaret. Imo contra, è Proelio *redeuntis*, vel hostem potius jam profligatum *persequentis*, passique quæ etiam *victoribus* in proelio pati solenne est. *Humi* jacet unus *Romanorum*, occisus. *Humi cassides* & cassidum insignia, & *Parma*. Casside nudatur unus è *Romanis* Equo salvo, alius, qui *Peditem* agit, Equo *amisso*. Sed *cristis vexillisque* insignes sunt *Dictatoris* satellites pene omnes, in quibus proinde expectanda non sunt *Equitum Gregariorum* arma omnia atque onera; onera præterea sibi propria *vexillorum*, officiorumque insignia portantibus. *Gladiis* ipsis ne apparerent obstabat latus *Equitatus sinistrum* intuentium oculis obversum, quum *lateribus* *Equitum dextris* gladios assignarit *Josephus*. *Hastæ* au-  
tem



tem *Velitares* prima erant *eminus* pugnantium tela, dum *spatium* esset brachiis circa capita rotandis, quo fortius in hostes intorquerentur, dumque *laxiores* essent accessus & recessus; postea, *cominus* rem gerentibus, & *manus*, uti dici solet, *conferentibus*, non jam telis è manibus *emissis* (unde vox ipsa, *eminus*) sed telis potius quæ, manibus *conjuncta* (unde vox alia *cominus*) vulnera impingebant; tum demum locus erat istiusmodi telis, quæ ne quidem manibus emissa hostes nihilominus attingere, eisdemque nocere potuerint: *Hastis* imprimis, quas *Equitibus longissimas* cum tua *Parma* tribuit *Josephus*; tum deinde *gladiis*, quum *hastæ* ipsæ, propter hostis *proximitatem*, redderentur *inutiles*. Proelium ergo in *Romanis medium* tuus repræsentavit Artifex, quo *hostes* in *fugam* convertissent, *exhaustis* hastarum breviorum *pharetris*. Absumptis autem *pharetrarum telis*, inutile erat onus ipsarum *pharetrarum*, & proinde rejiciendum, ut in hostium persecutione fugientium *expeditiores* essent atque *velociores*. Idque in *Militari persequentium* *Disciplina* receptum fuisse verisimillimum est, ut onera omnia *Equo incommoda*, atque *Equiti inutilia*, utpote moram factura, rejicerentur. Potuit etiam artifex ab earum rerum repræsentatione dedita opera, certoque consilio, abstinere quarum nullus erat, in *Historia* repræsentata, usus. Imo ita rem fuisse exinde credibile est, quod in *Gallis* fugientibus nullos prorsus videamus seu *Balteos*, seu *vaginas*, sed *nudatos* duntaxat *gladios*, & quidem in *manibus* fugientium, quum tamen *utraq*ue *Equitum* latera, tam *dextrum*, quam *sinistrum*, apud illos, intuentium *oculis* appareant. Nihil ergo obstat quo minus *utrobique*, tam apud *Gallos*, quam *Romanos*, suæ fuerint hastarum breviorum, proelium inituros, *pharetræ*, quæ, hoste in *fugam* verso, & proelio pene profligato, apud *neutros* supersunt. Aptissime autem *Romanis* persequentibus *contos* tribuit Artifex, quo *longiores*, eo ad hostem *fugientem* assequendum aptiores; non autem *Gallis*, quibus incommodi erant in fuga *conti*, tergis in hostem versis. Sunt autem etiam his *evaginati* in manu *gladii*. Ut enim, apud alias quoque gentes, *prob*ro datum

est, si quis *clypeum* è proelio non retulisset; ita apud Romanos, & proinde apud Gallos pro Romana Disciplina militantes, ignominia erat si quis *gladium* amisisset. Patuit hoc exemplo *Scipionis Africani*, cui, quum elapsus esset, in proelii tumultu, è manu *gladius*, novo se capitis periculo *gladio* nudatus objecit ne *gladio destitutus* ad suos reverteretur.

25.  
Cassides, hoc Parma Seculo, Militiæ tam Pedestri quam Equestri communes. Thoraces utrique linteï, qui Romanis Lorica appellabantur.

Denique concludit *Josephus*: Κεῖν δὲ τῶν πεζοῦς ὁμοίως τοῖς πεζοῖς ἄπαν. Peditibus ergo, pariter ac Equitibus, *Neronis* Imperio exeunte, cassides concedebantur. Non tamen ita ut *Galeæ* penitus in desuetudinem abierint. Nam in *Othonis* Armamentario *Galeas* fuisse docuit *Tacitus*. De eo tamen impræsentiarum nihil est cur laboremus, quia nulli sunt in *Parma* tua *Pedites*. De eo potius disquirendum, quod *Thoracas* utrobique similes fuisse doceat. Est quidem *θώραξ* vox non Romana, sed Græca, cui respondet Romana vox *Lorica*. Videamus ergo quales fuerint, hoc tempore, apud Romanos *Loricæ*, quibus nempe *Pectora* defendebantur. *Cataphractis* quidem, sub *Gratiano* omissis, lapsum Imperii *Romani* imputat *Vegetius*. L. I. c. 20. Quod tamen ita intelligendum non est quasi in veteri Disciplina Romana locum habuerint *Cataphractæ*. Vox ipsa Græca est, temporumque in Barbariem degenerantium propria, apud Romanos. Nam à Persis Sarmatisque *Cataphractarum* usus ad Occidentem emanavit. *Vegetio* tamen aliquanto antiquiores fuisse, etiam apud Romanos, ex *Ammiano* constat atque *Nazario*, *Alexandro* autem *Severo* recentiores, qui victos à se Persarum *Cataphractarios* memorat in Epistola ad Senatum. Nec tamen diu, post *Alexandrum*, receptæ *Cataphractæ*. Meminit *Aurelianus*. Imo etiam *Decius*, ut ex Epistola illius colligere licet, apud *Trebellium Pollionem* in vita *Claudii* c. 16. Paullo ante *Alexandrum* instituta est à *Caracalla*, illius, ut ferebatur, Patre *Phalanx Macedonica*, in honorem *Alexandri Magni*, eodem, quo & *Alexander Magnus*, *Thorace*, è lino triplici, linteo, teste, in illius vita, *Dione*. Illum enim *Thoracem* *Alexandro* etiam *Magno* placuisse docet



docet *Plutarchus*. Non me quidem fugit *Macedonum* moribus (è qua gente constabat illa *phalanx*) *lineum* hunc *Thoracem* accommodasse *Caracallam*. Nec tamen *alienos* à *Romanorum* etiam moribus fuisse colligimus hos *Thoraces*, quod prodituro ad cædem *Galbæ* in promptu fuerit *lorica*, quam induebat, *lintea*, ut docet *Suetonius*. *Galb.* c. 19. Et quidem eodem, quo tuus vixit *Artifex*, Seculo. Imo quum jam utrumque *Cataphractarum* genus, tam *hamatarum*, quam *squamatarum*, *Romanis* fuisset satis exploratum. *Metalli* tamen *pondus* pariter atq; *rigiditas* membrorum *flexibus* & *agilitati* incommoda effecit ut antiquissimi *Heroum Homericorum* *λινοδένειας* novis juniorum inventis *anteponerentur* à gentibus in *Bello* versatissimis. Consulto mutavit *Metallicas Loricas* in *lineas Iphicrates*, ut nos docet *Cornelius Nepos*. Elegit cum suis *Macedonibus Alexander Magnus*, & *Thraces*, & *Hispani*, & in ipsa *Italia Falisci*, observante *Lipsio*. Imo apud ipsos etiam *Romanos*, antiquum fuisse usum *loricarum lintearum* exinde constat, quod *Ann. U.C. Catoniano CCCXIV*. scribit *Livius*, in æde *Jovis Feretrii* dedicatam repertamque postea ab *Augusto Inscriptionem* in *Thorace linteo*. L. IV. 20. Nec enim dubitandum quin è *receptorum* armorum usu desumpta fuerint votivorum etiam armorum exempla. Propius autem habemus his, in quibus versamur, temporibus exemplum in *Tacito*, hoc ipso quoque anno, quo *loricam lineam* sibi ad seditiosos prodeunti induendam censuit *Galba*. Conversis ad *Civile Bellum Romanis*, *Roxolanos* ait, gentem *Sarmaticam*, occasionem captasse *Mæsiæ* prædandi *Provinciam Romanam*. Eventu tamen *infelici* propter *cataphractas* quibus usi erant *Sarmatæ*. His *Sarmatarum Cataphractis* facilem *Romanorum lorica* opponit. *Hist. I.* quæ fuerit illis in illa victoria utilissima. Inde manifestum est, ut *nondum* receptæ erant apud *Romanos Cataphractæ*, ita nec *loricas* ab iisdem *usurpatas* motum *impedivisse*, aut *difficilem* reddidisse, quod tamen necesse erat aliquatenus fecisse *loricas hamatas* atque *squamatas*. Erant autem *linteæ* omnium facillimæ, & ad *Equos*, pro *Romanorum* more, *insiliendos* expeditissimæ. Hoc certe  
tempore

tempore quo scripsit *Josephus*, hos suos, quos appellat, *ὄπταις* Militum Romanorum omnium, etiam gregalium, communes fuisse supponit, *Equitum, Peditumque*. Non ita *καταδορύλακες* Polybiani. Imo *Cæsaris* ætate digniores tantummodo, & ne quidem *Centuriones* omnes, *loricatos* fuisse docet Auctor *Belli Hispaniensis*. Idque verum esse discimus ex ipso *Cæsare*. Multos ille è suis à *Pompeii sagittariis* vulneratos fuisse scribit. *Magnusque* (inquit) *incefferat timor sagittarum; atque omnes fere Milites aut ex coactis, aut ex centonibus, aut ex coriis tunicas, aut tegmenta fecerant, quibus tela vitarent*. Bell. Civ. L. III. c. 44. Tunc ergo Milites fere omnes *loricis* carebant, & ab eo deinceps tempore fere omnes earum usum didicerunt. Et quidem ex eadem materia novas illas *tunicas* fecerunt, vel *tegmenta*, qua etiam constabant *Loricæ*. E *lanis coactis vestes factas* docet *Plinius*, quæ si *acetum* adderetur, *ferro etiam resisterent*. N. H. VII. 48. Et è *linis* similiter *coactis* similiter confectum *clypeum* omni telo robustiorem in *Isaacii* Historia deprædicat *Nicetas Choniates*. Nec admodum discrepabant *centones*, quos etiam ipsos *aceto* madefacere solebant, ut è *Sisena* colligere licet veteri *Historico*, cujus verba servavit *Nonius Marcellus*. Aderant autem in promptu propter usus *Centonariorum Collegii Castrens*. E *coriorum* autem *loris* nomen ipsum *Loricæ* arcessit *Varro*. En verba: *Lorica, à loreis: quod de corio crudo Pectoralia faciebant: postea succuderunt Galli è ferro sub id vocabulum ex anuleis ferream tunicam*. L. IV. Ling. Lat. 24. Hic etiam *Loricam Tunicæ* nomine appellatam videmus. Sed primævam hanc *Loricam* cum *Lorica à Gallis* inventa confundit *Isidorus* L. XVIII. c. 13. Hic tamen *Loricarum* usus à *Cæsarianis* in Bello cum *Pompeio Magno* cæptus ne quidem *Bello Hispaniensi* ad omnes, ut modo vidimus, emanavit. Nulla autem apud *Cæsarem* mentio seu *annulorum*, seu *hamorum*, seu *squamarum*. Progressu vero temporis ab hoc sub *Cæsare* initio *Militiæ utriusque gregariis* concessæ sunt huiusmodi *Loricæ*, diu postea quam in *desuetudinem* abiissent *Loricæ æneæ Polybianæ*. Itaque à novo hoc *Loricarum*, apud *Romanos*, initio  
prima



prima illa omniumque simplicissima erat quæ *lino* constabat, & *Tunicæ* formam habebat. Et illius præsertim *Tunicæ*, quæ *Pectoralis* appellabatur, quæque *Talari* opposebatur, quæ *ad talos usque descendebat*, & *ad pedes defluebat*, sicut *Pectoralis* (inquit Isidorus L. XIX. c.22.) quia apud antiquos brevis erat, ut tantum pectus operiret. Pectori enim defendendo accommodati erant *καρδιοφυλακες Polybiani*. Et quidem tales in tua *Parma* videmus *Loricæ*, *Tunicatæ*, *Pectorales*, nec ullo prorsus *Metallo* rigentes, faciles plane, quales descripsit proximo, post mortem *Neronis*, anno *Tacitus*, & qualem testatur induisse *Galbam*. Tantum abest ut *Cataphractæ* fuerint, ut ne quidem *annulorum* vel *squamarum* in illis appareant vestigia. Ne quidem in *Camillo* Dictatore. Nedum in illius quantacunque dignitate *satellitibus*. Sed nec ullum in *Equitibus* discrimen observavit suo tempore *Josephus*.

Et tamen hoc ipso *Parmae* tuæ Seculo *hamorum* & *squamarum* & *annulorum* meminerunt in *Loricis Poëtæ* (quorum Testimonia produxit *Lipsius*) *Romani*. In aliis autem, quam sui Seculi, *Heroibus*. Ipsæ certe *Cataphractæ linteæ* fuisse videntur, è triplicibus *filis* seu *lanis* invicem innexis, quæ quidem corporis *truncum* contigerunt, conflatae, ne corpori *duritie* vel *gravitate* nocerent. His *innexi hami*, seu *annuli*, qui ad superficiem exteriorem *squamas* metalli, quæ & *plumæ* appellabantur, sustinerent, quod aliæ aliis obductæ corpus tuerentur, ad eundem plane modum quo & *squamæ Pisces*, & *plumæ volucres*. *Loricam trilicem* dicit *Virgilius*, triplicibus proinde *liciis* contextam, quæ *hamis auroque* fuerit conferta. *Hamis* nempe *aureis*, pro eadem, qua idem alibi, *forma, pateris libamus & auro*, in *exteriori* proinde *loricæ* superficie, ne *aureus* *loricæ* ornatus lateret. *Loricam tortam* dicit fuisse *Lucanus*, quæ *graves catenas* opposuerit. Plane *alienas* à *loricis Romanis*, quarum *levitatem*, hoc ipso *Lucani* Seculo, laudat Historicus gravissimus *Tacitus*. *Multiplicem* *Statius*, *plicaturis* utique constantem, *thoraca*, qui *tenuibus*

26.

Etiam *Cataphractæ* erant *linteæ*, à *Romanis* tamen *Loricis* diversæ. Nec *hami* in hac *Parma*, nec *squama*, pro *Corbulonis* fortasse *Disciplina* prætermittæ. Fieri tamen potest ut, una cum ornatu *Parmae aureo*, disparuerint.

bus fuerit *catenis* iteratus. Quod *alium*, propriumque sibi, *ordinem* catenæ extra *lineos laneosve Thoraces* haberent, ut in *Re Rustica* arationi *primæ* superinducebantur arationes *iterata* atque *tertiata*. Erant autem à *Cataphractis diversæ* hæ quoque, quarum memoria in *hujus* Seculi Scriptoribus occurrit, *Loricæ*. Corpus enim *integrum* tuebantur *Cataphractæ*. Non item illæ, de quibus agimus, *Loricæ*. Sed Corporis tantummodo *truncum*, pro *Loricarum* officio proprie ita appellatarum. Sic rem fuisse docent verba in hanc sententiam diserta Statii: *Qua male jam plumis imus tegit inguina venter*. Thebaid. L. XI. *Loricæ* illi hæc conveniunt, quæ *tunicæ* brevioris formam referebat, quæque *talari*, utpote *proxiori*, opponebatur. Convenit ergo cum proximis *horum* temporum *Poëtis* tua quoque *Parma*. Siqua autem *Disciplinæ Militaris innovatio* in causa fuerit, cur *hamos & squamas & annulos Loricis* addiderint, quorum *nulla* sunt in tuo monumento *vestigia*, habemus hoc ipso Seculo egregium illius *Disciplinæ* restauratorem, cui *innovatio* illa assignari non absurde potuerit, *Domitium Corbulonem*. Cœpit ille huic studio incumbere ab ipso suæ *Militiæ initio* sub *Claudio* anno *Æræ nostræ Christianæ* XLVII<sup>o</sup>. teste *Tacito*, Annal. XI. c. 18. & *Dione* L. LX. Maxime vero hoc ipso *Imperio* (cui *Artis excusoriæ* perfectionem assignavimus) *Neronis*, *Æræ nostræ Christianæ* LVIII. quum *Syriæ* præesset, *Artis Militaris* gloria celebratissimus summa illius *peritiæ* Auctoritate polleret. Tum *galearum loricarumque* neglectum Militibus exprobratum ex eodem discimus *Tacito*. Annal. XIII. c. 35. Inde ansam satis verisimilem captare potuit *Corbulo* utrasque in meliorem utilioremque formam *mutandi*, tam scilicet *galeas*, quam *loricas*. Et quidem *lin-teas Loricas* ducibus præstantissimis rei que *Bellicæ* peritissimis magis placuisse vidimus, quam quæ *firmiores* alioqui viderentur propter admixtum linteo *Metallum*: *Pares* scilicet, teste *Plinio*, in eo quod ferro *resisterent*; in eo autem *superiores*, quod minori *pondere* Equitum *agilitatem* impedirent. Nihil ergo vetat quo minus in eadem fuerit sententia *Corbulo*. Sed *ferrum* gladiatorum  
vulgarium



*vulgarium* videtur intellexisse *Plinius*, non insigni aliquo *stomomate* aciem habentium, nedum *Hispanicorum*. Ita rem fuisse, facit ut suspicemur tua ipsa *Parma*. *Loricam* enim, qualiscunque fuerit his *Peditibus*, in Gallo tuo cæso *dissectam* videmus, ut *viscera* illius *patuerint*, quod in *Macedonas* à gladiis *Romanorum Hispaniensibus* præstitum testatur *Livius*. Non ita facile *diffecandam*, si, præter *linteorum* firmitatem, *hami* etiam & *squamae* & *annuli* ad vim *gladiatorum*, quantumvis *acutorum*, retundendam accessissent. Satis autem apte conveniet ætas *Corbulonis* cum tempore à nobis assignato, siquid fortassis in *Disciplina Militari* novi à *Corbulone* fuerit introductum, quod nec *diu* obtinuerit, nec adeo coævis horum temporum *Poëtis* innotuerit. Nec tamen erat necesse, ut *recentiorum*, quique mox in *desuetudinem* abierint, rationem habuerint Poëtæ in *Antiquorum* moribus ad sui Seculi normam exigendis. Fieri autem potest ut cum *Aurariorum Argentariorumque* Artificum ornatu *hamorum* quoque *squamarumque* vestigia evanuerint. Imo ita rem fuisse necesse erat, si *superinducto* duntaxat *Auri* *Argentive* colore *hamorum squamarumque* figuras exprefferit Artifex, qui idem Artificium suum *coloribus Metallicis* ornaverit. Hoc innuunt *Virgilii* verba :

*Loricam consertam hamis auroque trilicem.*

*Æn.* III. v. 467.

Ita nimirum intelligenda, ut *Loricam*, de qua loquitur, confecerint *lintei fasciculi ternis* linorum *filis* constantes *aureis hamis* invicem conserti. Pro eadem nempe, ut dixi, forma, qua *pateras* & *aurum* alibi de *pateris* usurpavit *aureis*. *Georg.* II. v. 192. Et *squamas* quoque *aënas* memorat non uno in loco *Virgilius*. Et *laminas æreas* *Isidorus*. Quæ *Auri* pretiosiore nobilioremque, ornatus causa, *colorem* acceperint. *Auro* porro permixtæ *squamae* asperabantur, teste *Silio Italico*. Inde facile colligimus *aurum* extra *squamas* prominuisse, quod nisi fecisset, *latentis* sub se *squamae* aut *hami* aut *annuli* (è quibus *catenulae* constabant) metallum asperare non potuit. Ita ad armati *tutelam* spectarit *aurum*. Hoc innuit *Virgilius* : *duplici squama lorica fidelis & auro.*

I

Nempe



Nempe præter *duplicem* loricæ *squamam*, *aurum* quoque *squamis obductum* antea penetrandum fuisse quam ad *corpus* ipsum vulnerandum aditus patefieret, quo *fides loricæ* violanda esset. Sed quum *Parmæ* duntaxat *effigies* exhibenda erat, *externæ* tantummodo *superficie*i ratio habenda erat *Artifici*, qui una eademque opera opificium *ornabat* pariter atque *elaborabat*. Sic *hami aurei* & *squamæ* similiter *aureæ* *visui* objiciendæ erant, quum *similes*, ex *alio* nihilominus metallo, *figuras* (si quidem tales aliquæ fuissent) sub *suprema Auri* superficie latentes, *Inspectoris* *Intellectui* suggererat. Nec tamen necessario. *Auri* enim *lineæ*, etiam in *Scriptis Picturisve*, ita per se ipsæ *eminent*, ut *aliam* sub se materiam quam *tabellæ* latentem prodere videantur, propter ipsam *Aureæ laminæ* crassitudinem, quum tamen *chartæ tabulæve* proxime adhæreant. Interest autem magnopere an in materia *Auro substrata*, catenarum squamarumve *figuræ* fuerint *aliæ* similes illis quæ *Aureæ* superficie *lineis* *Inspectoris* obtutui objiciebantur. Si enim fuissent, etiam *Auro absumpto*, exspectari potuit ut in *ferrea* quoque, quæ hodieque superest, materia apparerent *similes* cum extremæ superficie *figuris figuræ*. Nulla autem ratio erit cur illas exspectemus, si ex *Aurearum* linearum *prominentia* *Inspectori* subintelligendæ repræsentabantur. Nec sane exigebant *Rei Picturariæ* *Leges* ut *aliæ* aliquæ subessent re vera *Figuræ* quam quæ in *extima* superficie apparebant. Præsertim in *Parmæ* tuæ *Armis* non *veris*, sed *verorum* *Armorum* duntaxat *simulacris*. Inde autem *ratio* satis verisimilis reddi potest, cur *nullæ* jam compareant, quæ in eadem tamen *Parma olim* (quum ex *Aurarii* officina nova tum prodiret) *catenarum squamarumve* *figuræ* comparere potuerint. Ceterum *squamas* illas *Loricarum* veteres non è *stomomate*, sed è *ferro* duntaxat *rudi*, nec proinde *elaborato*, constitisse, *Auctorem* habemus *Silium Italicum*. Nec adeo est cur miremur *dissectam* illam à *gladio Romani* *Peditis Hispaniensi*.

Etiam



Etiam *Equos non frenis modo, verumetiam habenis*, in tua Parma destitutos observamus. Et quidem in Equestri exercitus utriusque *prælio*. Quasi nimirum hæc quoque *consuetudo* recepta fuisset apud *Romanos*, illo quoque *Seculo* quo saltem vixit *Parmæ opifex*, tam *Legionarios*, quam etiam *Auxiliarios*. Poterat hæc pro *Temporis* nota haberi, si quidem de *Corbulone* illius Auctore constaret, quod sane incredibile non est; vel si aliunde comperum haberemus, fueritne in *Disciplina Militiæ Romanæ perpetua*, vel quis illam *primus* in receptam Civitatis *Disciplinam intulerit*. Perpetuam autem non fuisse innuunt Scriptores qui eam quasi *Numidarum* propriam agnoscunt, etiam quum res *Numidis* gerenda esset cum *Romanis*. Innuunt præterea qui eam quasi *singulari* observatione dignam censent si quando, re quidem exigente, observaretur à *Romanis*. Ita de prælio *Regillensi* in *Tarquinius* acerrimo, *Florus*: *Cossus Magister Equitum exuere frenos imperavit (& hoc Novum) quo acrius incurrerent*. L. I. c. II. Simile *detraكتورum* *Equis frenorum* exemplum habet in Bello *Samnitico* *Valerius Maximus* L. III. c. 2. n. 9. Id quoque pro re nata, non autem pro certa aliqua *Militaris Disciplinæ norma*. *Erant* enim illis quæ fuerint detrahenda, *frena*, quæ tamen nulla aderant *Numidis*, induenda potius, si res ita postularet, quam *detrahenda*. Rudior autem erat antiqua *Militiæ Equestris* apud ipsos *Numidas* *Disciplina* quam quæ in tua repræsentatur *Parma* apud *Romanos*. Non *frenis* modo verum etiam *armis* quibus defenderentur, veteres carebant *Numidæ*. Pro *Clypeis Pallia* hostibus objiciebant, ne quidem *galeis* capita tuentibus. Inde *nudos* illos, & telis emissis, *exarmatos*, fuisse tradit in Bello *Gildoniano* *Claudianus*. Inde *inermes* eosdem *Equites* appellat *Livius*. *Equos* in ipso cursu *rigida* fuisse *cervice*, & *extento capite*, idem observavit L. XXXV. Plane quales *Romanorum Equos* præsertim in tua videmus *Parma* in hostium persecutione *ferocientes*. Sed *armatiss* in *prælio*, quod præcesserat, *Cannensi*, anno *Catoniano* 536. *Varroniano* 538. *Numidas* legimus, & qui-

27.  
Frenorum in Equestribus præliis detrahendorum usus apud Romanos antiquus. Non tamen pro exemplo Numidarum.



dem eodem teste *Livio*. Sic enim habet : *Numidas*, ait, *præter justa arma telaque, gladios occultos sub loriceis habentes, specie transfugarum, quum ab suis Parmas post terga habentes* [ut in Gallo tuo fugiente vides] *adequitasent* ; repente ex equis desiliisse, *Parmisque & jaculis ante pedes hostium projectis, in mediam aciem acceptos &c.* L. XXII. c. 48. Hic *justis Numidarum armis Parmas Loricasque* accenferi videmus, ne *nudi* deinceps haberentur qui arma corporis *tutelæ* destinata *Romanis* tuis pene *paria* habebant. Unde ergo factum ut eosdem *Numidas* jam *Romanis* militantes *Equites discinctos & inermes* idem memoret *Livius* L. XXXV. II? Annus tunc agebatur Epochæ *Catonianæ* 560. *Varronianæ* 562. Ideone illos, post tot annorum experientiam, *rudiores* ; & quum *Romanæ* Disciplinæ tamdiu sub *Romanorum ductu* merentes, assuevissent, à *Romanis* tamen moribus *alieniores* factos existimabimus ? *Discinctosne* tum quoque credemus, armisque *defensoriis* ita destitutos quasi tum quoque pro *Parmis & Loriceis pallia* tantummodo hostibus objecerint? Vidit hoc incommodum sensitque *Magnus Lipsius*. Sed eosdem illos, qui *Livio Numidæ, Celtiberos* ab *Appiano* in *Annibalicis* appellatos observavit. Ceterum qui *Equitibus Celtiberis frena* negarit, testem quis idoneum reperit, multis id de *Numidis* verum fuisse testantibus ? *Contemptum* autem *de industria auctum* prodit idem ipse loco jam notato *Livius*. Idque è re ipsa manifestum est dum ex equis labi viderentur, dum *velut impotentes equorum regendorum* [hæc quoque verba *Livii* sunt] *inviti in castra hostium efferr*i existimarentur, quum tamen *equos* haberent *obsequentissimos* ipsi etiam in *Militia Equestri* peritissimi. Nec *pallia* hic hostium telis opposita legimus, sed *discinctionem*. Quod scilicet *zona*, ut videtur, seu *cingulo*, *Militari* caruerint, quo *Lorica*, ad cautiores corporis *tutelam*, fuerit corporis ipsius *trunco* constringenda. Ita segnitiam incuriamque *simulabant*, ut ab hostibus contemnerentur, nec hostibus constaret ecquam haberent sub *discincto* habitu *occultam* corporum *armaturam*. Non est ergo unde colligamus, aliter in hoc proelio *Numidas*,  
quam



quam in *Cannensi* fuerant, *armatos*. Nec vero *Celtiberos* fuisse qui fraudem *Romanis* in proelio *Cannensi* fecerint, exinde colligimus, quod anno superiori, *Catoniano* 535. *Varroniano* 537. gens illa *Celtiberorum* cum *Romanis* Pacem inierint, & quidem datis obsidibus, *Livio* teste L. XXII. c. 21. firmarint, & *Carthaginensem* in *Hispania* Provinciam cum valido exercitu invaserint. Effecit Pax illa ne quis *Celtiberorum* civium suorum injussu sub *Annibale* mereret ne fidei à Patria datæ violatæ reus haberetur. Et sui Juris, atque extra *Carthaginensium* in *Hispania* Provinciam fuisse *Celtiberos*, quum in *Italiam* moveret *Hannibal*, ex hoc *Livii* loco discimus. Ita è *Celtiberis* *Hannibali* milites conscribere ne quidem licuerit. Nec me tamen fugit *Celtiberos* in *Hannibalis* exercitu à *Silio* memorari, illis nimirum Libri III. verbis :

*Venere & Celtæ sociati nomen Iberis.*

Ita *obsides* habuerint apud *Hannibalem* eodem tempore quo *obsides* concedebant *Scipioni*, & quo Provincia *Carthaginensium* arma inferebant, quod quanto suorum periculo fuerit luendum nemo non videt. Res ipsa facit ut *Livio* potius credamus quam ipsi *Silio*, nedum paullo juniore *Appiano*. Sic loquitur *Silius* quasi tota tunc in *Pænorum* fide fuisset *Hispania*. Quod tamen erat, *Livio* teste, falsissimum. A *Numidis* ergo ad *Romanos* fortasse emanarit effrenium Equorum, quod in *Parma* tua videmus, exemplum. Dixi fortasse, quia Bello *Punico* primo antiquiorem illius moris usum jam ostendimus. Fieri tamen potest ut ad antiquiora cum *Pænis* commercia, quæ antiquissimis fœderibus à *Polybio* memoratis ansam dederint, referendus sit. *Excultiorum* autem fuisse *Numidarum*, qui *Parmis* fuerint & *Loricis* instructi, tua docet *Parma*.

*Perpetuum* autem non fuisse, saltem apud *Romanos*, è prædicto constat exemplo proximis à *Regifugio* temporibus, ubi è re præsentis natam illius occasionem fuisse constat. Sic item anno *Catoniano* 572. *Varroniano* 574. effrenatis, *Flacci* jussu, *Equis*, *Celtiberorum* cuneum fregerunt *Romani*. Addit *Livius*:

*Quod*

28.

Non tamen fuit apud  
*Romanos* perpetuus.



*Quod sæpe Romanos Equites cum magna laude fecisse sua memoriae proditum est. L. XL. c. 40. Cunei hostilis occasione hinc quoque frena detracta legimus. In more fuisse ut deinceps detraherentur, non legimus. Majorem gravioresque impressionem equorum, quum calcaribus in propinquum hostem admoventur, fuisse consentaneum est. Et manus præterea ambæ telis vacabant mox in hostem usurpandis. Impetum fortiolem fuisse necesse erat quum nullam impetus equi irruentis partem frena cohiberent. Hæc effrenatæ impressionis commoda. Contra, multa erant equorum sibi permissorum incommoda quæ obstabant quominus in perpetuum intermitteretur frenorum usus, qualis erat Numidarum, apud Romanos Rei militaris longe peritiores quam fuerint Numidæ. Et proinde propiora habemus Parmæ tuæ temporibus exempla; è quibus constat tum quoque Numidis proprium fuisse, non item cum Romanis commune, ut Equos frenis destitutos in Præliis adhiberent. In Bello Gallico Equites frenatis Equis in stationibus disposuit Cæsar L. VIII. c. 15. quo promptiores essent ad res subitas præterque expectationem gerendas. In Bello autem Africano Numidas Equites Equo frenato uti condocuit Dux Pompeianus, c. 19. Non ita facturum nisi alienum illum morem à Romanorum Disciplina Numidarum effrenes Equos adhibentium, nec ab eadem Disciplina probatum, intellexisset. Sic iterum universum Equitatum Numidarum Getulorumque sine frenis se movisse testatur ejusdem Belli Africani Scriptor, cui Labieni Equitem frenatum opponit c. 61. Inde credibile est receptum adhuc apud Numidas morem obtinuisse, ne frena, nisi pro rei natæ exigentia, adhiberent, ut apud Romanos vicissim receptum est, ne, nisi exigentibus circumstantiis, frena detraherentur. Hos enim Pompeianos Numidas frenorum usum edoctos fuisse modo observavimus. Hucusque ergo, nempe ad ætatem Julii Cæsaris, frenorum usus erat apud Romanos in Equestri Militiæ Disciplina vulgo receptus, detrahendorum scilicet, pro Ducis prudentia, Belli casu ita exigente, non item addendorum. Et ad Augusti ætatem affectam pertigisse, innuunt verba Livii modo recensita.*

*Sæpe*



*Sæpe enim Romanos Equites cum magna laude frena detraxisse* docent. Nempe *detracta* hîc legimus, non *induta*, frena, ut facile inde intelligamus, etiam quum *detraberentur*, pro *recepto* nihilominus more *adfuisse*. Non certe omissurus si, quum ipse hæc commentaretur, mos tandem obtinuisset apud *Romanos*, ne *frena* in *Prælio* prorsus adhiberent. Sub *Augusto* etiam de *Numidis* observavit *Maro*, tanquam *alienum* à receptis *Gentium* moribus, *suæ* imprimis, quod fuerint, ut ipse loquitur, *infreni*. *Æn.* IV. v. 41. Sed intelligi hoc ita fortasse potest, quod *frenorum* usum omnem penitus respuerint. Quod fuerit gens *inscia freni Silio*, *frenorum nescia Lucano*. Hoc certe de *Romanis* hujus *Seculi* vere dici unquam potuisse, omnino incredibile est. Etiam quum *arcum* intendens *manus* ambas occupatas haberet Imperator *Gratianus*, *habenæ* tamen, non *virgis*, pro more *Numidarum*, usum in illius *Panegyrico* ostendit *Ausonius*. *Frenorum* autem consuetudinem sub *Domitiano* apud *Romanos* frequentissimam fuisse discimus è *Statio*. *Frena* ille si minus pro *Equitibus*, saltem pro *Equis* usurpavit *Thebaid.* VII. v. 432. Incongrue profecto, si passim fuissent in re gerenda *Bellica* sine *frenis Equi*. Idem præterea *Thebaid.* XI. v. 244. hæc habet verba : *frenis adsultat & hastis*. Ubi ut *hastæ* pro *copiis* ponuntur *Pedestribus*, ita *frena* pro *copiis* similiter *Equestribus*. Absurde sane, si, præterquam in *casibus Belli rarioribus*, nulla fuissent *Equis frena*. Ceterum à *receptis* sui *Seculi* moribus de *Camilli* temporibus conjecturam tuus fecit Artifex, ut supra vidimus. Idem si hoc in loco observarit, *frena* in *Militia Romana Equestri* prætermissa fuisse oportet quum in hoc insigni monumento occuparetur. *Prætermisionis* Auctor potuit fuisse *Corbulo*. Ita fiet ut in arctiores contrahatur limites tuæ *Parmæ* ætas, ut nec *antiquior* fuerit *Nerone*, nec *recentior Domitiano*, sub quo scripsit *Statius*. Potuitque adeo *frenorum* usus à *Vespasiano* revocari vel *Tito*, ducibus *Belli* peritissimis. Mihi tamen aquam hæere fateor, itane se res habuerit. Fieri potest ut in eo cum *Gallis* proelio *frena* detraxerit *Camillus*, idque ex antiqui cujuscumque Historici.



rici *verbis* diſertis tuus didicerit *Artifex*, quæ cauſſa eſſe potuit ut hunc ſaltem *antiquum* morem in *Parma* retinendum cenſuerit. Ægre tamen ita *rem* fuiſſe ex iis, qui hodieque exſtant Veterum monumentis, colligemus. Ait quidem Livius Camillum *omnia, quæ arte Belli ſecondæ ſuis eligi præparariue poterant, providiſſe*. L. V. c. 49. Poterat inter hæc locum *frenorum detractio* habere (cujus uſum *Romanis* antea innotuiſſe diximus) ſi in ſolo *ſemirutæ Urbis, & natura inequali, Equos* ſuo potius *impetui* quam ſeſſorum *moderamini* permittendos arbitraretur, ne è duobus motibus invicem permittis, in loco præſertim *lubrico & ancipiti*, confuſio aliqua oriretur, magnorum infeliciumque præter exſpectationem eventuum anſam præbitura. De loco *Prælii* ſuffragatur etiam *Plutarchus*: ἐν οἰκίᾳ, ὑπὸ στυλῶν, ὑπὸ χαλκοῖς Νέεσθαι πλεονεχθῆναι ἔδωκεν αὐτοῖς. Reliqui *alibi* rem geſtam narrant. Utinam exſtaret accuratus aliquis vetuſtusque hujus *Prælii* deſcriptor, qui ſigillatim illius *minutias* fuiſſet perſecutus. Ita forſitan intelligeremus quæ fuerint illa *Camilli proviſa*, & quæ proviſorum *rationes*, & num inter *proviſa frenorum detractio* locum habuerit. Cur *Gallis* ſimiliter tuus attribuerit *Artifex*, in *cauſſa* eſſe potuit, quod in *Gallica* acie enarranda eandem diligentiam non adhibuerit quam in *ſua* gente *Romanus* Hiſtoricus.

29.  
Senex ille Barbatuſ inermis qui aciem Romanam, ſpatio interpoſito, ſequitur, Romanorum Fecialis fuiſſe videtur. Duo autem illi, ſimili fere habitu, pone Brennum, Patres erant, fortalliſ Gallo- rum alter, alter Romanorum, Patrati.

Sed quis ille demum fuit, inquies, ſenex promiſſa bārba venerabilis, qui aciem *Romanam*, interpoſito tamen *intervallo*, comitatur? *Dei* certe nullius *inſigne* præfert, nedum *Martis*, cujus nec *currum* videmus, nec *enſem*, nec *clypeum*, nec *galeam*, nec generis cuiuſcunque *telum*. Imo *inermis* incedit, habituque *Pacifico*, quique ad *venerationem* excitandam, quam *terrorem* incutiendum accommodatior eſt. *Sacerdotali* aliquo Ordine inſignitum fuiſſe veriſimillimum eſt. Veniebant hîc in mentem *Romanorum Sacra* ad Urbem *Cæretanam* miſſa, *Gallis* ingruentibus, ruſuſque *Romam*, poſt victoriam *Camilli*, reportata. Sed ubinam *Veſtaliū Virginum* Sacris illis præſectorum *currus*? Num ergo *Pontificem* arbitrabimur cui illas *ſubditas* fuiſſe



fuisse certum est? Illas nempe, clausis vehiculis mox secuturas, antecedentem? Atqui nec *Pontificiæ* dignitatis ullum hîc indicium agnoscimus. Ne quidem equo insidentis, qualem iconem exhibuit *Gutherius*. Nec, nisi *Bello* penitus *profligato*, *Virginibus* opportunum erat ut in sedibus patriis *Sacra* patria reponerent. Ego potius *Fecialem* fuisse arbitror, *Sacerdotem* etiam ipsum, *Sacris*, quæ *Paci* cum *hostibus* ineundæ peragenda erant, operaturum, & proinde, ut *Sacerdotem Pacis* oportebat, *Sacro* & *Pacifico* habitu amiciendum. *Camillum* hîc *Dictatorem* sequitur, munere suo functurus siqua *Pacis*, honestis conditionibus coalituræ, spes afflisset. Erat enim *Camillus Religionis*, siquis alius, observantissimus. *Fecialem* fuisse è *velo* colligo *Sacerdotalis* muneris insigni, quod *capiti* ejus imminere, vento, ut videtur, agitante, observamus. *Capite* enim *velato* incessisse, quum ad *hostes* propius accessisset, scribit *Livius*. Et quale illud fuerit *velamen*, mox exponit: *filum* (inquit) *lanæ velamen est*. L. I. c. 32. *Fili* nomine *vittam*, Græcis *ταύριαν* vel *μίτσαν* vel *λῶμα*, intelligit, apud *Sacerdotes* inter *capitum* ornamenta receptissimam, ut è *Glossis* constat *Labbeanis*. Et quidem *senes duos* huic simillimos, post *Brennum*, videmus, *barbatos* etiam ipsos & pariter *inermes*, *velamine* tamen illo *capitum* nudatos, quod *proprium* videtur fuisse *Fecialium*. Hos *Patres patratos* fuisse crediderim *Brenni* *Sacra* violantis *testes*, & pro sua quemque gente sollicitum. *Brennum* enim *Regem fœderis* temeratorem respicit alter, alter suos, non sine aliqua, ut videtur, indignatione, *Romanos*. *Jurijurandi* enim *exigendi* Jus penes *patrem patratum* erat, non autem ipsum *Fecialem*. Quod tamen rite exigere non licebat nisi *Patri Patrato* à *Feciali* ad hoc munus designato. Hinc *nominis* ipsius rationem arcessit *Livius*. *Pater patratus* (inquit) *ad jusjurandum patrandum, id est, ad sanciendum fit fœdus*. L. I. c. 24. Interim observatu dignum est, ne huic quidem *Equestri Feciali* ullum esse *frenum*. Inde manifestum est non *militum* duntaxat in *acie* rem gerentium *proprium* fuisse, pro tui *Artificis* consilio, quod *frenis* caruerint.



Fieri ergo potest ut eadem, quæcunque demum ea fuerit, ratione *frena* prætermiserit monumenti conditor, quæ & alia quoque prætermisit, quæ tamen aliunde verissimum est *Romanis Equitibus* manum *conferentibus* non defuisse, pro illius Seculi, quo vixit Auctor, *Disciplina Militari*. Pro eodem scilicet *exemplo*, quo singulis *unicum* tribuit tantummodo *telum*, quibus tamen plura fuisse, nec unius *generis*, ex *Historiis* habemus exploratum. Pro eodem, inquam, *exemplo*, quo nec *vaginas*, nec *pharetras* repræsentandas censuit. Nihil tamen illud obstat quo minus, pro *antiquiorum*, & *suo Seculo* cævorum, *exemplo*, prætermiserit. Vix enim in *medii* Temporis *Historiis*, nedum *recentioribus*, *Equestres copias* reperiemus, quæ sine *frenis* proelium commiserint. Nedum inter *gentes excultiores* artiumque ingenuarum studiosas. Apud *Antiquos* autem, quos imitaretur habebat. Rectius ergo *Parmæ* tuæ *Antiquitatem*, quam *Novitatem*, ex hac ipsa quoque affectatione colligemus.

30.  
Nuda pene ad humeros  
Equitum brachia  
Antiquitatis Argu-  
menta sunt.

Simile & illud *Antiquitatis* Argumentum est, quod *brachia* hîc *Virorum* omnia ad *humeros* usque *nuda* videamus. Erat enim hoc apud *Veteres*\* receptissimum, præsertim *Romanos*, & in *omni Latio*, observante *Gellio*, Noct. Att. L. VII. c. 12. Imo, si aliter fieret, in *viris indecorum*. Eo refert verba *Scipionis*, qui hoc *probrio* dedit *Sulpicio Gallo* homini *delicato*, quod in *conviviis Adolescentulus* cum *amatore*, cum *chiridota tunica* accubuerit. *Chiridota* enim *tunica* eadem erat cum *manuleata*, quæ ad *manus* usque vel *digitos* pertingebat. Eadem *macrochera* apud *Lampridium* in *Alexandro Severo*. Eodem retulit *Gellius Virgiliana* illa: *Æn. IX. v. 616*.

*Et tunicae manicas, & habent redimicula mitræ.* quibus ille *tunicas* istiusmodi, quasi *femineas* & *probro*sas, criminatur. *Phrygias* enim potius quam *Phrygas* appellandos esse censet qui illas usurpabant. Idem *Ennium Carthaginensibus tunicatam juventutem* exprobrasse docet, uti etiam *Nonius* c. XIV. *Tunica* nomine simpliciter acceptæ *manuleatam*, sive *manicatam*, intelligens. Sic enim *Nonius* ad verba *Plauti* in *Pseudolo*:  
*Manu-*



*Manuleatam tunicam habere hominem addecet. Et* iccirco (inquit) *manuleatam addidit, ne improprie uteretur.* Sic item *Cicero Catalinaria II. manicatas & talaras tunicas* impropere. Adeo indignas viro forti & *militari* (quales in tua videmus *Parma*) *manicas* censabant *Veteres*. Inde illud *Senecæ*: *Apud me vero Epicurus est & fortis, licet manuleatus sit.* Contra *feminis* decoras visas esse *manicas* ostendit *Gellius*, ut earum *ulnæ adversus oculos protegerentur*. Et tamen λευκάλενον *Junonem* laudat *Homerus*. Ut fortasse recentioris, quam *Homerus*, fuerit *Antiquitatis* illa quoque *feminarum* consuetudo. Nec à brachiis olim abstinebant *plangentes*, si recte memini, *mulieres*. Utcunque postea *mulierum* viceversa pene *proprium* est, quod antea *proprium* fuerat *Virorum*, ut ad *cubitum* usque *brachia nudata* habeant. Non ita olim *Pythagoræa*, quæ πῆχυν καλὸν sibi gratulanti respondit, ἀλλ' ἔ σιμόσι. Nec nupera illa est consuetudinis *mutatio*. Perspicua sunt in hanc sententiam verba *S. Augustini*. Sic enim ille: *Talaras & manicatas tunicas habere apud Romanos Veteres flagitium erat. Nunc autem honesto loco natis, quum tunicati sunt, non illas habere flagitium est.* de Doct. Christ. L. III. c. XII. 20. Inveteraverat ergo tum quoque *Colobiorum* (sic enim *tunicas non manicatas* appellabant) usus, præterquam in *Ascetis*. Imo contrarius plane usus apud eosdem obtinuit *Romanos nobili loco natos*, quibus *tunicas non manicatas* non habere *flagitium* erat. Par illi scilicet *dedecus* quod *tunicas antea manicatas* usurpantibus fuerat exprobratum. Ita se res habebat in *nobilioribus*. Et *Populo* quoque *Romano tunicas albas manicatas ex diversis Provinciis donavit Aurelianus*, teste *Vopisco* in vit. c. 48. Et *tunicas asemas vel macrocheras ex purpura non magna ad usum revocavit suum Princeps Disciplinæ* observantissimus *Alexander Severus*. *Lamprid.* vit. c. 33. Nullum ergo, hac saltem ætate, *tunicarum manuleatarum* probum. *Barbaras* quidem *Commodi chiridotas Dalmaticas* vendidit auctione *Pertinax*. *Capitolin.* c. 8. Hæc *tunica illa χειρῶτος* in qua *Commodus* à se *salutatum* scribit *Dio*. L. LXXII. quam nota



hac perstrinxit *Pertinax*, ut viro *Principe* indignam & infamem. Veste enim *Militari salutationes* fieri solebant, ne, qui *salutarentur*, *privati* esse viderentur. *Cassiodor.* L. VI. Var. in forma *Vicarii Urbis Romæ*. Similiter & *Caracallæ* probro datum, quod, quum nec *æstum* amplius, nec *arma ferre posset*, *tunicas manicatas*, ad *loricæ formam* quodammodo factas, indueret, ut quum absque *pondere armorum* esset, tamen *esse* videretur *armatus*, nec peteretur *insidiis*, & *admirationi* esset. Ita *Dio.* Recte autem ad *loricæ formam* factas observavit illas *tunicas*, ut videretur *armatus*, quum & *loricas ipsas tunicarum* nomine venisse jam viderimus, quales in tua conspiciamus *Parma*, non tamen *manicatas*. Similiter in *Caio Caligula* notavit *Suetonius*, quod *manicatus* & *armillatus* in publicum processerit. Antea hæc præfatus: *Vestitus calceatuque, & cetero habitu, neque patrio, neque civili, ac ne virili quidem, ac denique humano, semper usus est.* c. 52. Hoc ergo ipso *Caligulæ ævo*, male audiebant *tunicæ manicatæ* in *Imperatoribus*, quos militibus exemplo esse oportebat. Quod tamen non obstabat, quominus adhuc, etiam sub *Nerone*, obtinuerit, in *Disciplina Militari* recepta, præsertim à *Corbulone* restaurata. Ipsa illa *Caligulæ ætate antiquior* esse non potuit *Gemma illa Tiberii tum Divi*, in qua *Viri Principes armati brachiis ultra cubitum nudis*, pro tuæ *Parmæ* exemplo, repræsentantur. Nec ab eadem ætate longe abesse poterat *Gemma Augusti* similiter *Divi*, *Principes* exhibens similiter *armatos*. Poterat tamen *Caio* utraque paullo fuisse *recentior*, dum *Imperio* gens potiretur *Julia*, quæ ab utroque *Augusto* pariter ac *Tiberio* communem originem trahebat. Postea *novæ* erant, quæque cum *Julia* gente nihil affine habebant, in *Imperio* familiæ, nec adeo de *Julia* gentis gloria sollicitæ. Ut proinde ad *Julia* gentis *Epocham* has *gemmas* referendas esse sit plane verisimillimum. *Gellii* tamen *ætate* passim obtinuisse *tunicas manuleatas* locus illius modo à me prolatus innuit. Dum enim paullo *vetustiorum* sententias de illis *tunicis* duriores observatione dignas censet, id eo fine & consilio fecisse videtur, ut intelligeretur quanta fuerit ab *antiquiori*



quiori sanctiorique Disciplina sui Seculi defectio. Nec militiæ modo, verumetiam domi & in conviviiis indecoras olim fuisse *tunicas manicatas* ostendunt verba Scipionis *Emiliani* in *Sulpicium Gallum* objecta à Gellio servata. Gellio ergo *Parma* tua antiquior est, quem Nos sub *Hadriano* natum, sub *Antonino* autem *Pio* scripsisse alibi ostendimus, Vol. I. Geographorum *Hudsonianorum* Diff. V. de *Ariani* *Peripl. Mar. Euxin.* §. 10. *Caligula* autem Imperante, quæcunque demum fuerit in moribus degeneratio, sententiam tamen generosiore viguisse receptamque fuisse, quæ viris fortibus & militaribus indignas *tunicas manicatas* esse censebat, è prædictis facile colligitur. Hoc palam indicant verba *Senecæ*, fortis licet manuleatus. Et quod in ipso *Caligula* reprehensum fuerit, quod *manuleatus* in publicum processerit. Sic item *Cæcinæ Vitellianarum* partium duci vitio datum, si quidem de *Chiridotis* illius intelligendus sit in *Othonis* vita *Plutarchus*. His ergo etiam temporibus male apud viros *Militares* audiebant *manicæ*. Nec sane in exercitum ignominiam tantam irrepsisse his temporibus verisimillimum est, sub *Corbulone*, sub *Vespasiano*, aut *Traiano*, aut etiam *Hadriano*, Disciplinae *Militaris* studiofissimis excultoribus. Quæ tamen mutatio postea, nec magno, ut videtur, interposito temporis intervallo, secuta est.

Erant quidem & *Presbyteris* & *Monachis* sua quoque *colobia*, sive *tunicæ non manuleatæ*. Et quidem à *Militari* Disciplina desumpta, si *Dorotheum* audiamus. Huc Abbatis illius verba illa traduxit *Albertus Rubenius* L. I. de *Re Vestiaria*, c. 18.

Ἐχει δὲ τὸ κολόβιον ἡμῶν σημεῖον τί ποτε πορφυρεῖν. Τί δελεῖ εἶναι τὸ σημεῖον τὸ πορφυρεῖν; Ἐκαστος στρατεύμενος τῷ βασιλεῖ πορφύραν ἔχει εἰς τὸ χλανίδιον αὐτοῦ. Ἐπειδὴ γὰρ ὁ βασιλεὺς πορφύραν φορεῖ, πάντες οἱ στρατεύμενοι αὐτῷ βάλλουσι πορφύραν εἰς τὰ χλανίδια αὐτῶν· τετέστι τὸ βασιλικὸν ἔνδυμα, ἵνα διὰ τὴν δειξωσιν, ὅτι τῷ βασιλέως εἰσὶ, καὶ ὅτι αὐτῷ στρατεύονται. Οὕτω καὶ ἡμεῖς λαμβάνομεν τὸ σημεῖον τὸ πορφυρεῖν εἰς τὸ κολόβιον ἡμῶν, δεικνύοντες, ὅτι τῷ Χριστῷ ἐστρατεύομεν καὶ χρεωσῶμεν ὑπομεῖναι ὅλα τὰ πάθηματα αὐτοῦ ὅσα ὑπέμεινεν δι' ἡμᾶς. Sic ille *Doctr. I.*

31.  
*Colobia* Monachorum à  
*Militarium colobiorum*  
(eo quo *Monachi* cœ-  
perunt *Seculo*) exem-  
plo non emanarunt.

Ἡαε



Hæc ſi vera, ita conſequetur, ad IV. uſque, quo cæpit Monachatus, *Seculum*, adhuc in *Militia Romana* uſum perſtitiffe *colobiorum*, contra quam didicimus è S. *Auguſtino*. Nec enim, ſi jam olim in *deſuetudinem* abiiffent, *exemplum* inde capere potuit *nova* tunc temporis *Monachorum* inſtitutio. Atqui certe habitui *Militari* *quieta colobiorum ac pænularum veſtimenta* opponunt Imperatores Cod. *Theoſof.* L. XIV. Tit. X. l. i. quæ *Senatoriſ* intra *mœnia* agentibus indulgent, quibus tamen *habitu Militari*, & *chlamydis* terrore interdicunt. Proinde ex hoc ipſo loco conſtat, de *Militia* non *armata*, ſed *Palatina* & *Comitatenſi* intelligenda eſſe verba *Dorothei*. Erant quidem *Monachorum Colobia* in eo *Militaribus antiquioribus* ſimilia, quod *vix* ad *cubitorum ima* per-tigerint, teſte *Caffiano* L. I. de *habit. Monach.* c. 5. Inde intelligimus non *Ἐξόμυδος* fuiſſe, quæ *humeros* etiam ipſos *nudos* reliquerint, ſed *tunicas* tantummodo non *manuleatas*, nec *manibus arctas*, nec *brachiis parcas*, ut loquitur in Libro de *Pallio* *Tertullianus*. Quod vero *purpureis* interpolarentur *clavis*, hoc in alia præterquam *Palatina Militia* locum habere vix potuit. Itaque quum eadem hæc *colobia*, quæ *Militaria* olim fuerant, jam *quieta* haberentur, & proinde *Pacis veſtimenta*, qua ſcilicet habitui *Militari*, & *chlamydis* terrori opponebantur; inde manifeſte ſequitur, apud *Milites* ipſos, illo certe *Seculo*, penitus obſoleviſſe. Et proinde *antiquiorem* tuam eſſe *Parmam* in qua *Milites colobiis* induiti repræſentantur. Ita ſcilicet ſe res habebat anno *Æræ noſtræ Chriſtianæ* 382. quo illud à *Chriſtianis* Principibus editum eſt Reſcriptum. Nec adeo temere de ſua ætate idem teſtatus eſt S. *Auguſtinus*. Paulo tamen poſtea, quum *priores* de *Chriſtiana Doctrina* Libros ſcripſerit *Episcopuſ* ante *Retractationes*. Nec vero legimus *recentiori* aliquo *Seculo* intermiſſa olim à *Militibus* in *Militum* uſum fuiſſe revocata. Contra in *Scanderbego* tanquam *ſingulare* fuerit, obſervatum eſt, quod *brachio nudo*, vel *unico*, proeliari ſit ſolitus. Ecquis inde non intelligat quam *rari* illud fuerit exempli, ætate *Scanderbegi*? Quam fuerit *Antiquitatis Camillo* coævæ *imperitus* *Artifex*



tifex tuus, sui licet studii peritissimus, exinde vidimus, quod *Gallis* etiamnum *hostibus* communia cum *Romanis arma* attribuerit. Inde collegimus ad sui temporis exempla *Parmam* ab eo fuisse elaboratam. Idem proculdubio facturus si *recentioribus*, multisque ab *Augusteo Imperio extincto* *Seculis* ipse vixisset. Quis autem dabit *vultuum brachiorumque* in *Equitibus pugnantibus nudorum* exemplum in illis, de quibus loquimur, *Seculis*? Multo autem difficilius fuisset mores *Romanorum* excultissimis *Augustorum* temporibus florentium exhibere, quam fuisset, siquis sub *Augustis* Artifex mores *Camillo* pares repræsentare vellet. Supererant sub *Augusto* scripta quoque *monumenta Camillo* paria, quibus fretus *Livius* certiorē à *capta Urbe*, copiosiorēque *Historiam* pollicetur, quam *mediis* illis *Barbarisque* *Seculis* suppetebant de rebus *Neronianis*, *Neronive* proximis. Hoc certe manifestum est ex illorum temporum *Historicis* tam *Civilibus* quam *Sacris*, qui pauca advocant superiorum proximorumque *Historicorum* testimonia. *Epitomis* fere jejunisque *Collectaneis* delectabantur. *Nummorum*, *lapidum*, *statuarum*, *gemmarumque* usum in Veterum *vestimentis* explorandis pene nesciebant. Luculentissime vero hoc è *Commentitiis Martyrum* Actis compertum habemus, hac præsertim *Historiæ* superioris imperitia se prodentibus. Qui coævus *Camillo* mores ad normam morum expressit *Romanorum* sub *Augustis* receptorum, is idem si *junior* ipse temporibus fuisset *Augusteis*, mores similiter *Neronianos*, ad *medium Barbarumque* *Seculum*, quo vixit ipse, cur dubitemus quin fuerit pariter exacturus, *ætatemque* suam, hoc ipso indicio, *proditurus*?

*Loricas* porro, quales in tua videmus *Parma*, in *Militia Romana* usurpatas, illo præsertim *Seculo*, cui tuum assignavimus Artificem, satis, nisi fallimur, probatum dedimus. Non *manuleatas* quidem, sed *tunicatas* tamen; nec *Exomidas*, quæ humerum alterum nudum reliquerint, quo *fibula* locum habitura fuerit, laxiori apertiorique vestimento sustinendo destinata. Alias proinde à *Palliis*,

32.  
*Saguli*, seu *Sagi* proprie ita dicti, nomen ad *femoris* tegumentum spectabat, in quo locus erat *Gladii*, hoc *Seculo* Artifici à nobis assignato.



*Palliis*, seu *Chlamydibus*, seu *Paludamentis*, seu *Sagochlamydibus* quæ *Sagis Chlamydibusque* constabant invicem *annexis*. Et quidem *Temporis* notam, ut existimo, ex hac Observatione lucrabimur. *Cæsaris* enim ætate *variores* erant inter Milites *loricati*. Ita scilicet ut *loricatos Centuriones* tanquam insigniores & *primariæ* in suo ordine *dignitatis* memoret. Et quidem in Bello ejus omnium ultimo, *Hispanico*. Nondum ergo passim receptus erat in Militia *Romana* usus *Loricarum*. Tuus autem Artifex ducem ipsum *Camillum* eadem, qua & reliquos è grege *Equites*, *Lorica* armavit. Atqui *Paludamentum* summi in Exercitu Imperii Insigne *Pallium* fuisse, Græcis *Chlamydem*, *Romanumque Sagum*, agnoscunt Viri Eruditi, & passim invicem confundunt. Quod quidem facile ferri potuit dum *unum* idemque vestimentum conficeret cum *Pallio*, *Chlamyde*, vel etiam *Paludamento* connexum *sagum*; vel etiam quum *nullum* inter vestimenta *Militaria* locum haberent *Loricæ*. Tum enim *Pallio Tunica loricatæ*, siqua fuerit, injecto, mox appendi oportebat *sagum*. Nec tamen ἰσοδυαµῖσος fuisse significationis cum *Sago Chlamydem* è voce composita *Sagochlamys* discimus. Imo nec *semper* cum *Chlamyde* annexum fuisse, quum etiam *exterioris* Vestimenti *Militaris* compositionem ingrederetur. Idem, ni fallor, ostendit distinctio inter voces *Sagum* & *Sagulum*, quæ tamen apud Scriptores satis frequens est. Nec enim credendum est, quoties de *Sago* indefinite sermo est, nulla *Militis*, cui fuerit accommodandum, mentione, *staturæne* fuerit *prolixioris*, an *brevioris*, de *Sago majori* vocem esse semper intelligendam. Facilis est suspicio, *sagula* fuisse *sigillatim* sumpta *Saga*; *Saga* vero fuisse quæ in unum cum *alio* vestimento coalescentia communi, cum *Vestimento*, cui annectebantur, appellatione veniebant. Et quidem è voce composita *Sagochlamys* illud præterea colligimus, *partem* illam *communis* Vestimenti quæ *Chlamydi* opponebatur, *Sagi nomine* proprie accepto intelligendam esse. *Humeros* autem tegebat *Pallium*. Sequitur ergo ut partem vestimenti *inferiorem* suppleverit *Sagum*, seu *Sagulum*, quod *Sagi* seorsim accepti nomen erat.



erat. Hoc Nos docet in *Augusti* vita *Suetonius*, quo loco de *Centurione Cornelio* agit, minas Senatui, ni *Augusto* *Consulatum* decrevissent, intentante. *Rejeto* (inquit) *Sagulo*, ostendens *Gladii capulum*, . . . *Hic faciet* [ajebat] *si vos non feceritis.* c. 26. De *Sagulo* loquitur, ne de *Sago* proprie ita dicto intelligendum ambigamus, *capuli* tegumento. *Gladii* enim locus vel in *latere*, vel in *femore*, ut mox ostendemus. Eodem spectant verba *Trebellii Pollionis* in *Saturnini* vita: *in convivio discumbere Milites, ne inferiora denudarentur, cum sagis jussit, hyeme gravibus, æstate perlucidis.* Est & aliud exemplum *Consularis Q. Cæcili Metelli*, qui rem gessit cum *Celtiberis*. In eo Bello *Q. Cotio* se dedit *Piresius* nobilitate ac virtute *Celtiberos omnes præstans*. Verba sunt *Valerii Maximi*. Modum autem *deditionis* ita narrat: *Nec erubuit* (inquit) *flagrantissimi pectoris juvenis gladium ei suum & sagulum, utroque exercitu spectante, tradere.* L. III. c. 2. *Exempl. Rom.* 21. Hinc etiam apparet in *sago* proprie sic dicto, quod seorsim *Sagulum* appellabatur, locum fuisse *gladii*, qui fuerit proinde cum *Sagulo ipso* tradendus, quod à *Sago* pependerit. Nihil enim habuit cum *Chlamyde* commune *Celtibericum* illud *Sagum*. *Appianus* in *Ibericis*: *Χρῶνται διπλοῖς ἱματίοις πεχέσιν, ἀντὶ χαλμύδων, αὐτὰ περιπορώμενοι καὶ τὸ Σάγον ἵγνυνται.* Dum *Chlamydem* vicem *Saga* illa supplēvisse docet, illud una innuit nullas fuisse illis, qui *Sagis* illis utebantur, *Chlamydes*. Sed duo in *Sagis* illis *ἱματία* fuisse ostendit, quæ tamen ambo communi *Sagi* nomine *unius* intelligenda fuerint. Idem autem *Sagum duplicatum*, quo firmitus esset ad *ejusdem Membri* ictus repellendos, nisi fallor, non intelligit. Ambobus enim *suam* cuique *fibulam* assignat, quod sane necessarium non fuisset ad vestimentum *idem* tantummodo *duplicatum* sustinendum. *Sagorum* ergo horum *duplicium* superius *Chlamydis* proprie ita dictæ munus præstabat, qua scilicet *Chlamys* à *Sago* illi annexo secernebatur, & ad *Pectoris* tutelam pertinebat. *Inferius* autem partes tuebatur *pectore ipso inferiores*. Sic autem ut *propriam* haberet *fibulam*, ne *Sagum* superius *pondere* suo gravaret. Ita



factum ut cum gladio *Sagulum Romano* Adversario tradiderit *Piresius*, qui ex una cum *Sagulo fibula* pendebat, qua soluta gladius *Sagulum* sequebatur. *Sagulum* inquam, non *Sagum*. Brevius enim fuerit oportet *Sagum* illud inferius, quum ad imum usque ventrem pertingeret *Thorax* vel *Pectorale*, seu *Lorica* fuerit, seu *Pallium*, seu *Chlamys*, seu quo alio nomine appellaretur. Tunc enim genua superare per Romanos mores non potuit, quum infames essent in viris *Tunicæ talaris*. Et quidem ita se res habet in *Parma* tua.

<sup>33.</sup>  
*Lorica*, non *Pallio*, sub-  
 jecta sunt horum tem-  
 porum *Sagula*. Sic ta-  
 men ut *Saguli* nomen  
*Superhumerali* etiam *Sa-*  
*go* attributum fuerit.

Nec sine *Veterum* exemplo, finis *Loricæ* ibi ponebatur, quam Nos *Tunicæ* formam retulisse probavimus, non *Pallii*. Sic inter munera Regi *Mesaniissæ* à Senatu missa *sagula purpurea duo cum fibulis aureis singulis* legimus apud *Livium* L. XXX. c. 17. In usum scilicet *Militiæ Pedestris*. His enim bina *Equestria* arma cum *loricis* opponunt verba ejusdem *Livii* sequentia. Itaque tum quoque in *Equestris Militiæ* usu erant *Loricæ*. Ut proinde singulis *Saga* etiam singula fuerint, seu *Loricis* in unum Militare Vestimentum annexa fuerint, seu propriis ipsa fibulis ab *Equitum lumbis* pependerit. Sed *loricas Paludamentorum nomine* venisse vix, ut opinor, legimus, uti nec *compositam* aliquam vocem è qua discere liceret in aliis cujuscunque generis vestimenti *Militaris* mixti constitutionem coaluisse *Loricam*. *Sagochlamydes* quidem sub *Claudio secundo* illius nominis Principe, quasi tum demum, post longam *desuetudinem*, in usum revocatas. Apud vetustiores, dum nondum invicem secernerentur *Chlamydes* atque *Saga*, ne quidem vocis illius *compositæ* usum reperimus. Tum quoque *fibulatoria Saga* legimus. Nec enim *fibulis* opus erat ad *Sagorum* annexionem propriis, dum *Superhumerali Pallio*, vel *Chlamydi*, in unum coalesceret. Medio ergo spatio interciderat *compositi Vestimenti* memoria, quum novo & *composito* vocabulo opus esset ad idem Vestimentum designandum, quum res ipsa vetustior in usum *Militiæ recentioris* quasi è *postliminio* revocaretur. Atqui, quum fugeret è proelio *Actiaco Antonius*, *sagum* illius, cujus



cujus meminit Horatius in Epod. IX. de *Chlamyde coccinea* interpretatur vetus *Horatii* Interpres *Porphyrion*. Anno scilicet U. C. *Varr.* 723. Et *tunicatos* discinctosque milites *ignominiae* loco habuit *Augustus*. Suet. vit. c. 24. Erat quidem *Lorica Tunica*, sub qua tamen *alia* quoque *Tunica* subesse potuit, pro more *Romanorum*, qui vestes *interiores*, quas tamen simul *plures* habebant, communi *Tunicarum* nomine appellabant. Potuitque adeo *Lorica* exuta *aliam* nihilominus *Tunicam* post se relinquere. Tale autem *operimentum* hoc in loco intellexit Auctor, quod una secum *Zonam* quoque *Militarem* sustulerit, cui accingi solebat *gladius*, qui *Sagulo inferiori* accingi solebat, ut proinde *Sagulo* etiam sibi appenso *Militem* mulctarit. *Pallium* nimirum, seu *Chlamys*, vel potius *Sagochlamys*, quamvis vox illa nondum obtinuerit, ante restauratum *Sagochlamydis* usum. Proinde post *Augusti* ætatem exoleverant istiusmodi *Sagochlamydes* quæ sub 2<sup>o</sup>. revixerunt *Claudio*. Et quidem ita revixerunt, ut, *novitatis* causa, *novo* fuerint nomine insignienda, *majoribus* incognito. Utcunque tamen nec *Palliatos*, nec *Chlamydatos*, & ne quidem *Paludatos*, ut opinor, legimus. Multo minus *Sagoloricatos*, aut *Sagothoracatos*, aut alio quovis vocabulo appellatos, quo indicaretur in *unum* cum *superiori* vestimentum coaluisse eorum *Saga*, in *Militia Equestri*. Imo ne quidem *plura Equitibus Saga* attributa facile reperimus, quorum *singula fibulas* habuerint sibi *proprias*. Imo *fibulata Sagula* aliena à moribus *Romanorum* tertio quoque *Æræ Christianæ* Seculo fuisse constat. *Unicum* ergo *Sagulum* intelligendum est, & quidem *inferius*, quoties de *Militia* agitur *Equestri*. Alioqui qui *bina* simul *sagula* usurpabant, & *binis* adeo opus habebant, quibus invicem annecterentur, *fibulis*, *Sagi* nomine *utrumque* complecti poterant, sic tamen ut *singulis* fuerintnectenda *fibulis*. Erat enim & *Superhumerales Sagum*, cujus *fibula* in *humero*nectebatur, ad morem *Pallii* vel *Chlamydis*. *Silius Italicus*, L. XVII.

——— *Humeris imponit honorem* \*  
*Fulgentis Saguli.* ———

Ubi hoc quoque *Sagum*, quum de eo seorsim ageretur, diminutiva *Saguli* forma intelligitur. Sic item *Trebellius Pollio* de *Zenobia*, *Imperiali Sagulo perfuso per humeros usam fuisse* testatur *Trig. Tyr. c. 30.* Quis non facile intelligat quam apte *mediis* hisce temporibus conveniat illa, quæ in *Parma* tua repræsentatur, *Militiæ Equestris Armatura*? Nec enim hîc videmus, quales fuerant, sub *Augusto*, *Chlamydes* in *Pectoris* tutela, nedum *Chlamydibus* annexa *Saga* quæ, voce composita, *Sagochlamydes* recte fuerint appellanda.

34.  
Horum temporum *Lorica* ultra *imū* *ventrem* non perungebant. Non ad *femora* quibus accingebantur *Gladii*. *Alia* tamen à *Persarum* *Mandyis Lorica*.

Nobis res est cum *Equitibus* qui in tua hac soli comparent *Parma*. Hos autem *Neronianis*, proximisque *Neroni* temporibus, *Loricatos* fuisse jam probavimus. Sic item de coacto agmine sub *Caligula Suetonius*: *sicut erant, loricatos ad discumbendum adhortatus est.* vit. *Cal. c. 15.* Inde *tropæa* vetera *Cassidum* cum *Thoracibus* in transverso ligno, seu *Loricis*, quibus successerunt, quum scriberet sub *Adriano Juvenalis*, *Cassides* cum *Bucculis*, sive *Clypeis*. Atque ita *Tropæa* videmus in *Nummis* plerisque etiam *Consularibus*. Raro admodum, si fortassis *unquam*, in illis *Sagula* cum *Palliis* quibuscunque connexa observamus. Nescio, an in *Spoliis*, ubi præcipue exspectanda erant, *opimis*, quum res cum hostium *summo Imperatore* gereretur. Ne quidem in *Genitis Claudiæ* *Nummis*, quum tamen istiusmodi *Spolia* de *Viridumaro Gallorum Rege* retulerit *M. Claudius Marcellus*. Reliqua *exempla antiquiora* sunt quam ut in *Nummis* exspectari possint *antiquissimis*, nempe *Consularibus*. Sed vero *Lorica*, qua *Tunica* erat, *clausa* erat, non, ut *Pallium*, *aperta*, ut *fibulâ* opus haberet *superhumerali*, qua constringeretur. Et *Pallium* ne quidem admittebat, nisi *superinjectum*, quo casu *Loricæ* armatura futura erat *inutilis*. *Loricam* ergo sub *veste* usurpabant quibus ab ignotorum hostium *insidiis* metus immineret. Sic de *Augusto Suetonius*: *æstimatur lorica sub veste munitus.* vit. c. 35. τὸ τῆς σολῆς *Dio* L. LIV. Utroque nomine *vestis* designatur *exterior*, seu *Pallium* fuerit seu *Toga*, *Græcis* ἱμάτιον, quod χιτῶνι *opponebatur*, quum tamen



tamen χιτῶν accenserentur *Loricæ* horum temporum *lintheæ*. Alii ergo *loricati* à *Palliatis*, seu *Paludatis*, seu *Chlamydati*, quum tamen *utrisque* commune fuerit *Sagum*. Inferius scilicet tantummodo, non *superius*, quod ab *humeris* incipiebat, & in humero *fibula* necebat. Plane tale quale tua in *Equitibus* suis repræsentavit *Parma*. Plane tale quale in *Titi* militibus, sub *Vespasiano* tamen *Patre*, describit vetus Auctor, qui sub *Hegeſippi* nomine Bellum *Titi Judaicum* narravit, quem S. *Ambrosium* fuisse opinatur *Gronovius* Pater, morum *ſuavitate* pariter atque *Eruditione* laudandus. Sic enim habet in ipsius *Titi* persona, milites ad proelium hortantis: *Progredimur in Bellum muniti undique. Tegitur galea caput, lorica pectus, totumque clypeo corpus.* L. III. c. 24. Ad *imū* vero *ventrem* pertigit *Lorica*. Statius:

——— *ensem germani in corpore preſſit,*  
*Qua male jam plumis imus tegit inguina venter.*  
 Thebaid. XI.

*Male tegi* inquit, quod illo ipſo in loco deſierit tutela *Loricæ*. Similiter & *Gallorum* χιτῶν χειρωτῶν, quos χιτῶν opponit, explicat *Strabo*, duplici, ut videtur, nomine, tam quod fuerint *manicati* ſive *manuleati*, quam quod χιτῶν fuerint, quum *clauſæ* undique fuerint *loricæ*, *tunicæ*que proprie ſic dictæ. Has autem *Celtarum* qualeſcunque *Tunicas* eodem pertigiſſe ſcribit *Geographus*, quo Nos *Loricas* pertigiſſe jam oſtendimus, μέχει αἰδίων καὶ γλέτων. Et quidem inde *incipiunt* *Equitum* tuorum *Saga*. Recte, & pro more veterum *Romanorum*. Is enim locus *gladii* qui ſub *sagulo* latebat, ut jam ſupra oſtendimus. A *femore* enim pendere *gladium* mos erat apud antiquiſſimos, non à *latere*. Ita de *Achille* *Homerus* Il. I. v. 190. Φέσσανον δὲ ἐρυάμενον ὅδ' ἐκ μηρῶ. Nec aliter in *Sacris Literis* Exod. XXXII. 27. Pf. XLV. 4. Cantic. III. 8. Inde & *sagum* in *dextro femore* memorat vetus *Interpres* Judic. III. 16. Imo *ſubter ſagum gladio accinctum* *Ebedem* idem docet *Interpres*. Nos ſub *sagulo* *gladium* latuiſſe probavimus. Sed quod *Latino* *Interpreti* *Sagum* appellatur, illud *Græco* eſt Μανδύς. Vox *Perſica* eſt, & *veſtis* ea voce ſignificata proinde *Perſica*, *Suidas* λωείκιον inter-

Geogr. L.  
IV.

interpretatur. Quasi vero *contractius* illud *Sagum*, quod proprie *Sagulum* appellabatur, ea voce denotaretur. Sed corpus *universum* ab illis *Mandyis* defensum fuisse verisimillimum est, quibus *subinde mutatis* se ab *imbribus* vehementissimis tuebatur *Domitianus*, qui reliquis plerisque *fatales* erant, quibus discedendi veniam negavit Princeps malignissimus. Et quidem *tegumentorum* munus obibant Interpretis *Latini Saga*. Sic appellantur *opertoria Tabernaculi*. Exod. XXVI. 7, 8, 9, 10, 12, 14. XXXVI. 14, 15, 17, 18. Sed *Cilicina* erant illa *Saga*. Exod. XXVI. 7. De *pilis* scilicet *caprarum*. Exod. XXXVI. 14. Hæc enim *Cilicia Arabibus* nuncupata testatur *Isidorus* Etym. XIX. 26. Nempe *velamenta pilis caprarum contexta*, ex quibus *sibi tentoria faciebant*. Hunc enim in usum inter *donaria Isrælitarum* Tabernaculo conficiendo necessaria *pilos* quoque legimus *caprarum*. Exod. XXV. 4. XXXV. 23, 26. Nempe in hunc finem, ne quid damni  $\kappa\tau\iota\ \tau\lambda\omega\ \delta\delta\iota\mu\omega\epsilon\lambda\alpha\nu$  sive  $\upsilon\epsilon\tau\epsilon\delta$ , sive  $\kappa\omicron\nu\iota\omicron\mu\epsilon\tau\epsilon\delta$  pateretur *Tabernaculum*, ut Nos docet *Josephus* Antiq. III. c. 10. Græc. p. 88. B. Ed. 1696. *Extremum* enim *tegumentorum* omnium erat, *aërique* maxime obiectum, quod è *pilis caprinis* conficiebatur, & in *tentorum Militarium* usum conversum Expeditionum incommodis, quæ ab *aëre* imminebant, ferendis opportunissimum. Idemque apud Veteres *Μανδύς* nomine intelligebatur. Sic in Glossis *Caroli Labbæi* *Μανδύς*, *Impluvia*. Nec alias *Μανδύς* à *Domitiano mutatas* credibile est *imbrium* violentiæ arcendæ. Non tamen illud obstabat quo minus pro *vestimento* etiam *Militari* usurpata fuerit vox eadem *Μανδύς* apud Græcos Veteris Instrumenti *Septuagintavirales* Interpretes. Imo ita usurpatam fuisse manifestum est, in aliis præterea ejusdem *Canonis* locis præter illum quem adduximus de *Ebude*. Ita 1. Sam. XVII. 38, 39. XVIII. 4. 2. Sam. XX. 8. Hoc autem discrimine, quod *supra Zonam Gladium* accinxerit *David* 1. Sam. XVII. 39. & *extra Mandyam Zonam* gesserit *Joabus*, 2. Sam. XX. 8. quum nihilominus *sub zona gladium* accinxerit *Ebudes*. Ad eundem plane modum quo *sub Sagulo Romani*. Sed vero *dedita opera* hoc fieri potuit ab



ab *Ehude*, quod locus ille *obscurior* infidiis in *Eglonem* paratis esset opportunior. Sic tamen ad *truncum* corporis defendendum pertinuerint veteres illæ *Orientalium Mandyæ*, nec vicem suppleverint tantummodo *femoralium*, quod fecerunt *Romanorum Sagula*, proprie ita appellata, quæ Veteri *Latino* Interpreti, rem è *Seculi sui* more æstimanti, obversabantur, quum *Græcam Mandyen Latino Sago* vertendam existimaret. Erat præterea & aliud discrimen inter *Mandyas* proprie sic dictas & *Romanorum Saga*, qua Corporum partes *superiores* pariter atque *inferiores* tuebantur *Saga*, in *materia* positum, è qua *Mandyæ* atque *Saga* conficiebantur. *Cilicinas* enim, & è *pellibus caprinis* constitisse *Mandyas Persicas* è modo dictis colligitur. Contra, *lanea Romanorum* fuisse *Paludamenta* vel *Chlamydes*, quæ *Sagorum integrorum* nomine veniebant, docuit *Ferrarius de Re Vestiaria* Part. II. L. III. c. 12.

Nobis autem de *minoribus* illis *Sagulis* agendum est quæ *femora* partesque ventre *inferiores* defendebant. Horum enim formam in tuo videmus monumento. Sed *Loricis* subnectorum, non autem cujuscunque generis *Palliis*. Nec occurrunt in *marmoribus*, vel *Nummis*, vel *Gemmis*, veterum *Pallia* quibus hujusmodi

*Saga* quæ *gladios* complectebantur, qui *Zonis* continebantur, subjunctis tamen, aut quæ *composita* aliqua voce denotabantur, unde partium *superiorum inferiorumque* saltem discrimen intelligeretur. Et tamen *Sagum* cum *Paludamento* idem fuisse volunt Viri Eruditi recentiores, nec ullo invicem discrimine apud Scriptores passim usurpari. Fieri hoc fortasse potuit dum *Sagi superioris* laxiorisque, quod *Loricæ superinjiciebatur*, usus tantummodo obtineret, nondum appenso *Sagulo inferiori* quo *femora* tegebantur, dumque illud solum *Sagi* nomine passim intelligeretur. Hoc enim facile *brachio*, pro more *Seculi nudo*, obvolvi potuit. Ita factum ut *Metellus Consul*, & proinde *Paludatus*, telum in *Sago*, id est, *Paludamento*, exceperit, quæ *Hirtuleio* in *brachium*, nullo *Pallio* obtectum, veniebant. Ita *Sallustius* apud *Nonium*.

35.

*Sagi* forma in *Parma* expressa, *Zona* infra *Sagum* cum *Gladio* latitante, earum omnium, quæ *Loricis* subnectebantur, *simplicissima* est, ideoque, ut videtur, *antiquissima*.

Quum



Quum scilicet *Hirtuleio* nullum suppeteret *Pallium* quo *brachium* ille suum tegeret. Sed *gladius* tunc à *Balteo* pendebat, qui more *Heroico* temporumque *antiquissimorum* ab *humeris*, non à *Zona*, aut *cingulo*, quo *medium* corpus ambiebatur, ipse pependerit. Sed antea jam in *desuetudinem* abierat mos ille *Balteorum superhumeralium* quam reciperentur *Sagula femoralia*, succincta *Zonis* seu *cingulis*, quæ vicem eandem præstabant in *gladiis* sustinendis quam *olim* præstiterant *Baltei*. Effecit hoc ut, quum in *Balteorum* succederent munus, *nomen* quoque *Balteorum* aliquantisper consequerentur, licet *alium*, quam *Baltei*, *locum* occuparint. Nec tamen diu *Balteorum* *nomen* retinere *Zonæ*, quum apud paullo seriores Scriptores *Zonarum Cingulorumque* nomina, quum de his *superfemoralibus* agitur *Zonis*, multo frequentiora sint quam *Balteorum*. Revixit tamen apud *seros Posteris* eodem, quo apud *Veteres*, *munere & loco Balteus superhumeralis*, abolitis *Sagis* aliisque omnibus *Veteris* *Disciplinæ Romanæ Militaris* vocabulis *Technicis*. Difficile autem esse fateor *tempus* accurate designare quo *primum* coeperint *Artificis* nostri *Saga femoralia* cum *gladiis succinctis* potius quam *accinctis*. Et tamen *Opifice* tuo *æta-teque* illi à Nobis assignata *antiquiora* fuisse docent quæ Nos hætenus obiter protulimus. *Hac* autem saltem *ætate*, quum in *Urbem* ingrederetur *Vitellius*, manifestum est. Sic enim de illius introitu *Suetonius*: *Introiit*, inquit, *paludatus, ferroque succinctus, inter Signa atque Vexilla, Sagulatis comitibus, ac detectis commilitonum armis.* vit. Vitell. c. XI. *Succinctura* illa nisi de illa quæ *sub Sago femorali* erat *cinctura* intelligi vix potest. Non certe de eâ quæ à *superhumeralis Baltei* cinctura pendebat, quanquam etiam illa ab *Imperiali Paludamento* occultaretur. *Detecta* autem *commilitonum arma* ex illo *Centurionis* exemplo intelligimus, qui, in ipso *Senatu*, quum de *Consulatu Augusto* concedendo dubitaretur, *detraçto Sagulo gladii capulum* ostendit, interminatus ni *Senatus Augusto Consulatum* decrevisset, *gladio* ipsum, quantumlibet *invitis* qui repugnabant, extorturum. Simile habemus exemplum in *Cæcina* duce *Vitelliano*. De quo



quo verba *Taciti* hæc sunt: *Ornatum ipsius mancipia & coloniae in superbiam trahebant, quod versicolore Sagulo, braccas tegmen Barbarum indutus, togatos alloqueretur.* Hist. II. 20. In eo erat *superbiae* nota, quod *Sagulum* χειρῶν, manuleatum utique non *Romanum*, bracca texerit non *Romana*, sed *Barbara*, & quod *sagatus* ipse *togatos* alloqueretur. *Armatus* scilicet habitu *Pacis* indutos. *Femur* ergo texit *Sagulum* pariter ac *Gallorum braccæ*, à quibus hodiernum *femoralium* nomen emanasse creditur. Saltem *pars illa Saguli* quæ *gladio inferior* erat. *Gladio* enim evaginando incommodum fuisset si partem *Saguli* texisset etiam *superiorem*.

Et quidem *Saguli* forma quæ in tua hac apparet *Parma*, omnium, ni fallor, ejusmodi *Sagulorum*, quæ ad partes ventre *inferiores* spectabant, *simplicissima* erat, ut proinde etiam *anti-quissimam* credi fas sit. *Plinius* de *Druidum* visco: *Sacerdos candida veste cultus arborem scandit. Falce aurea demetit. Candido id excipitur Sago.* Nat. Hist. XVI. 44. Non possunt hæc nisi de *inferiori Sago* commodè intelligi, quo excipiendus fuerit viscus ab arbore demessus. *Zonam* hîc *Sago* superimpositam nullam videmus. Nec proinde *pugionem Parazonium*, qui in illa *superiori Zona* locum omnibus patentem habebat, nec adeo *receptus* fuisse videtur antea quam *superiorem Sago* locum *Zona* occupasset. *Latet* autem sub *Sago Zona*, in tua *Parma*, pro horum temporum, ut jam vidimus, exemplo, ut *gladius Zone* annexus similiter latebat. Et *Pugiones Gladiis* recentiores agnoscit *Lipsius*, quum nulla *Pugionum* apud *vetustiores* hac tua *Parma* Scriptores extet mentio, quæ tamen apud *recentiores* frequentissima est. His enim *Zonis exuere* tantundem valebat ac *Militia exuere*, etiam *Palatina*. Hujus *Zonæ* figuram, supra *Sagum* cinctæ, cum *Parazonio* exhibet *Tabula à Ferrario* descripta Part II. L. III. c. 8. in qua *Paludamentum Imperatorium* ita humero superjectum est ut nec *Loricam* nec *Sagulum* abscondat, nec ullum prorsus cum *Sagulo* nexum habeat. Et tamen hunc ipsum *Pugionem*, in *signe Potestatis*, uti mos erat, dedit *Trajanus*, teste probo *Au-*

36.  
Alia ad eandem An-  
tiquitatem afferendam  
Argumenta.

*relio illo Victore qui ſcripſit de Cæſaribus. Mos ille,*  
*qui ſub Trajano moris appellationem obtinuit, poſt tuum*  
*Artificem cœperit neceſſe eſt, qui ne quidem Zonas Sa-*  
*gulis ſuperiores agnovit, quibus illi inferebantur Pugi-*  
*ones. Ne quidem in primaria dignitatis Dictatore. Nec*  
*enim in aliis mos ille obtinuiſſe videtur qui cœpit ante*  
*Trajanum. Inde intelligimus Trajano aliquanto antiqui-*  
*orem fuiſſe tui monumenti Opificem. Παρμαίων* autem  
*idem dicitur fuiſſe Pugio. Inde etiam intelligimus fe-*  
*mori propinquum fuiſſe, qui Sagulo imminebat, quod*  
*femur texerit. Et unius plicaturæ ſunt Parmæ tuæ Sa-*  
*gula, etiam in ſummæ dignitatis Ducibus. Quod tamen*  
*brevi poſtea immutatum eſt. Sed poſt tempora Hadriani*  
*in cujus Nummis ſimplices tantummodo reperimus pli-*  
*caturas. Pro exemplo Nummorum plerorumque Conſula-*  
*rium. Alibi duplices occurrunt. Sic tamen ut earum*  
*infima ultra genua non pertigerit, qui tunicarum viri-*  
*lium infimus erat modus. Recte admodum, quum Tu-*  
*nicæ Loricatæ, non autem Chlamydis; appendix fuerit*  
*Sagulum, ut ex aliis apparet, præter tuum, monumentis.*  
*In prædicta certe Imperatoris Paludati effigie Ferrari-*  
*ana Paludamentum fibula dextro humero affigitur, veſti-*  
*mentis aliis omnibus ſuperinjectum, non Sagulo tantum-*  
*modo duplici, verumetiam Loricæ. Sic tamen ut nec*  
*cum Lorica, nec cum Sagulo nexum aliquem habeat,*  
*ut cum Sagochlamyde affine quippiam habere videat-*  
*tur. Inde colligimus Principis fuiſſe tua quidem Par-*  
*ma junioris, antiquioris tamen Sagochlamydibus. Qui*  
*nempe Pugionem habuerit Parazonium, nullo interim*  
*inſtructus Gladio, niſi forte gladio munitum arbitremur*  
*qui ſub Sagulo latuerit. Sed Gladius, potius quam Pu-*  
*gio, in inſigne honoris deligendus erat, ſiquem geſſiſſent*  
*in propatulo Gladium, ut gerebant Pugionem, etiam extra*  
*Proelium. Sed & aliud eſt præterea inter Parmæ tuæ*  
*Sagula & Principis vel Ducis Ferrarienſis Sagulum diſ-*  
*crimen, quo Parmæ tuæ Antiquitas, præ Principe illo,*  
*quicunque demum is fuerit, major aſſeratur. In Parma*  
*tua Sagula continua ſunt, & ſimbriis ſuperne & inferne*  
*invicem connexa, ut explicata oneribus, quæcunque ne-*  
ceſſaria



cessaria videbantur, excipiendis sufficerent. Inde *ludus* ille lascivientium in *Pace* virorum *Militarium*, nocte vagantium, qui *obvios* quosque, seu *invalidos*, seu *potulentos* *sagis* suis impositos in *sublime* jactabant. Quod quidem tui *Artificis ætate* à nobis designata receptum est. Inde illud *Martialis* :

*Ibis ab excusso missus in astra Sago.* L. I. Ep. IV. 8. Ita ille sub *Domitiano*. Cœpit autem ante *Domitianum* idem ille *ludus*. Observatus ab ipso, uti fertur, *Nerone*. *Neronis* tamen *Imperio* antiquior. Similiter enim lusit *Adolescens Otho* Suet. vit. c. 2. cujus *Adolescentia* in *Claudii* Imperium incidit, antea quam *Nero* Imperium adipisceretur. Conveniunt etiam cum tuæ *Parmæ Sagulis* *Sagula* in *Nummis Hadriani*. Contra *Sagulum Imperatoris Ferrariani* in *lacinias* finditur, quarum singulæ proprias sibi annexas habent *Appendiculas*. Ineptum proinde admodum jactandis in *astra* hominibus. Quantum porro distat *Parmæ tuæ Lorica* à *Thoracomacho* *Libelli de Rebus Bellicis*, qui *Notitiæ Imperii* utriusque subjungi solet, utpote sub eodem *Theodosii junioris* & *Valentiniani III.* Imperio confecti? *Vestimenti* genus appellat quod de *coactili* ad *mensuram* & *tutelam* *pe-ctoris humani* conficitur, de *mollibus lanis* *timoris sollicitudo solertiâ Magistrâ* composuit. Hæc tua est *Lorica* quam providæ *Posteritatis Antiquitati* tribuit. Omissis tamen *hamis* & *squamis*, inutilibus profecto, quum alia, super hanc *Loricam*, *Lorica* vel *Clibanus* induceretur. Sequitur enim: ut hoc inducta *Lorica* vel *Clibanus*, aut his similia, *fragilitatem corporis*, *ponderis asperitate*, non læderent: *membra quoque vestientis inter armorum hyemisque discrimen*, *tali solatio adjuta*, *labori sufficiant*. Hæc inventa postea quam telis *gravioribus* repellendis *Loricas* veteres è *lana* tantummodo *coactili* confectas cum *hamis* & *squamis* non sufficere experti essent. Hoc vidit tui *Artificis ætate Galba*, nondum inducta *Lorica Metallica*. Agnovit & *Pausanias*, qui sub *Marco* scripsit *Antonino* Philosopho. Inde inducta primum *Lorica Metallica*, tum deinde *Clibanus*, & alia illis similia. E tot inter *Loricam* & *Thoracomachum* gradibus facile colli-

gimus ne quidem breve temporis fuisse spatium quod inter utrumque fluxerit. Secundus autem post *Loricam Metallicam* gradus *Clibani* memoratur, qui tertio post *Christum* Seculo etiam apud *Romanos* obtinebat. Certe sub *Aureliano*, teste in illius vita *Vopisco* c. 14. Sic item antea, Imperante *Valeriano*, ut ex ipsius Epistola ad *Aurelianium* data constat vit. *Aurelian.* c. 11. quo loco *Cataphractarios* memorat etiam *Equites*. Etiam ante *Valerianum*. Imperante *Decio*. Sic enim habent verba *Decii* de *Claudio*, in Ep. ad *Messalam*, referente *Trebellio Polione* in vita *Claudii*: *Dabis &c. ex Cataphractariis centum, ex Equitibus centum & sexaginta* c. 16. Quo loco *Cataphractarii Equitibus* opponi videntur. Reponit ergo *Salmasius* è superiori loco, quo *Equitum Cataphractariorum* fit mentio, hoc etiam in loco: *ex Cataphractariis Equitibus centum & sexaginta*. Sed nihil est necesse, quum potuerint ex utroque Militum genere alii fuisse *Cataphractarii*, quibus *sumptus* suppetebat, dum *Sociis* deessent, propter inopiam, *Cataphractæ*. Sic enim, *Cæsaris* ætate, *Centuriones* non omnes *Loricatos* fuisse vidimus. Sic item scribit, ante *Decium*, *Alexander Severus*: *Centum & viginti millia Equitum fudimus; Cataphractarios, quos illi Clibanarios vocant, decem millia in Bello interemimus, eorumque armis nostros armavimus*. *Lamprid.* in vit. *Alex.* c. 56. Quo etiam ex loco non omnes *Equites Cataphractarios* fuisse colligimus. Uti non apud *Persas*, ita ne quidem apud *Romanos*. Aliter nulli fuissent apud *Romanos*, qui *spoliis* ex hoste captis armarentur. Nec tamen *alienas* fuisse à *Romanorum* moribus *Cataphractas* inde etiam constat, quod hostium *exuvias* in usus suos victores converterint *Romani*. Illud præterea ex hoc loco intelligimus, qui *Clibanarii* erant *Anonymo* Auctori, eosdem fuisse *Cataphractarios*. Ut proinde, quo tempore *Cataphractas* induebant, eodem *Loricas Metallicas* exuerint *Romani*. Et tamen alium gradum *Cataphractis* ipsis, seu *Clibanariis*, recentiore ad *Thoracomachi* sui usum inventum recenset idem *Anonymus*: *Sane, inquit, ne idem Thoracomachus pluviis verberatus ingravescente pondere adficiat vestientem,*



vestientem, de Libycis bene confectis pellibus ad instar ejusdem Thoracomachi faciem conveniet superinducere. Hoc tamen quasi proprium inventum, nec adhuc in usum receptum, innuit vox conveniet. Cataphractarum autem in Occidente omistarum tempus accuratius designavit Anonymo coævus Vegetius. Temporibus enim tribuit Gratiani, quod intermissis campestribus in armis decurrendi exercitiis, ipsis Militibus postulantibus, quod gravia jam viderentur propter exercitia intermissa, delicatioribus, Cataphractarum indulgentia primum, tum deinde Galearum concessa sit. Tribuitque huic mollietiei secutas clades L. I. c. 20. In Oriente tamen Cataphractarum usum adhuc obtinuisse ex Anonymi Thoracomacho facile colligimus. Utcunque tamen in Pedites tantummodo hanc novitatem agnoscit Vegetius. Arma autem Equitum Gothorum, Alanorum Hunnorumque exemplo profecisse idem opinabatur Vegetius. Innuens profecto novatam esse suo tempore Equitum armaturam, sed, ipso arbitro, in melius. His ergo Gratiani temporibus Parmæ tuæ antiquior erat Artifex. Verum, ut ad Cataphractas redeamus, quas Urbi Conditæ coævas arbitrabatur, sed perperam, Vegetius; etiam ante Alexandri Severi tempora, quousque Cataphractarum Historiam modo deduximus, in Loricarum usu novatum est. Prætorianis enim Militibus Thoraces squamatos, & Scuta imbricata, abstulerat Macrinus, quo faceret ad pugnam expeditiores, teste Xiphilini Dione. Et ante Macrinum, tunicas manicatas, ad Loricæ formam quodammodo factas, induerat Caracalla, ut absque armorum pondere, tamen esse videretur armatus, eodem teste Dione Xiphilino. Ita Imperio Romano vel labascente multo antiquior tuus fuerit Artifex. Qui autem tot Consuetudinum vigentis Imperii, extincto Imperio, vestigia quaesierit in alio quoque vigentis Barbariei, moresque suos in Romanorum morum locum sufficientis, operam certe ludet.

Descen-



37.

*Caligatorum* nomen Militibus infimi ordinis, propria quadam Consuetudine, attribui solebat. Non tamen propterea negandum quin aliis quoque Militibus fuerint, pro sua cujusque dignitate, *Caliga*.

Descendamus jam porro ad Equitum *genua*, quo loco Sagorum *finem* posuimus. Inde rursus *nuda* occurrunt *crura* ad *tibiam* usque *mediam*. Et quidem in tua *Parma* videmus *calceum* illum, qui à *Milite* Equestri usurpabatur, à *tibia media* incepisse. Ita quidem ut *tibiaram* partem *reliquam* cum *pedibus* texerit, *nudis* relictis *pedum* tantummodo *digitis*. Hinc ergo colligimus *caligam* fuisse qualis *Equitibus* rem gerentibus, pro *Seculo*, quo tuus vixit Artifex, in usu receptus fuit. Adeo tamen *varius* erat ejusdem *caligæ* incertusque usus, ut rem *dubiam* Eruditis recentioribus *fecerit*. Pugnât ergo *Nigronus* *caligas* non ultra *pedum talos* pertigisse, quod *calceis* *caligas* Veteres accensuerint. Censet enim *calceos* nullos *pedum talos* excessisse. Infirmo prorsus Argumento. Quasi vero inter *calceos* nullum prorsus fuisset *discrimen*, quod tamen ipse *aliis* Veterum *Testimoniis* evictus agnoscit. Et *veterum* testimoniis firmare conatur *tuo* monumento *recentioribus*, non *Ethnicis* modo, verumetiam *Christianis*. Quasi etiam tot *Seclorum* decursu nihil fuisset, seu in *caligarum*, seu in *calceorum*, usu novatum. Sed vel ex hac ipsa, quæ in *Parma* tua repræsentatur, *caliga*, tui monumenti *Antiquitas*, ni fallor, evincetur, si *temporum morumque*, pro *Temporum* ratione *diversorum*, rationem, ea, qua par erat, *ἀνελέει* internovisset. Non me quidem fugit *caligatorum* nomine *manipularios*, seu *gregarios milites* fuisse designatos. Sic observavit *Suetonius Augustum* honores militares, *quam parcissime*, & *sine ambitione*, ac sæpe *caligatis* tribuisse. vit. c. 25.4. Sic item *Vitellium* tota via *caligatorum* quosque *militum* obvios exosculatum, vit. c. 7. 6. Sic etiam *Seneca Marium* *caligam* dimisisse, *Consulatum* exercuisse, de brev. vit. c. 17. Et alibi *ad Consulatum* à *caliga* perductum. L. V. de Benef. c. 16. Sic de *Ventidio Basso* *Plinius*, plurimos *juventam inopem* in *caliga* tolerasse Auctores fuisse. Nat. Hist. L. VII. c. 43. Sic C. *Oppium* omnibus officiis in *caliga* functum Inscriptio *Gruteriana* testatur. 445. 9. Et alibi *numerus Militum caligatorum* memoratur. 279. 3. Et *Militiæ* etiam



etiam *caligatæ* apud *Tertullianum* de *Idololatria*, c. 19. Mitto quæ ad hunc *Tertulliani* locum congeffit *Pamelius* è *junioribus* tuæ *Parmæ* Seculo *Juristis*. Propius ad causam facit, quod ab hac ipsa *Manipularis Militiæ caliga* cognomen acceperit *Caligulæ Princeps* ipse *Caius*, quod in *castris* editus fuisset in lucem, & *caliga*, vel potius, quæ *ætati* illius *Infantili* conveniebat, *Caligula* aliquantisper usus. Et ne quidem *alia caligæ forma*, quam quæ *communis* fuerit cum *Militibus gregalibus*. Sic in *contubernio Legionum eductum* observavit *Tacitus* *Annal.* I. 41. Ac si fuisset *gregalium Militum contubernalis*. Nempe quia plerumque ad concilianda vulgi studia eo tegmine pedum induebatur. *Vulgarium* ergo *Militum caliga* erat qua induebatur *Caligula*. Et hoc matris *Agrippinæ* ambitioni imputabat proinde *Tiberius*, quod filium Ducis gregali habitu circumtulit. c. 69. Eiusdem nimirum *Militiæ caligatæ* quam *Militiæ*, quæ inter dignitatem & potestatem est, opponit *Tertullianus* de *Idololatr.* c. 19. Quod scilicet gratiam illam tanquam rariorem in *Augusto* observarit *Suetonius*, quod honores *Militares militibus* distribuerit etiam *caligatis*, ut jam supra monuimus. *Manipularius* is habitus appellatur à *Suetonio* *Caligul.* c. 9. Inde imminuta *Natalium Majestas* credebatur à *Tiberio*, quod non sui ordinis *calceum* delegerit, à quo cognominandus fuerit, sed *Militis infimi* ad *Vulgi Militaris* favorem conciliandum. Inde consilium *Manipularium S. Antonio & Fulviæ* datum *Βουλῆς καλιγῶντος* appellatione irridebatur, ab *Antonio* ipso & *Fulvia*, de *Pace* cum *Augusto* ineunda, teste *Dione*. Ut nempe *summa imis* in illo lepido *Senatu* immista fuisse significarent. Hi sunt nimirum quos *Lex caligatorum* nomine designabat, fatente ipso *Legislatore Justiniano* *Magno*, *Novell.* 74. collat. 4. in *Authent.* Ideone *caligas* reliquis præterquam *Manipularibus Militibus* negabunt, vel *calceorum* genus suæ dignitati magis decorum, *Militiæ* tamen, non *domi*, & inter *cives Romanos*, usurpandum? Quid ergo Respondebunt *Ciceroni* de suo in *Urbem reditu* ita loquenti: *primum*, inquit, *luce*, non *tenebris*: deinde cum *calceis* & *toga*, *nullis nec caligis*,  
nec

*nec lacerna.* Contra omnia, quam quum de caussa agit *Antonii*: Quum consulatus petebatur, non rogabatur, ... cum caligis & lacerna, inquit, cucurristi. Philipp. II. *Pacis Bellique* habitum hîc describit, à *Romanis*, quum extra portas *Urbis Romanæ* vel *Coloniarum* versarentur, usurpandum, ita viceversa quum portas easdem ingrederentur, exuendum. Quem ergo locum habebant in *Urbe* ipsa, interque *Cives*, *Toga* & *Calceus*, eundem tenuerint oportet extra *Urbem* *Lacerna* & *Caliga*. Exuendæ utique quum in *patriam domumque* reverterentur. Non me quidem fugit, pro *Caligis Gallicas* utrobique reponi ab *Eruditis*, contra *Manuscriptorum* hodiernorum fidem, & quidem Auctore *Gellio* Noct. Attic. XIII. 21. Fieri quidem potest ut vox *Gallica* pro *Crepidulis nova* fuerit ætate *Ciceronis*, ut censet ipse *Gellius*. Non equidem quod *Carminis Tertulliani* nomine, nullo suo merito, insigniti, rationem habendam existimem, seu *metrum* faveret, seu *minus*. Potior apud me ratio est, quod *caligæ* nomen usurparit antiquior *Cicerone* *Cato*. Et quod *Ciceronis* *Libros* ab ipso *Cicerone*, vel liberto ejus *Tyrone*, emendatos attigerit, ni fallor, ipse *Gellius*. Utcunque tamen nomen tantummodo *calcei Militaris* dubium faciet illa qualiscunque *Lectiōis* varietas. De re ipsa certum est duobus hisce *Senatorii Ordinis Militibus* suos fuisse *calceos Militares*, quum *Civium* commercio fruerentur, exuendos, seu *Gallicæ* illi, seu potius *Caligæ*, fuerint appellandi. Ipsam tamen *Caligæ* vocem in *primariæ* dignitatis viris *Ciceroni* minime displicuisse, testem do ipsum *Ciceronem*. Sic enim ille Ep. ad Attic. L. II. Ep. 3. *Epicratem suspicor, ut scribis, lascivum fuisse. Etenim mihi caligæ ejus, ut fasciæ cretatæ non placebant.* Magnum hîc *Pompejum* perstringit sub *Epicratis* nomine, propter magnam illius in *Rep. Romana* potentiam. *Caligas* illius, pariter ut *fascias, cretatas* observamus, quamvis è *fasciis* solis, propter colorem *fasciis* inductum, *Regni affectati* suspicionem moverit *Favonius* apud *Valerium Maxim.* L. VI. c. 2. Exempl. *Rom.* 7. Cur ita fecerit, vid. *Alexandrum* ab *Alexandro* Gen. Dier. L. I. c. 28. Rectene, an secus, impræsentiarum non moramur. *Invidia* tribuit

*Ammi-*



*Ammianus Marcellinus* L. XVII. c. 11, Nullam autem in hoc *Ciceronis* loco de voce *caligæ* suspensionem movent Codices MSS. Contra vocem *Gallicæ*, quæ *Gellii* ætate recepta est, *Ciceronis* ætate novam agnoscit ipse *Gellius*. Cur itaque voce nova, potius quam recepta, rem eandem designaret *Cicero*, ratio erat plane nulla, MSS. præsertim *Ciceronis* omnibus refragantibus. Nec sane solet *Cicero*, nec *Critici* verborum aucupes, verba nova sine veniæ præfatione adhibere. Unde tamen vel novam fuisse *Gallicæ* vocem conficiet, seu *Gellius* ipse, seu *Castricius*, ætate *Ciceronis*? Unde vel ullam? Alium profecto nullum, seu coævum, seu propinquum ætati *Ciceronis* Auctorem advocant qui vocem illam usutpaverit, ne quidem venia petita. Et ne quidem *Gellium* Auctorem habent aliter legendum quam *Caligam* seu in *Epistola* ad *Atticum*, seu in hac ipsa *Philippica*, quo loco de sua causa ipse agit Orator. Audentiores ergo sunt, quam oportebat, hodierni *Critici*, qui ex uno, per memoriam advocato, *Ciceronis* loco, duos ejusdem Oratoris locos emendandos censent. Præsertim quum de hoc ipso saltem *Ciceronis* loco Codicem *Ciceronis* nullum à se consultum fuisse innuat, seu *Castricius*, seu ipse *Gellius*. Sic autem in memoriter Veterum Testimonia advocasse, quavis occasione data, Seculorum illorum florentissimorum Auctores, è *Seneca* constat atque *Athenæo*. *Caliga* ergo fuerit ætate *Ciceronis* pedis tegmen, etiam *Senatorium Militare*, quæ *Gallicæ* potius nomine veniebat quum *Gelliana* illa peroraret *Castricius*, Imperante *Hadriano*. Inde facile intelligimus cur *Caligatorum* nomen infimo Militum *Manipularium* ordini adhæserit. Vocis tantummodo ejusdem usu immutato. Quod scilicet his, in quibus modus ille loquendi obtinebat, temporibus exoleverat nomen *Caligæ* ipsum, quoties de *Militibus* ageretur plusquam *Gregalibus*; *Caligæ* autem simpliciter ita appellatæ nomine non aliquid intelligenda veniret, præterquam *Manipularium Caliga*. Quod tamen non ita accipiendum est quasi nullum fuisset inter *Nobiliore*s *Ignobiliore*sque in re ipsa discrimen. Verum ita ut *Caligæ* forma ignobilissima proprium sibi *Caligæ* nomen, è *Vulgi* usu, vendicarit,



38.  
Cur *Caligatorum* nomine Milites *infimi* intelligerentur, causa fuisse videtur, quod nova interim nomina *Nobiliorum Caligis* attribuerentur, *Gallicarum*, *Solearum*, *Crepidarum*.

Nomen ergo unum dedimus, quo insigniebantur apud paullo juniores, *Caligæ* nomine abolito, *Nobiliorum* Militum calcei *Militares*. *Militares* enim illas fuisse *Caligas Senatorias*, ex illo ipso Argumento colligitur, quod non fuerint *domi*, interque *cives*, usurpandæ, de quibus egit in *Philippica* II. *Cicero*. Proinde *Militares* etiam fuerint oportet, quos in Discipulis suis *Senatoriis* redarguebat *Castricius*, si quidem recte locum illum Viri eloquentissimi ad illorum *Gallicas* retulerit. Et quidem similem fuisse Senatorum *Ciceronianorum* *Gellianorumque* causam verba ipsa *Gelliana* satis aperte innuunt. Reprehendebat in Discipulis suis *Castricius*, etiam die feriato, in Urbe tamen celebrando, *tunicas & lacernas*. *Tunicarum* nomine *Loricas*, ut opinor, intelligens, quas *Tunicas* fuisse jam probavimus. Sic enim de *Augusti* vestitu hyemali *Suetonius*: *Hyeme quaternis cum pingui Toga Tunicis, & subucula & thorace laneo, & feminalibus & tibialibus muniebatur*. vit. c. 82. *Thorax* ille laneus vix alius esse potuit quam *Lorica*, cui tamen *Togam Pacis* habitum superinduebat *Augustus*. *Lacernas* vero illas *Gellianas* *Togæ* ipsi opponit *Castricius*. *Equidem maluissem*, inquit, *vos togatos esse*. *Pigitum est, cinctos saltem & penulatos*. Qui *Pacis* habitus fuisse videtur, Imperante *Hadriano*, redeuntibus à *Militia* induendus. Sed *exuendæ lacernæ* in Urbe morem neglectum, imo retinendæ, multo jam usu ignoscibilem agnoscit ipse *Castricius*. *Soleatos tamen Populi Romani Senatores per Urbis vias ingredi nequaquam decorum esse pronunciat*. Ut proinde *soleas*, quas appellat, in Urbe retinendi, ne tum quidem mos obtinuerit. Proinde ad habitum *Militarem* illæ quoque spectabant, de quibus loquitur, *Soleæ*. Nempe *Soleæ* nomine omnia ferme id genus complexus, quibus plantarum calces tantum infimæ tegebantur, cetera prope nuda & teretibus habenis vincta. Has nonnunquam voce *Græca Crepidulas* appellatas fatetur ibidem *Gellius*. Recte quidem ille. Est enim & *Crepida* aliud *Militaris Caligæ* nomen. Et quidem ea significationis latitudine quæ *Caligam* nobiliorem



biliozem ignobilioremque complectebatur. Nobiliori hoc ipso in loco tribuitur à Gellio. *Caligam* autem etiam *clavatam* eodem *crepidæ* vocabulo designavit *Valerius Maximus*, qui scripsit etiamnum Imperante *Tiberio*. Victo enim *Antiocho Magno*, Argenti Aurique tantum in spoliis reppererunt Romani, ut etiam gregarii Milites caligas auro figerent, proculcarentque materiam cujus amore Populi ferro dimicant. Verba sunt illius *Justini* qui *Trogum* in Epitomen redegit L. XXXVIII. c. 10. Ad eandem Historiam sic alludit *Valerius*, ut pro *Caligis* reposuerit *Crepidæ*; & pro auro figere, magna ex parte aureos clavos *Crepidæ* subicere. L. I. c. 1. E quibus invicem collatis manifestum est, *Crepidæ Valerianæ* voce gregariorum quoque *Militum caligas* venire, etiam *clavatas*, quibus suppositi clavi aurei etiam proculcarentur. Sic *Crepidæ Pallio* junctas observavimus in caussis *Scipionis Africani* majoris & *Germanici* supra allatis. *Paludamentum Imperatorum* insigne fuisse probavit *Ferrarius* de R. Vestiar. *Pallium* certe *Alexandriæ* gestum cum *Romana Toga* confert *Cicero* pro *Rabirio*. Certe cum *Chlamyde* idem facit *Ferrarius* P. II. L. III. c. 4. Et tamen L. *Scipionem* ejusdem *Africani* fratrem non *Chlamydatum* tantummodo verum etiam *Crepidatum* statua in *Capitolio* posita repræsentatum docet *Valerius Maximus* L. III. c. 6. Exempl. 2. Hos omnes Imperatores fuisse constat. Idem quoque de *L. Cornelio Sylla*, etiam quum *Imperator* esset, idem observavit *Valerius* Exempl. 3. Proinde ad habitum *Imperatorium* spectabant etiam *Crepidæ*. In his tamen omnibus aliquid singulare fuisse iidem qui *Facta* retulerunt, observant Historici. In *Scipione Africano* *Livius*, in *Germanico*, qui illum imitabatur, *Tacitus*, in reliquis ipse *Valerius*. Non tamen docuerunt quid illud fuerit singulare, sed nec illorum, quod quidem observaverim, Commentatores. Non erit igitur ingratum, si hoc ipse observavero, facile tamen, si quid ipse in re tam difficili impegero, ut spero, corrigendus. *Cincturam* in *Pallio* à *Romano* more alienam docet *Petronius*. Et quidem hanc *cincturam Penulæ* addendam *Senatores* suos monuit *Castricius*, si quidem ha-



bitum vere *Civilem*, & pro *Urbis* more congruum, dum per *Urbis* vias ingrederentur, gestare vellent. In *Crepidis* vero quid erat, inquires, *singulare*? Hoc, inquam, quod in *Senatoribus* suis repreliendebat *Castricius*, quod plantarum *calces* tantum *infimæ* his *Gallicis* seu *Gelliani* Seculi *Caligis* tegerentur, cetera *prope nuda* & *teretibus habenis* *vinctæ* essent. Has enim *easdem* fuisse docet *Castricius* quæ *Græca* voce *Crepidulæ* appellarentur. Hoc item *Germanico* probro datum innuit *Tacitus*, quod *Alexandriæ* pedibus *intectis* incesse- rit, & pari cum *Græcis* amictu. Addit præterea: *Publii Scipionis æmulatione, quem eadem fecitavisse apud Siciliam, quamvis flagrantem adhuc Pænorum Bello accepimus*. L. II. Ann. c. 59. Hinc eandem *causam* fuisse discimus, cur reprehensus fuerit à suis *Romæ* æmulis major ille *Scipio*. Reticet quidem *Livius*. Non tamen est cur proinde de *facto* ullatenus dubitemus. Hoc etiam didicerat ex aliis bonæ fidei *Historicis Tacitus*. Didicerat *Livio* vix *ætate* dispar *Germanicus*.

39.  
Caligæ forma, quæ in  
Parma Equitibus con-  
spicitur, ad antiquis-  
simam Caligæ Nobilio-  
rum formam proxime  
æquedit. Antiquior et-  
iam Campagis.

Atque hinc invictum, nisi fallimur, Argu-  
mentum, pro tuæ *Parmae Antiquitate*, lucrabi-  
mur. Est enim *antiquissima crepidæ Militaris*  
forma quam in tui Monumenti *Equitibus* in-  
tuemur. Certe antiquior *Hadriano*, novisque il-  
lis moribus *Senatorum* suorum à *Castricio* sub  
*Hadriano* reprehensis; in quibus ne quidem *multum*  
*usum* agnoscere videtur ideam reprehensor. Sic loquitur  
quasi *nupera* admodum memoria novus ille *Gallicarum*  
usus irrepsisset. Tantum abest ut *vocis*, qua tum appel-  
labatur, usus *Ciceroni* vel *novus* esse potuerit. Antiquior  
item *retiaris* illis, ut appellabat *Gallienus*, calceis, qui  
in Marmoribus conspiciuntur hoc tui Artificis Seculo  
paullo recentioribus. *Habena* enim *Gellianæ teretes*  
eandem fuisse videntur cum *corrigiis* & *vinculis* & *obstri-*  
*gillis* quæ *Pedum* partem longe *maximam intectam* re-  
liquerint. Antiquior, inquam, apud *Romanos*, *Disciplinæ*  
*patriæ Civilis*, pariter atque *Militaris*, observantissimos.  
*Pedum* pars superior in *Equitibus* tuis *nuda* est. Accu-  
ratissime, pro *majorum* *Disciplina* tum quoque recepta  
quum



quum tuus Artifex hoc tam insigne monumentum excuderet. Distinguit manifeste *Cicero fasciarum* locum in *Pompeio* à loco *Caligarum*, quamvis in utroque *colorem cretatum* improbarit. Propter illam, ut videtur, affectati *Regni* suspicionem, è *colore* illo collectam, ut jam observarunt Viri Eruditi. Eo spectabant verba *Favonii* de *Diademate*, ad *fascias* proculdubio referenda, à quibus *Coronæ* nomen *Diadematum* traxerunt, quod fasciis istiusmodi *Coronas* Regum capitibus revinciri mos erat. Non itaque *color* tantummodo, verumetiam ipsæ quoque *fasciæ* suspitione illa impetebantur, quod *Diadematis* nomen, qua voce usus est *Favonius*, *Fasciæ* aptius conveniat, quam *Coronæ* à *Fascia* revinctæ. In *Caligis* ejusdem *Pompeji* nihil habebat prorsus quod cavillaretur *Favonius*. Et ne quidem ipse *Cicero*, præter ipsum *colorem*, qua etiam *color* ipse faciebat ad suspicionem *Regni* à *Pompeio* affectati, ut jam ostendimus, qua etiam *color* ille *Civilis* non erat, fueritque adeo à *Pompeio*, ut videbatur, affectatus. *Mullei* enim erant, non *Albi*, *calcei* eorum qui *Magistratum Curulem* ceperant, ut Nos docet *Festus* è *Catonis Originum* L. VII. Quo quidem ordine erat *Pompeius* quum *Cicero* *colorem* illum *Pompeio* exprobraret. Et quidem *Crotaceus* ille *Crepidæ* color, *Græcæ* erat, non *Romanæ* *Crepidæ*. Sic enim *Tertullianus*: *Crepidæ cretatæ Græcatim Æsculapio adulantur*, de Pall. c. 4. Sic itaque intelligendus de *Tiberio Suetonius*, quum alienas à patrio habitu *cripidas* facit. vit. *Tiber.* c. 13. Uti etiam *Persius* Sat. I. v, 127. *Calceos* autem, *Ciceroni* *Caligas*, ad *Tibias* usque pertigisse docet è *Titinio*, veteri Auctore, idem *Festus*, cujus verba illa advocavit: *Jam cum Mulleis te ostendisti quos tibiatis in calceos*. *Nuda* ergo erat, pro *Romanorum* more, pars illa *Cruris* *Tibia superior*, quam, contra morem à *Civilibus* suis receptum, *fasciis* texerat *Pompeius*. Plane, ut in tuo videmus monumento. Idem probat Auctor monumento tuo coævus gravissimus *Quintilianus*. Verba sunt illius in hanc sententiam disertissima: *Fascias quibus crura vestiuntur, &c. sola excusare potest valetudo*, Inst. L. XI. c. 3, p. 544. Edit. Oxon. Si quidem *Pace*,  
nisi



nisi exigente *valetudine*, non fuerit ferendum, multo minus in *Militia* in viro forti ad rem gerendam expediendo fuerit excusandum. Eodem spectant & *Horatiana* illa: L. II. Sat. III. v. 274, 275.

———— ponas insignia morbi

*Fasciolas* —————

Recte ergo *Varro* apud *Nonium* sibi puero sine fasciis calceamentum fuisse scribit. Unde discimus *Pueris* pariter ac *ægotantibus* indulgeri solitas, *Varrone* puero, quas tamen ipse generosæ pariter ac severæ præter *ætatem* indolis spreverit. *Fasciæ* hæ non aliæ erant quam *Crurales*, quæ eodem in loco desinebant quo incipiebant calceamenta, nimirum in *tibia*, ut è *Cicerone* modo vidimus. Eousque pertigisse nobiliorum calceos docet *Horatius*: L. I. Sat. VI. v. 27, 28.

*Nam ut quisque insanus nigris medium impedit crus Pellibus, & latum demisit pectore clavum.*

*Mulleus* hic fuisse videtur nobiliorum calceus à *Festo* descriptus, quem *nigrum* fuisse testatur hoc in loco Poëta *Venusinus*. Quid ergo dicemus veteri *Juvenalis* Scholiastæ? *Illo*, inquit, tempore necdum *Senatores nigris calceis utebantur*. ad *Juvenal.* Sat. I. Loquitur de tempore *Juvenalis*, quum tamen ab ipso *Augusti* Imperio ipsum illum colorem in *Senatorum* calceis usurpatum fuisse ex hoc *Horatii* loco constet. Innuit autem  *suo ipsius Scholiastæ* tempore, colorem eundem *nigrum* in eundem, qui prius invaluerat, usum quasi è postliminio fuisse revocatum. Inde intelligimus quam frequens fuerit coloris in calceis *Nobilium* mutatio, medio illo tempore quod fluxit ab *Horatio* ad *junio*rem illum *Juvenali* ipso *Scholastem*. Imo *Juvenalis* quoque tempore, qui scripsit, ut in *Annalibus* probavimus *Quinctilianis*, sub *Hadriano*, alium nihilominus invaluisse, ab eo qui olim fuerit, in *iisdem* calceis colorem. Proinde non erit cur miremur, si etiam ab hac, quam in tua *Parma* videmus, forma, non *habenata*, nec *retiaria*, sub *Hadriano* devia-verit. Et tamen etiam sub *Marco* ὑποδήματα memorat *Pollux* κοῖλα, βαδέα, εἰς μέσσην κνήμην ἀνήκοντα. Additque: τὰ δὲ ἐκ οἷδα εἰ μόνον ἀποχρῶν ὅτιν εἶπεν ὑποδήματα. Quasi vero



vero solos hosce calceos censuisset *woodwardiana*, vel calceos recte appellari potuisse. Fieri potest ut *Campagos* intellexerit, quos *retiariis* opposuit *Gallienus*, propterea quod pedum partem *maximam* texerint *Campagi*. Ita ad *Parmae* tuæ formam accesserint *Campagi*, nuperrima, & post nomen *Gallicarum*, ut videtur, orta, *appellatio*. Quum ergo illi in usum *pristinum* revocarentur, tum quoque verisimile est una rediisse *pristinum* ejusdem calcei colorem, qui *niger* erat quum scriberet Scholiastes in *Juvenalem*, ut modo observabamus. Sed & *Crepidæ* nomen his *Nobilium* Militum, non *Caligatorum*, calceis attributum est. *Servius* de *Tyrrhenis* calceamentis: dicit, inquit, *crepidas* quas primo habuere *Senatores*, post *Equites Romani*, nunc *Milites*. Et quidem ita opponuntur *ad En. VIII. Tyrrhena pedum &c.* *lacernæ & crepidæ togis*, & *calceis*, ut olim *Pallia & Saga*. Deponendæ utique quum *Urbem* ingrederentur, habitumque *Militarem* cum *Urbano & Civili & Pacis* habitu commutarent, qui *Disciplinæ Romanæ* normam observabant. Inde non absurde colligemus ad habitum *Militarem* pertinuisse illorum temporum *crepidas*. Pariter autem *crepidas* ac *cothurnos* ad crura replisse docent verba *Sidonii* in Panegyrico *Anthemii* de *Roma Dea*:

*Perpetuo stat planta solo, sed fascia primos  
Sistitur ad digitos, retinacula bina cothurnis  
Mittit in adversum victo de fomite pollex,  
Quæ stringant crepidas, & concurrentibus ansis  
Vinculorum pandas texant per crura catenas.*

*Serior* equidem est hæc *crepidæ Militaris* forma, quæque, per multos succedentium gradus, ad hanc *campagorum* reticulorum figuram mutata est, aliquot proinde post *tuum* monumentum *Secula*, quod voce *Campagi*, & forma illius, uti etiam *Gallicæ* retiata, antiquius. Hæc enim omnium simplicissima est quæ *soleis* nexæ pedes, exceptis *digitis*, universos, ad crura *media*, seu *tibias*, vestierint. Quum tamen tot aliis nominibus à *caliga* distinctis, pro *temporum* decursu, eaque, quæ *Seculorum* *indole* varia, mutatione, appellata fuerit; ita demum factum & *caligæ* nomen simpliciter acceptum *infimorum Militum caligis* adhæserit.

Quod



40.  
*Caligarum* earundem nomina sæpe invicem permista. *Morosa* tamen erat *Caliga* quæ *Caligatis Militibus* nomen dederit *Caligatorum*, *Equitibus* prorsus incongrua, qui tamen soli in hac viluntur *Parma*. *Caligæ* antiquissima nota omnes huic certe *Caligæ* conveniunt.

Quod tamen non ita intelligendum est, quia & voces ipsæ subinde invicem fuerint commutatae. Certe *Militibus* illis, qui *Equitibus* inferiores erant, *crepidas* suo quoque tempore tribuit *Servius*. Et viceversa *caligas gemmatas*, quas *reticulatis Campagis* opposuit *Gallienus Imperator*, *caligarum* nomine insignivit in *duobus Gallienis Trebellius Pollio*. c. 16. Novo tamen exemplo *Gallienus caligas* priscas, non *Sagis*, ut antea, sed novæ *baltheorum* formæ, qui in *Sagorum* locum successerant, annexuit, qui nec *gladiatorum capulos*, nec *crurum* partes superiores obvelarint, quæ tamen loco suo remotæ *caligæ* nomen *pristinum* retinuerint. Nec *caliga* tantummodo vere antiqua, verum etiam *Campagus* ille *retiatas*, qui in *caligæ* locum officiumque successit, *caliga* etiam ipsa appellatur à *Julio Capitolino* in vit. *Maxim. junior*. c. 2. Et nihilominus *Campagus Regius*, ne quicquam commune habere putetur cum *Militibus* illis *gregariis* qui proprie *caligati* appellabantur. Non est ergo cur in *verbis* hæreamus, præsertim *rarius* usurpatis. Imo *caligæ* certam quandam speciem fuisse innuit *Tertullianus*, quæ *infinis* illis *Militibus* nomen dederit *caligatorum*. Nempe *speculatoria* (vel *spiculatoria*, utrique enim *Lectio*ni favent *Eruditi*, pro suis quisque rationibus) quam *morosissimam* appellat. Innuens & alias fuisse *caligas*, quæ tamen non fuerint pariter *morosæ* de cor. *Mil.* c. 1. Et *speculatoriam* illam *caligam* memorat in *Caligulae* vita *Suetonius*, c. 52. quam nonnunquam induerit *Princeps* indolis lascivientissimæ, licet *Majestate Imperii* indignissimam. Sed luserit ille de cognomine *Caligulae*, quod *gregariorum Militum* *caligæ* debuit in *Infantia* affectatæ, ut jam supra ostendimus. *Speculatoriam* enim *caligam manipularium* *Militum* fuisse certum est. Sed quum *Speculatoria Caliga* quasi certa quædam *Caligæ species* recensetur, id una innuitur, alias fuisse, inter *Milites Manipulares*, *Caligas*, ut commune *Caligatorum* vocabulum alios ejusdem ordinis *Milites* complectebatur, præter *Speculatores*. Hæc ergo *Speculatoria Caliga morosissima* à *Tertulliano* dicitur propter  
*clavos*



*clavos*, qui *moram* speculantibus injiciebant dum pedem alterum antea proferre non possent quam prior, qui in luto, propter *clavos*, hærebat, extraheretur. Erant autem inter *Caligatos Milites Caligæ* aliæ minime *clavatæ*, ut è veteribus constat monumentis. Has minus, quam ceteræ, molestas, & in Itineribus *morosas*, fuisse consentaneum est. Utcunque tamen, quæcunque demum fuerint *Manipularium Militum Caligæ*, nihil ad Monumenti tui fidem imminuendam facient, in quo non alii repræsentantur *Milites* præterquam *Equestres*, & quidem præcipuæ cujusdam dignitatis plerique, ut ex insignibus colligimus, locoque quem tenere censentur, suo cujusque Imperatori proximum. Hos à *Manipularium* gradu admodum remotos fuisse constat. *Morosæ* autem *Caligæ* usus, quantulacunque demum illa fuerit *morositas*, sive à *Caligæ* onere, sive à *clavis*, *Equitibus* incongrua & incommoda futura erat, quibus novi *Equi insiliendi* erant, siquo Belli casu *Equos amisissent*. Has ergo *Equitum* tuorum *caligas antiquissimas* fuisse verisimillimum est. Hac certe nota antiquissimas fuisse probavimus, quod *superiorum* crurum partes, *nudas* intactasque reliquerint. Et ex illa quoque nota alia, quod *pedes* nihilominus *obvelarint*, si pedum *digitos* exceperis, eosque *solos*. Antiquiores certe fuerint novis, quæ in earum locum successerunt, *Gallicis*, quæ *pedes* non abscondebant, quas tamen sub *Hadriano* receptas fuisse probavimus è verbis *Castricii* apud *Gellium*. Et ne quidem hanc postremam *nudorum digitorum* notam in *caligis antiquissimis* desideratam, exinde colligimus, quod, quum *Gallicarum Campagorumque*, *habenatorum retiatorumque* consuetudo tandem etiam ipsa exolevisset, & ad *calceorum* usum denique pervenissent, qui ad *digitos* usque pertingebant, primi quoque calcei *cancellati* aërem digitis admiserint. Hoc tamen aliquot post *Parmam Seculis* obtinuisse videtur post varias *Gallicarum*, *campagorumque* formas quibus *pedes* primo *nudabant*, deinde paullatim *vestiebant*, propter *frigoris*, ut videtur, incommodum, paullatim in mollitiem degenerante *Disciplinæ Romanæ pristinæ* rigore. Nec tamen vel ita *pedum digitos* prorsus *nudos*

O

esse

eſſe ſuſtinebant. Non modo propter contrarium *Patriæ morem*, cui jam olim aſſueviſſent à prima uſque *caligarum* origine ; verumetiam quod *vincula digitorum* qualiacunque *libertati* adverſa cenſeret gens illa *libertatis*, ſiqua alia, ſtudioſiſſima. Nam & hanc quoque *opinionem* apud viros *generoſos* viguiſſe docent diſerta *veterum* Teſtimonia. Pedum illa vincula pro *compedibus* habebat *Plautus* in *Epidico* Act.V. Sc.2. Pro *vinculis* *Ovidius* *Metamorph.* L.III. Fab.II. & *Faſt.* L.II. & *Tibullus* L.I. *Eleg.* VI. Multoque magis viri *Philophici*. *Calceatum* eſſe non parvam habet *aſſinitatem* cum eo quod eſſe *ligatum*. *Clem. Alex.* *Pædag.* L.II. c. II. *Propemodum* dixerim *calceatum* eſſe, *perinde ac vinctum* & *conſtrictum* eſſe. *Muſonius* apud *Stobæum*. Itaque ἀνυποδνδαν uſurpabat *Cato* major, teſte in illius vita *Plutarcho*. Et de *Platone Philoſopho* ita *S. Hieronymus* : *Præcepit*, inquit, *duas corporis ſummitates* non eſſe *velandas*, nec *aſſueſieri* debere *molliciei capitis* & *pedum*. in *S. Matth.* X. *Exempla* non coacervabo, quæ occurrunt ſatis *frequentia*. Cauſſam quidem *Militum* excipit *Clemens Alexandrinus*. Intelligit, ut videtur, inprimis *caligatos*, *Pedites* præſertim qui in *Expeditionibus*, *Itineribusque* *laborioſis* verſabantur. Nec de aliis intelligi poteſt quam *ſuorum* temporum *calceis*, quibus aliæ *pedum*, præter *digitos*, partes occultabantur. Hinc tamen intelligimus cur *poſtremos* omnium *pedum digitos* *calceis fenestratis* aliquatenus *nudos* reliquerint ut ita *Platoni* aliquatenus obſequi viderentur de corporis *extremitatibus* non *velandis*. Non eſt ergo dubitandum quin in *caligis* primævis *nudi* ſaltem fuerint *pedum digiti*. Pro tuæ *Parmæ* exemplo accuratiſſime. Imo magis ſollicitos fuiſſe de eorum *nuditate* *Veteres*, quam *reliquarum* quarumcunque *Pedum partium*.

41.

*Capitolium* inter *Ædificia*, quæ in *Parmæ* repræſentantur, (ni forſan id quod in ſummitate) non conſpicitur. Subſtructio *Lapidea* non evincit. *Majeſtas Romæ* poſt tempora *Auguſti*. Illius *Infula* & *Domus*.

Hucusque ergo *Parmam* tuam *Antiquitati* à nobis aſſignatæ conſentientiffimam experti ſumus. Et quidem ita ut multo recentior eſſe ne quidem potuerit. Videamus ergo porro, num & reliqua pari ἀνελεία reſpondeant. Videmus hîc *Ædificia* magnifica, quæ nonnulli  
pro



pro parte saltem *Capitolii* intelligi volunt, in quo nulla certum est fuisse *Theatra* vel *Circos*. Inde fidem tui monumenti impugnandam censent, quod hîc *Theatra* & *Circum* conspiciamus, quæ nulla erant in *Capitolio*. Recte quidem si aliunde constitisset, *Capitolium* hoc in loco repræsentare tuæ saltem Parmæ voluisse Artificem. Alioqui, si nulla alia suppetant, quibus *Capitolium* designatum comprobetur, firmissima è contra procedet Argumentatio, *Capitolium* non fuisse in quo tot videmus *Ædificia*, quæ locum prorsus nullum habebant in *Capitolio*. Certe si Auctor *Capitolium* haberi voluisset, fieri vix potest quin idem *Gallos* exhibuisset per clivum irrepentes, vel *Cives* saltem inprimis Diis Patriis Civibusque de victoria, pulsisque ex Urbe Patria hostibus gratulantes, & quo minus voce, per intervallum, licebat, vultu saltem manuque faventes. Contra hîc omnia videmus, tam in *Ædificiis*, quam in *Area* inter duo tantummodo *Ædificiorum* latera, vastitatem atque hominum solitudinem, aliorum laterum, quibus area illa concludenda erat, nec volam, nec vestigium. Imo *Incendiorum* adhuc grassantium, quibus incolæ fugati fuerint, indicia satis manifesta, fractam columnam, *Theatra* & *Circum* semicombustum, *favillas* adhuc in aëre volitantes. Ideone *Capitolium* à *Gallis* intactum, nec ullis incendiis imminutum Auctorem tuum ignorasse putabimus, quacunque demum ætate eum vixisse fingemus, seu veteris, seu novi etiam *Capitolii*? Veteris quidem *Capitolii* Ethnica monumenta nulla superesse agnoscit *Iustus Ricquius*. Desolationi tamen illi obstabant nova *Ædificia* in eorum locum paullatim à *Christianis* suffecta. Veteris autem *Capitolii*, quale à *Donato* ipsoque *Ricquio* describitur, nullas prorsus in tua Parma reliquias reperimus. *Porticus* nullas, quæ ad montis *Capitolini* pedem constructæ erant, *Clivos* nullos, qui tamen duo erant in monte *Capitolino*, nec *substructionem lapideam* inter clivos mediam. Sed ne quidem *gradus* ullos quibus in *substructionem*, vel *clivos* eniti liceret. Sed nec *luco* locus esse potuit in rupe *Capitolina*. Ego nihil quicquam video quod *Capitolii* vel suspicionem menti intuentis injiceret, nisi forte *lapideam* horum *Ædificio-*

rum *structuram*, vel ipsam *Ædificiorum altitudinem*, pro Capitolinæ Majestatis Argumentis quis habendas esse censeat. Sed parum ille memor sit oportet quanta fuerit ipsius Urbis *Majestas*, qui ita Argumentari vellet. Quam *lateritiam* accepisset Urbem Romanam, eandem se *maritimeam* reliquisse gloriabatur *Augustus*. *Suet. vit. c. 29.* Nec immerito. Integram enim pristinæ Urbis pene *formam*, pro Imperii diuturnitate, novare licuit. Urbis enim formam illam quæ ex *Insulis* constabat & *Domibus* primus ipse, ut videtur, introduxit. Nec enim *Insularum* nomen in Urbe proprie ita appellata, ante *Augustum*, ut opinor, invaluit, quod tamen in Urbis non tantum *Notitiis* verumetiam in *incendio Neronis* receptissimum erat. Sic *casis* Pauperiorum, pro suo cujusque censu, locus nullus relictus est. *Domus* enim pauciores erant, utpote Virorum duntaxat principum atque ditissimorum, tam amplæ, ut cum Urbibus ignobilioribus contendere potuissent docuerit *Lipsius*, ornamentis Urbium publicis, *Hippodromis*, *Speâculis*, *Tribunalibus*, aliisque publicis Urbium ornamentis insignitæ. Et suos *Insulis* Magistratus fuisse docet *Petronius*. Ne dubitemus quin etiam illæ, quamvis majore quam *Domuum* numero, fuerint pariter amplissimæ, Urbisque Majestate dignissimæ, nostrarumque Urbium *Ædificiis* longe Augustiores. Nec enim ædes sibi proprias habebant Pauperiores, sed in ædium illarum superioribus tantummodo tabulatis agebant, ut Nos docuit *Juvenalis*. Tantam mutationem ille ex *Ærario* Populi Romani, quod Provinciarum non armatarum, quas ille Populo Romano concesserat, redditibus ditabatur, præstare potuit. Adjuvante, ut videtur, *Fisco*, è Principis Patriæ amantissimi munificentia, redditibusque Provinciarum etiam armatarum, quæ Principi parebant, redundantibus vectigalibus. Has forte *Insulas* per Symbola in Populum sparsa, largitus est *Nero*. *vit. Sueton. c. 99.* Nisi forte *Insulas* illas de *Insulis* in mari positis intelligamus. Maximam vero partem soli Urbani moverit oportet *Augustus*, ut duobus illis in posterum incommodis occurreret, *inundationibus* pariter ac *Incendiis*. Maxime vero in locis planis & campestribus, quales hi



hi sunt in quibus *Ædificia* tuus posuit *Artifex*, ut novam formam *Insularum* *Ædificiis* invicem junctis daret. Hoc tamen expectandum erat ut *Romæ* suæ *Marmoreæ* *Ædificia* non alia quam lapidea insereret.

Atqui *Ædificiorum altitudinem* saltem suspectam habebunt alii, ne quem locum habere potuerit præterquam in *Ædificiis* primariis, quæ illa erant *Capitolii*. Sed vero in *Ædificiis* ad eandem normam effectis Pulcritudo Operis exigebat, ut pari omnes Analogiæ responderent, seu brevitatis, seu altitudinis. Sed verba *Plinii insignem* Altitudine Urbem universam fuisse docent. De Urbis ipsius mensura locutus, illa demum subjungit? “Quo, “siquis altitudinem tectorum addat, dignam profecto æstimationem concipiat, fateaturque nullius Urbis magnitudinem in toto orbe potuisse ei comparari.” *Nat. Hist.* III. 5. Sic item Poëtarum Romanorum Princeps: *altæ mœnia Romæ. Æn.* I. v. 7. Ad quem locum *Servius*, præter alias hujus Epitheti interpretationes hanc etiam accenset: *propter Ædificia*, inquit, *ingentia. Claudianus*:  
*Qua nihil in terris complectitur altius aër.*

Et alibi quoque *Maro*,

*Urbem, quam dicunt Romam, Melibæe, putavi  
 Stultus ego huic nostræ similem, quo sæpe solemus  
 Pastores ovium teneros depellere fœtus.*

*Sic canibus catulos similes, sic matribus hædos  
 Noram: sic parvis componere magna solebam.*

*Verum hæc tantum alias inter Caput extulit urbes,*

*Quantum lenta solent inter viburna cupressi.* *Eclog.* I.

Verba *caput extulit* ad illud referenda sunt quod primo mox in Urbem ingressu, quasi novum, nec antea à se visum observaturus erat Rusticus. *Ædificiorum* scilicet altitudinem. Hunc altitudinis excessum æstimare se solitum fuisse dicit, pro ea proportionem quam in Rusticis animalibus observaverat, immatura & matura ætate præditis. Sed longe se hallucinatum agnoscit, eamque potius proportionem propius accedere vult quæ inter cupressum arborem altissimam, & virgultum brevissimum intercedebat. Proinde Urbis, ante Barbarorum strages, florentis

42.

Nullum argumentum ex *Ædificiorum Altitudine* deduci potest, Verba *Plinii, Virgilii, Horatii, &c.* ac *Claudiani*, quæ illustrantur Exemplo *Annibalis* secum *Scipione* conferentis.

florentis statum ex illa ipsa *Ædificiorum altitudine* colligimus. Nec sane incongruum erat, quum aliæ minoris longe famæ Urbes de sua altitudine gloriarentur, ut Urbem Imperii Romani, quod, pro sermone illius Seculi, Orbem complectebatur universum, ut hanc quoque gloriam Patriæ suæ assereret *Augustus*, ut quanto Majestate reliquas Imperii Urbes omnes præcedebat, tanto etiam *Ædificiorum splendore* atque altitudine præcederet. Urbes altas memorat *Horatius*. Et *Trojam* nunc αἰπὺν λῶν, nunc ὑψιπύλῳ celebrat *Homerus*. Et Solis *Regiam sublimibus altam columnis* celebrat *Ovidius* *Metam.* II. Hoc ergo decus Urbi Principi addendum censuit *Augustus*, ut reliquas Imperii Romani Urbes non superarit modo, verumetiam tanto fuerit intervallo superior, ut nullam Urbem pateretur æmulam, quæ cum ea posset de hac gloria contendere. Id volebant verba, ni fallor, Poëtæ: *Cui par nihil est, & nihil secundum*, de quorum sententia dubitare video virum Eruditum. Verum ea facilis erit atque expedita, si pro *Styli Agonistici* more explicetur. In illo secundarum tertiarumque partium sua cuique erant, pro meriti gradu, ἀεσιᾶ. Sed imparis manifeste æmuli cum eo qui longe superior erat, honorem minuebat, non augebat ei qui longe manifestissimeque meriti imparitate æmulum, cum quo contendebatur, exsuperasset. Ita *Nafonianus Ajax*,

——— demit honorem *Æmulus*

*Qui quum victus erit mecum certaſſe feretur.*

*Metam.* XIII.

Sic dedignabatur *Alexander Magnus* experimentum velocitatis, qua σωτηρικώτως præstabat, exhibere, nisi cum sui Ordinis Principibus experiri licuisset. Sic *Annibal*, quum illius sententiam de primario suorum temporum Duce rogasset *Scipio*, primo *Alexandrum*, tum deinde *Pyrrhum*, denique seipsum post *Pyrrhum*, nominaſſet, perſtanti adhuc in Disputatione *Scipioni*, quo se in loco numerandum cenſeret, qui ipsum vicisset *Annibalem*, ita denique Respondit, quasi illum numero omni superiorem agnovisset. Hoc certe tantundem valebat, acſi dixisset, neminem fuiſſe Ducem qui cum eo contendere possit,



possit, aut numero aliquo cum illo communi contineri possit, ita prope ad illum accessurus, ut vel secundam post *Scipionem* ἀειδαίαν meruisset, tanti exempli, quod pene plusquam Humanum arbitrabatur, fulgore quodam, quasi Divino, perstrictus. Idque volebat *Claudianus* quum visu Humano superiora eadem facit *Ædificia*. Hoc enim conabantur *Romæ* Principumque Romanorum adulescentes, ut *Romam* Deam, & Terrestri regione superiorem facerent. Sic enim digna sedes fieret *Cæsari-bus*, quos Divinis honoribus prosequiebantur, etiam vivos, ante ætatem tui Artificis. Ita certe summum honoris gradum extulit *Horatius*, ut sublimi feriret sidera vertice. Ratio ergo nulla est cur ex horum *Ædificiorum* altitudine ea Capitolii propria fuisse colligamus, quum omnes in Imperio Romano Urbes hoc ipso nomine superaret Urbs ipsa Romana. Sed nec ulla muri Capitolini vestigia hîc videmus. *Ædificia* hæc à solo surgunt. Non ita muri Capitolini. In rupe Capitolinâ fundamenta habebant, quæ tamen rupes magnam altitudinem habebat, quæ murorum celsitudo rupi addita, adhuc enormiorem utriusque invicem juncti, tam muri quam rupis celsitudinem augebat. Sed nulla in tuo monumento rupes, nullus in rupe murus, nullæ in mare pinnæ ad muri tutelam necessariæ. Frustra ergo hîc *Capitolium*, quod nec res ipsa admittebat, nec Auctoris tui consilium.

Suppetit & aliud invictum Argumentum, quod horum *Ædificiorum* partem alteram ab altera, à *Tiberi* fluvio hoc in loco cursum suum obliquanti separari videamus, quum tamen certum *Tiberis* alveum nullum per Capitolium decurrere, sed nec alium quemcunque quocunque demum nomine fingatur,

43.  
Capitolii à *Tibere* Di-  
stantia . . . . .

Hucusque Vir Summus *Dissertationem* suam de *Parma* tua (Ornatissime Woodwarde) perduxit, quam mihi, ut ad Te mitterem, demandavit. In hac concinnanda, dum vires sinerent, *Veterum Monumenta*, *Nuperorumque doctorum Observationes* solita diligentia indefessus evolvebat, ut exinde *Tempus*, quantum dignosci potuerit, quo *Parma* hæc excudebatur, erueret. Sed proh dolor! *Febris*, eaque tandem fatalis, filum abruptit.

Optime

Optime vero contigit, quod Telam pene absolverat, quum Deus Opt. Max. eum Anno ætatis septuagesimo à nobis eripuit. Gestiebat Vir Doctissimus Libros quosdam Veterumque Monumenta, quæ penes eum ruri agentem non erant, inspicere. Inter hæc sæpius de libris, qui Neronis Decursiones narrant, de Columnis Cæsarum, earumque Inscriptionibus, uti Trajani, Antonini, præsertim vero Titi mecum confabulatus est, utpote quæ huic rei Lucem maximam adferre arbitrabatur; eaque de causa sæpe Londinum aut Oxoniam visendi, ubi hæc præsto sunt, desiderio tenebatur. At infirma valetudo id non patiebatur. Nullus dubito, quin Viris Doctis, immo iis (siqui sunt) qui ab eo de Parmæ Antiquitate dissentiant, Tractatus hic erit gratissimus; dum in eo plurima, quæ ad illustrandas Romæ Antiquitates, & ad explicandum Polybium, Josephum, aliosque de Romanorum armatura differentes, maxime conducunt, aliaque lectu dignissima, quæque ab aliis Eruditis minime observata sunt, invenient. Interea oblivisci non oportet quæ de causa Cl. Dodwellus hanc Provinciam suscepit, nempe, ut hinc Te (Doctissime Woodward) alliceret ad Historiam Terræ, quam pridem aggressus es, dum Vires annique sinunt, pro virili proseguendam; quum, ad Sacræ Historiæ de Diluvio Veritatem asserendam, ad Creatoris gloriam in tanta Operum ejus Varietate à Te enumeranda promovendam, (ut cetera id genus omittam,) quibus Viro Optimo nihil antiquius, hanc Tuam Historiam cessuram arbitrabatur.

Quædam Vir Optimus meditatus est, uti D<sup>o</sup> Francisco Cherrio, (Viro Erudito, Dignissimo, & Integerrimo, studiisque illius Socio) mihi paullo ante obitum, narravit; quæ in Ecclesiæ commodum, cui se præcipue devoverat, maxime cessura fuerint, modo Deus ei ulterius vitam concefferit. Jam vero ἐν πόντῳ αὐτῶ ἀνεπαύσατο. Nec felicitati ejus invidere videamur oportet, quum exinde maxime est, dum à nobis ereptum, Reipublicæ licet literariæ & præsertim Ecclesiæ damno, ploramus. Damnum autem hoc Amici sentiunt, & sensuri sunt: & inter eos maxime, qui Tibi (Vir insignissime) plurimum devinctus est,

Fra. Brokesby.



# AUCTORES

Qui in Differtatione præcedente emendantur, illustrantur, notantur.

## A

**A** Etius Medicus illustr. pag. 13  
**A**mbrosius (pro sententia Gronovii Patris, morum suavitate pariter atque eruditione laudandi) auctor libri, qui Hegesippi fuisse vulgo fertur, de bello Titi Judaici 85.  
 Ancyranum Marmor. *Vide* Marmor.

## C

**C**æsar's Comm. illustr. 30, 31.  
**C**angius (i.e. Du-Fresnius) laudatur ob Bucculæ, sive Buculæ, explicationem 19, 20.  
**C**elsi lectio 13.  
**C**icero illustr. 95, 96. Lectio ejusdem defensa 96, 97.  
**C**laudianus illustr. 109, 110, 111.  
**C**uperi error 22, 23.

## D

**D**io Cassius illustr. 50, 53, 76.  
**D**ioscorides explic. 13. Lectio ejusd. *ibid.*  
**D**orotheus illustr. 77, 78.  
**D**u-Fresnius. *Vide* Cangius.

## E

**E**pistola ad Ebræos illustr. 52.  
**E**ustathius in Hom. illustr. 46.

## G

**G**ellius (Aul.) illustr. 74, 75, 76, 96, 97, 98.

**G**lossarium Latinum mediæ antiquitatis (penes me) notat. 28, 40. [Glossarium hoc est

in Membranis. Mihi dono dedit Amicus quidam singularis è collegio Universitatis Oxon. Multa continet in Glossariis, quæ ob oculos habuit illustris Du-Fresnius, desiderata. Exinde paucula cum cl. Dodwello per litteras communicavi, in quibus de galeis cassidibusque etiam veterum, quo modo nempe à se invicem discrepabant, aliisque id genus, differui; rogatu ipsius Dodwelli in Differtatione contexenda tunc occupati] *Vide* Labbæus.

## H

**H**egesippus. *Vide* Ambrosius.  
**H**esychius illustr. 47. emend. *ibid.*  
**H**omerus illustr. 110.  
**H**oratius illustr. 110.

## I

**I**nscriptio vetus Reinesiana illustr. 29.  
**I**nterpres vetus Latinus in SS. scripturas illustr. 85, 86, 87. *Vide* Testamentum.

**J**osephus illustr. 49, 50, 51, 53, 54, 56, 57, 58, 59, 60, 62.

**I**sidorus illustr. 54, 55. emend. *ibid.*  
**J**uvenalis Scholiastes illustr. 102.

## L

**L**abbæi (Car.) Glossaria illustr. 44, 45.

**L**ampridius illustr. 92.

**L**ibellus de rebus bellicis, qui

## P

Notitiæ

Notitiæ Imperii utriusque sub- jungi solet, illustr. 91, 92, 93.		Q	Quintilianus illustr. 8, 9.
Livius illustr. 41, 50, 52, 68, 70, 73. ejusd. lectio 20.		S	
Lucanus illustr. 23.			Sallustii locus, citatus à Servio, illustratus 23.
M			Scripturæ SS. <i>Vide</i> interpretes. <i>Vide</i> epistola. <i>Vide</i> Testamentum.
Marinor Ancyranum illustr. 56.			Statius illustr. 63, 64, 71, 85.
Martialis illustr. 24, 25, 91.			Strabo illustr. 85.
Maximus (Valerius) illustr. 81.			Suetonius illustr. 81, 88, 98, 101, 108.
N		T	
Nigronus refutatur 94.			Tacitus illustr. 89.
Nonius illustr. 55.			Tertullianus illustr. 95, 104.
Notitia. <i>Vide</i> libellus.			ejusd. lectio 104.
O			Testamentum N. illustr. ut & Ve- teris interpretes 52.
Ovidius illustr. 110.			Trebellii Pollionis locus defensu contra Salmasium 92
P		V	
Paterculus (Vell.) illustr. 11.			Valerius. <i>Vide</i> Maximus.
Persius illustr. 23, 101.			Varro illustr. 42.
Plinius Senior illustr. 9, 10, 14, 23, 65, 89, 109. defenditur 13.			Vegetius emendatur 31. supple- tur <i>ibid.</i>
Lectio ejusd. marginalis appro- bata 10. alia ejusd. lectio 14.			Virgilius illustr. 8, 16, 55, 63, 65, 74, 109.
Poëtæ veteres emendantur 45.			
Pollux (Jul.) illustr. 102, 103.			
Polybius illustr. 18, 24, 53.			
Porphyrius, vetus Horatii inter- pres, illustr. 83.			



# COLLEGIORUM

SCHOLARUMQUE PUBLICARUM

ACADEMIÆ

*OXONIENSIS*

TOPOGRAPHICA DELINEATIO,

---

Per THOMAM NELUM.

---

E Codice MS. in Archivis Bibliothecæ  
Bodlejanæ descripsit ediditque

---

THO. HEARNE, A. M. OXONIENSIS.

---

*OXONII,*

E THEATRO SHELDONIANO,

MDCCXIII.

# COLLEGIUM

ANNO DOMINI 1774

1774

1774

1774

1774

1774

1774

1774

1774

1774

1774

1774



## THOMÆ NELI

## Vita ex Historia &amp; Antiquitatibus

Universitatis OXONIENSIS,

Lib. II. p. 138. b.

**T**HOMAS NELUS, vulgo Neale, apud Yeate in agro Glocestrensi natus, Magistri Alexandri Belfire, Avunculi sui (Hic Socius primo Collegii istius [*Novi*] ac Præses deinde San-Johannensis deprehenditur) opera Collegii Wintoniensis alumnus, singulisque Infantiae disciplinis quam optime imbutus ad Collegium hoc Novum transfertur, ubi peracto Probationis biennio pleno Socii jure donatur anno MDXL. Literis post hæc Academicis sedulo invigilans, Theologus eruditus & Linguarum Græcæ ac Latinæ haud mediocriter evasit peritus, quibus nominibus in summam apud literatos omnes & literatorum Patronos gratiam influxit, quorum de numero Thomas Whyte, miles, collegii San-Johannensis fundator dextram Juveni liberalem porrexit, quippe cujus inopiam annuo decem librarum stipendio (quo quidem longo temporis spatio fructus comparet) sublevavit. Ineunte Mariæ Reginae Regno, Bonnero episcopo Londinensi à sacris fuit, annoque LVI. ad Lectionem Libri Magistri Sententiarum nobiscum admissus est, quo tempore Thenforthiæ in comitatu Northamptonensi Rector exstitit Parochialis. Ceterum postquam Serenissimæ Elizabethæ obtigisset Sceptrum Anglicanum, Patrono orbatus Oxoniam denuo pervenit, annoque LIX. Professoris Hebraïci munus consequebatur, in quo quum decennio integro versatus fuisset, animi dubius & ad Pontificios propendens (nutabat enim semper, neque cultum eorum neque reformatum serio unquam amplectebatur) eodem excessit. Hinc inter Aulæ Cervinæ Comensales numeratus, Cameram unam atque alteram è regione Sodalitii ejus (siquidem Peristylio Collegii Novi occiduo adjacebant) exædificavit, quas quum annos aliquot

quot incoluisset, male metuens ne quod rei divinæ sacræque Synaxi secundum Leges Regni minime interesset molestia sibi aliqua crearetur, Cassingtonam (Pagus ille obscurus est, ad quartum\* ab Urbe Oxon. lapidem positus) commigravit, coëmptoque Domicilio, ad vici ejus exitum Einshamiam spectantem locato, vitæ reliquias Deo bonarumque literarum studio dicavit. Virum illum quod attinet, ad Theologiæ Linguarumque peritiam, Philosophiæ, rei Poëticæ, necnon Geographiæ cognitionem adjecisse comparet; Locorum quoque ac Ædificiorum pingendorum Artem haud modice calluit. De Libris quos conscripsit omnibus mihi quidem constare parum fateor; dubium tamen non est quin

*Rabbinorum quorundam Libros plures ex Hebræo in Latinum* transtulerit, & Reginaldo Pole, Cardinali nuncuparit. Id operis ab illo quod Serenissimæ Elizabethæ, Oxoniæ agenti, anno CIOCLXVI. (velut sub eodem retro dictum) obtulit alienum an fuerit dijudicare nequeo; utcunque pro comperto est Libellum alterum, à se exaratum, Collegiorum vero nostrorum omnium Imagines, una cum \* Versiculis quibusdam Foundationem cujusque enarrantibus, complectentem, eodem tempore porrexisse; qui quidem Libellus in Bibliothecæ Bodlejanæ Archivis etiamnum conspicitur.

Obiit ipse Cassingtonæ, inque Viculi ejus Ecclesia sepultus jacet; ad Templi autem partem superiorem affixa parieti est Lamina seu Tabella ænea, Epitaphio isto (id ipse paullo ante mortem composuit) insignita.

*Hic jacet elinguis qui linguis pluribus olim*

*Usus, Hebraismi publica lingua fuit.*

*Græca quid hîc? quid Hebræa juvat? quid lingua Latina?*

*Si qua alios juvit, nunc ea sola juvat.*

*Vos ergo Thomæ Neli quos lingua juvabat,*

*Elinguem lingua (quæso) juvate pia.*

---

\* Exstant in Europæi Orbis Academiis per Milesium Windfore, Edit. Lond. 1590.



*Subscriptio ipsius Authoris.*

*Hos Egomet versus posui mihi sanus ut essem,  
Hinc prævisa mihi mortis imago meæ.*

*Anno Domini 1590. ætatis meæ 71.*

Quandonam sepulturam in eadem Ecclesia accepit nescio ob hiulca loci Registra, quæ sedulo exploravi.

*Hæc Woodius noster. Et recte quidem innuit diem annumque Neli obitualem in Registris Cassingtonianis desiderari; utpote quæ valde sunt imperfecta eorum incuria atque negligentia, quorum fuit hujusmodi res notare. Minus tamen recte ait Neli versiculos, quos edimus, exstare in Europæi Orbis Academiis, per Milesium Windfore. Pars enim tantummodo ibi habentur, in verso etiam ordine, & omissis Collegiorum Scholarumque Publicarum Delineationibus, quas Antiquarii nostri vehementer expetunt. Quid quod & Woodius non indicaverit in ænea lamina effigiem quoque Neli, in involucro nempe ferali extensi & barbam promissam habentis, comparere? Mox post effigiem sequitur Subscriptio, quam tamen non integram exhibuit Woodius; uti nec verba, quæ adhibuit, accurate descripsit. Hunc enim in modum tota Subscriptio exprimenda fuerit:*

*Subscriptio ipsius Authoris.*

*Hos egomet versus posui mihi sanus, ut esset  
Hinc prævisa mihi mortis imago meæ.*

*Etiam si occiderit me*

*In ipsum tamen sperabo, Job cap. 13°.*

*Anno domini 1590. ætatis vero meæ 71.*

*Aspicias,*



Aspicias, ut viget hæc fixis radicibus arbor ?

Hac illac patulis frondibus aucta suis ?

Arbor Hebraismi typus est, quæ frondibus auctam

Se gaudet nummis, Elisabetha, tuis.

Plantavit Deus hanc primus fator in Paradiso,

Verbaque mortales jussit Hebræa loqui.

Transtulit huc olim Pater hanc tuus inclytus ; ejus

Tu pia radices, Elisabetha, rigas.

Par est ergo tibi fructus hos proferat arbor,

Sumptibus (ô Princeps maxima) culta tuis.

SERE.



SERENISSIMÆ AUGUSTISSIMÆQUE  
PRINCIPI DOMINÆ  
ELISABETHÆ  
REGINÆ

*Angliæ, Franciæ, ac Hiberniæ,*

Christianæ fidei propugnatrici &c.

Fauſta feliciaque ſunto omnia.

**H**ABES en (illuſtriſſima Princeps Eliſabetha )  
Oxonienſis Academiae tuæ Collegiorum Schola-  
rumque publicarum qualemcunque topogra-  
phicam delineationem, calamo partim ſcripto-  
rio, partim carmine poëtico ſub Dialogi forma utcunque  
expreſſam, ejus ut univerſam imaginem præſentem, qua-  
ſique ob oculos expoſitam, pro tuo arbitrato habeas, cu-  
jus incolæ bonarum artium omnium ſtudioſi ſub auſpi-  
catiffimo hoc regno tuo, haud aliter ac ſub Minervæ  
cujusdam clypeo tuti, ardentius nihil obnixiusve à Deo  
opt. max. contendunt, quam ut omnes ac ſinguli ſuam  
tibi, quam ſummam debent, obſervantiam, fidem, in-  
duſtriam certatim præſtare poſſint. Cujus quidem deli-  
neandæ ratio tametſi craſſiore quadam Minerva & im-  
politior tum ſtilo, tum carmine conſtet quam ut regiæ  
Majeſtatis tuæ aſpectu digna videri poſſit, dabis tamen  
( ut ſpero ) veniam primis hiſce conatibus in re nova,  
qui non alio, quam gratulandi animo Sereniſſimæ Ma-  
jeſtatis tuæ quam exoptatiſſimo huic ad nos adventui  
inſtituti ſunt. Illud vero in univerſum quam fieri poteſt  
Q humillime

humillime supplex regiam Majestatem tuam rogatam  
velim ( Princeps augustiss. ) ut quæ

————— *pietoribus atque poetis*  
*Quidlibet audendi semper fuit æqua potestas,*

eam mihi nequaquam hîc interclusam esse velis, interea  
temporis dum regiae Majestatis tuæ nomini amplissimo  
Dialogi partem alteram interlocutoriam attribuo, alteram  
vero honoratissimo Domino Roberto Dudlæo, Comiti  
Lecestrensi nostroque Cancellario dignissimo vicissim ac-  
commodo. Servato tamen utrobique (quod spero) utri-  
usque tum tuæ, tum illius personæ decoro. Argumentum  
porro Dialogi tale fingitur, quale ex abrupto, vel è re  
nata desumptum videri possit. perinde ac si te ( Regina  
nobilissima ) Woodstochio discessuram Cancellarius in-  
terrogaret, ecquo tandem proficisci luberet, ut ex eo ar-  
repta deinceps occasione, futuræ narrationi topographicæ  
via quasi sterni videatur. Quæ si Regiæ tuæ unius præ-  
stantiæ quoquo modo grata esse poterit, eadem tum aliis  
multo gratior, tum mihi quoque qualiscunque hæc opera  
quam gratissima fuerit. Faxit deus opt. max. ut quam  
diutissime valeas.

Serenissimæ Majestatis tuæ obsequentissimus

Alumnus, Thomas Nelus,

Hebraicæ linguæ Professor Oxon.

Dialogo-



Dialogus in adventum Reginae Serenissimæ Dominæ Elisabethæ gratulatorius, inter eandem Reginam & Dominum Robertum Dudlæum Comitem Lecestriæ & Oxoniensis Academiae Cancellarium.

INTERLOQUUNTUR  
REGINA & CANCELLARIUS  
O X O N.

*Cancell.* **S**ICCINE (chara tuis, regnique columna Britanni  
Elisabetha) domo pergis abire tua?

*Regina.* Non ego pergo domo peregre procul hospes abire,  
Sed quo pergo, mea est urbs ea tota domus.

*Cancell.* Quod res est loqueris, (Princeps ter maxima,) tota  
Nam Regni sedes est domus ista tua.

*Regina.* Quum sint ergo domus mihi plures, pluraque tecta,  
Quid ni mutarem tecta subinde mea?

*Cancell.* Sed si pace tua liceat mihi scire, lubenter  
Hoc equidem scirem quo tibi tendat iter.

*Regina.* Oxonium versus pergo, Musisque dicata  
Tecta peto, Musis concomitata meis.

*Cancell.* Et quæ tanta subit Musas ibi caussa videndi,  
Quum sit Musarum præsto caterva domi?

*Regina.* Ipsamet illa domi Musarum præsto caterva  
Has sibi sacratas suasit adire domos.

- Cancell.* Næ tu digna tuis persolvis præmia Musis,  
Dum loca Musarum visere sacra paras.
- Regina.* Ecquid enimvero rerum spectabo novarum?  
Dignumve adventu Principis ecquid habet?
- Cancell.* Urbs antiqua tuis visenda patebit ocellis,  
Et manibus cives oscula fida dabunt.
- Regina.* Num quid præterea dignum aut memorabile cernam?  
Quod merces tanto digna labore fiet?
- Cancell.* Cernes præcipue Musarum quinque ter ædes,  
Urbs quibus Europæ non habet ulla pares.
- Regina.* Tunc ergo has ædes nosti, quas Thamisis, amnis  
Inclytus, alluvio cingit utrinque suo?
- Cancell.* Quidni pernoscam? quarum dux esse lubenter  
Jam pridem cœpi, nec piget esse ducem.
- Regina.* Siccine tu subito Musis Dux esse volebas,  
Qui Lecestrensis diceris esse Comes?
- Cancell.* Non minor est studiis, quam castris, fama \*præesse,  
Et Ducis & Comitæ nomen utrumque juvat.
- Regina.* Quin harum breviter mihi nomina pande domorum,  
Quis, cui, quam, tulerit fautor & author opem.
- Cancell.* Hoc equidem faciam quanta brevitate licebit  
Paucula metiri pluribus apta metris.

\* Sic in MS.





Prima stat australis Domus ampla, Ecclesia Christi,  
Primo jam duplici nomine digna loco ;  
Tum quia te, patremque tuum sit naſta patronum,  
Tum quia ſit reliquis auctior iſta cohors.  
Cœpta quidem Thomæ Wulfæi ſumptibus olim,  
Sed patris Henrici cenſibus aucta tui.

Cœpit ſub Henrico octavo, per Thomam Wulfæum Ar-  
chiepiſcopum Eboracenſem, Anno Domini 1529. absoluta eſt  
ab eodem Henrico octavo, Anno Domini 1546.

Regina

**Regina interloquitur.**

*Regina.* Unde fit, ut, posset quum plures illa fovere,  
Non foveat numeros undique plena suos ?

*Cancell.* Tot foveat illa quidem, quot par est census alendis.  
Et plures aleret pluribus aucta bonis.


Invida sed Musis mors immatura Patroni

Fecit, ut hîc possit pluribus esse locus.

*Regina.* Est ergo cui quis possit prodesse : paratæ  
Materiæ citius debita forma datur.

*Cancell.*



*COLLEGIVM ORIALL.*

*Cancell.* Sed pergam in reliquis. stat Musis septima sedes  
Orial, ô vere regia dicta domus.  
Annis illa valens, Edwardi tempora vedit,  
Qui rex illius nominis alter erat.  
Condidit hanc Adam quidam cognomine Brownus,  
Et regi nomen detulit ille suo.

Coepit sub Edwardo secundo per Dominum Adam Browne,  
Eleemosynarium ejusdem Edouardi, Anno Domini 1323.

Quinta



## COLLEGIVM CORPORIS CHRISTI.



Quinta jubeat nostræ memores nos esse salutis,

Quo modo, & unde salus parta sit illa docens.

Quam Deus assumpto quia Christus corpore donat,

Corporis à Christi nomine nomen habet.

Censibus hanc amplis Richardus Foxus abunde

Sustinet, & Musis apta dat esse loca.

Coepit sub Henrico Septimo per Richardum Fox, episcopum Wintoniensem, anno Domini 1516.

Nec





Nec procul hinc distat, quæ sexta est ordine, Merton,

Seu Mertonensis dicta perampla Domus.

Gualterus Merton Præsul ( quo Præsule Roffa

Floruit ) huic Domui fautor & auctor erat.

Quæ quamvis multos foveat pia mater alumnos,

Ædes sacra tamen pluribus apta foret.


Coepit sub Edouardo primo per Gualterum Merton episco-  
pum Roffensem, Anno Domini 1276.

R

Proxima



## COLLEGIUM NOVVM.



- Proxima mox sequitur satis ampla frequensque studentum  
Turba, novi cœtus nomen adepta diu.
- Turribus hæc altis toto micat æthere, raris  
Doctrinæ gemmis vitis onusta suis.
- Condidit hanc Præsul Guilielmus, in urbe Wykama  
Proles ter fausto sydere nata, Wykam.

Coepit sub Richardo secundo per Guilielmum de Wykham  
episcopum Wintoniensem, anno Domini 1375.

Nec





Nec minus est celebris domus ampla, dicata Mariæ,

Cujus sacra fidem Magdala castra docent,

Splendida munificum testantur tecta patronum,

Æmula splendoris digna, Wykame, tui.

Indidit huic nomen Guilielmus Waynflet, alumnus

Unus & ipse gregis, magne Wykame, tui.

Coepit sub Henrico sexto per Guilielmum Waynflet episcopum Wintoniensem, Anno Domini 1459.

R 2

Cancel.

**Cancellarius interloquitur.**

*Cancell.* Debebant paribus Collegia cetera verbis

Describi, mora ni tædia longa daret.

*Regina.* Perge modo, & reliquis data nomina prima recense,

Auribus hæc parient tædia nulla meis.

*Cancell.*






*Cancell.* Corpora præpropere studio plerique faginant,  
Nec curant animas sedulitate pari.  
Id ne Musarum faceret studiosa juvenus,  
Admonet appposito nomine quarta Domus.  
Sumptibus Henrici Chichlæi structa, juvandæ  
Ceū foret hæc animæ tota dicata Domus.

Coepit sub Henrico Sexto per Henricum Chichlæum Ar-  
chiepiscopum Cantuariensem, Anno Domini 1437.

Huic





Huic itidem similis Pastor Robertus Eglisfild

Reginæ munus donat & ipse suæ.

Nam Reginalem quum Magnis sumptibus ædem

Fundasset, vocat hanc (clara Philippa) tuam.

Femina quô Musis nutrix, non dura noverca,

Pergeret, & studiis Mater adesse pia.

Coepit sub Edowardo Tertio per Dominum Robertum Eglisfild, Sacellanium Dnæ. Philippæ, uxoris ejusdem Edowardi, Anno Domini 1340.

En





En tibi jam prodit speciosa Academia, quæ quum

Sit species, generis nomen adaucta tenet.

Ut Logicè species generatim sæpe vocatur,

Et pars pro toto corpore sæpe venit.

Huic Dunelmensis Guilielmus presbyter ædi,

Communi studiis nomen ab urbe, dedit.

Cœpit sub \* Aluredo, per Dominum Guilielmum Archidia-  
conum Dunelmensem, Anno Domini 873.

\* Lege potius, Cœpit sub Aluredo rege A. D. 873. Restaurat. per Guil.  
Archid. Dioc. circa A. D. 1249.

Regina

## Regina interloquitur.

*Regina.* Illud in his summa puto dignum laudē, quod ipsi  
Noluerint titulis luxuriare suis.

*Cancell.* Omnibus hæc eadem laus est communis, habetque  
In reliquis itidem laus ea vera locum.


*Regina.* Summæ laudis erat, gestis tot rebus honestis,  
Laudibus auctores abstinuisse suis.

*Cancell.* Tres aliæ restant inclusæ mœnibus ædes,  
Quas nullo fas est præteriisse modo.

Æneus



## COLLEGIUM ÆNEINASI.



Æneus his nasus præluceat, ut insula ponto

Prominet, aut reliquo nasus in ore nitet.

Quæ domus impensis Guilielmi structa Smythæi,

Æneo & æterno nomine digna manet.

Multis illa quidem turbis conferta studentum,

Spes ut sit messis magna futura bonæ.


Coepit sub Henrico 7<sup>o</sup>. per Guilielmum Smythe episcopum  
Lincolniensem, Anno Domini 1513.

S

Huic



## COLLEGIUM LINCOLNIENSE.



Huic latus occidentum claudit Lincolnia sedes,

Quæ sibi Patronos gaudet habere duos.

Alter erat Thomas Rotheram, Richardus & alter

Fleminge, ejusdem Præsul uterque loci.


Quos ubi ditarat Lincolnia, gratus uterque,

Non sibi, sed fedi dona dat ista suæ.

Cœpit sub Henrico 5<sup>o</sup>. per Richardum Fleminge episcopum  
Lincolniensem, Anno Domini 1420. Auctum per Thomam  
Rotheram, episcopum Lincolniensem, A<sup>o</sup>. 1479.

Distat





Distat ab Oxonio spatiis Exonia multis,

Et procul occidui vergit ad ora maris.

Attamen Oxonii sedes Exonia fixas

Invenit, & Musis jam fit amica quies.

Condidit has Præsul Gualterus Stapleton ædes,

Indidit & sedi nomina digna suæ.

Coepit sub Edouardo 2<sup>o</sup>. per Gualterum Stapleton episcopum Exoniensem, Anno Domini 1316. Auctum sub Elisabetha Regina per Dominum Guilielmum Petræum ordinis equestris militem inauratum 1566.

**Regina interloquitur.**

*Regina.* O pia pontificum mens hæc! ô tempora fausta  
Quæ tantos clero progenuerè viros!

*Cancell.* Clerica sic olim concors concordia clero  
Certatim voluit ferre libenter opem.  
Sed ne sola suos videatur clerica turba,  
Et Mufas opera velle fovere sua,  
Arctica si lubeat pomœria pulchra videre,  
Hisce parem laïcos ferre videbis opem.

*Regina.* Siccine conjunctis certatum est viribus, urbs hæc  
Ut fieret studiis tota dicata sacris?  
Quin age dic laïco quot habemus in ordine, Mufas  
Auctas hîc opera qui voluere sua.

*Cancell.* Illud ego (Princeps ter magna) lubentius addam,  
Tota quòd hîc nostræ laudis harena patet.  
Sed mihi restat adhuc prædictis ædibus, intra  
Muros, appendix adjicienda prius.  
Quæ tua quum laus sit, (Guilielme Petræ) lubenter  
Reginæ dabis hîc nonnihil ultro tuæ.  
Quod te præcipue videatur amare, suisque  
Consiliis præsto semper adesse velit.  
Patria te jactat genuisse Devoniam, & urbs hæc  
Gaudet se studiis instituisse suis.  
Sumptibus ergo tuis tu gratus utrique parenti,  
Auxiliatrices reddis utrinque manus.

Ut



Ut quas exiles prius hîc Oxonia habebat,

Has habeat plenas jam satis aucta domos.

Aucta quidem numero, sed & amplis censibus aucta,

Clara sub imperiis Elisabetha tuis.

Quæ quales, quantosque tibi promittat alumnos,

Ex uno disci cetera turba potest.

Is Berblokus \* erit, cujus dextrerrima dextra

Has formas mira dexteritate dedit.

Quin age, macte tua virtute ( Petræ ) fovendis

Fœtibus hisce tuis quam potes adfer opem.

\* Vide Præfat. nostram.

Urbis




Urbis at egressæ jam moenia, proxima sedes  
 Occurrit Thomæ sumptibus aucta Popi.  
 Quam sacrosanctæ Triadis cognomen habere  
 Jussit inauratus Miles, equestre Decus.  
 Hujus adhuc teneros foetus, pia mater adauget  
 Conjux, tam digno conjuge digna suo.

Coepit sub Maria Regina per Dominum Thomam Popum,  
 ordinis equestris militem inauratum, Anno Domini 1556.

Sed



*COLLEGIVM BALLIOLENSE.*



Sed minus hoc mirum est, nostrates hæcenus urbem

Hanc juvisse, suam cui Scotus addit opem.

Clarus Ioannes regali stemmate natus

Balliol, hîc Musis atria clara locat.

Qui patria pullus, patriæ jam redditus, Anglis

Hos fidei testes obsequiique dedit.

Cœpit sub Edwardo primo per Joannem Ballioll Regem  
Scotiæ, Anno Domini 1265.

Transitio

## Transitio ad descriptionem ultimi Collegii.

Ultima postremo jam commemoranda triumpho,

Restat Ioänni sacra dicata domus.

Quæ licet extremo claudatur fine laborum,

Chara vel in primis est tamen illa mihi.


Sicut Iäcobo Patriarchæ Benjamin olim

( Excepto Joseph ) primus amore fuit.

*Cancell.*



*COLLEGIVM IOANNIS BAPTISTÆ.*



*Cancell.* Has Thomas Whitus, Londini gloria, raras  
Mercator merces donat, emitque suis.  
Qui Londinensi bis Prætor in urbe, superstes  
Vivit adhuc, equitum non mediocre Decus.  
Faxit ut ille diu vivat, valeatque superstes  
Musis, ac demum coelica regna petat.

Coepit sub Maria Regina per Dominum Thomam White,  
ordinis equestris militem inauratum, Anno Domini 1557.

T

*Cancell.*


*Cancell.* Quod si plura libet paucis audire, superstes  
Restat adhuc sacris sacra dicata schola.

*Regina.* Quin age sacra mihi schola summe audita placebit :  
Et reliquis colophon ædibus aptus erit.

*Cancell.*




*SCHOLA THEOLOGICA.*



*Cancell.* Eminet, & mediæ fastigia suspicit urbis,  
Dux Humfrede, tuis sumptibus ista schola.  
Surgit in immensum turritis undique pinnis,  
Sectaue perpulchro marmore, quadra Domus.  
Splendida luminibus crebris laquearia fulgent,  
Artificumque nitent pendula faxe manu.

Coepit sub Henrico Sexto per Dominum Humfredum Duce  
cem Glocestriæ, Anno Domini 1447.





Imminet huic series bis quinque instructa domorum,  
 Semita qua studiis omnibus una patet.  
 Sumptus hos fecit Regina Maria, deditque  
 Unde novas possis hæc videre Scholas.  
 Elisabetha soror tu digna sorore Maria,  
 Pro pietate tua, quas dedit illa, foves.  
 Gratia ut æqualis jam detur utrique sorori,  
 Altra quòd has foveat, quòd dedit altra Scholas.

*Transitio*



*Transitio ad Aulas, seu hospitia litteraria.*

- Cancell.* Hiis sed adhuc arctis nolens contenta videri  
 Finibus, est aliis urbs quoque culta locis.  
 Scilicet hæc aulis olim plenissima, Musis  
 Parturiit foetus urbs populosa novos.  
 Quæ nova progenies urbisque Colonia ducta,  
 Crevit in immensum viribus aucta suis.  
 Tempus edax rerum multas absumpsit, & aulæ  
 Quædam dant dictis ædibus apta loca.  
 Aulas jam tot habet, quot habent sua nomina Musæ,  
 Et par est numero turba novena novem.
- Regina.* Quin age ne pigeat, quum sis Præfectus & Aulis,  
 Aularum nobis nomina trita dare.

*Descriptio Aulæ Cervinæ.*

- Cancell.* Harum quæ forma est pulcherrima, proxima tectis  
 Aula, Wykame, tuis ordine prima subit.  
 Quæ licet hîc primas videatur habere, sororum  
 At nulli laudem detrahit illa suam.  
 Inclyta nobilium numerosa pube referta,  
 Cervina à cervi nomine dicta domus.  
 Eminent hæc aliis formæque situsque nitore,  
 Ut cursu canibus cerva præire solet.  
 Unde suo merito Cervina hæc dicitur Aula,  
 In media Cervi cornua fronte gerens.

*Epitome aliarum Aularum.*

- In reliquis sermo fiet contractior, octo  
 Quæ restant variis undique sparsa locis.  
 Aulica duntaxat vulgataque nomina paucis  
 Attingam, & brevibus puncta notabo metris.
- Regina.* Sed cave, ne nimium dum tu brevis esse laboras,  
 Obscurus fias hac brevitate tua.
- Cancell.* *Candida, Lata, Nova*, studiis civilibus apta,  
 Porta patet Musis, Justiniane, tuis.  
 Quæ restant, aliis discendis artibus Aulæ  
 Sunt propriæ, quibus hæc nomina prisca manent.  
*Sacra Mariæ, Alburnensis, Glocestria*, divi  
*Edmundi*, ac demum *Magdalis* aula frequens.
- Per-*

*Peroratio Cancellarii.*

His inclusa modis en qualiacunque Ducatus  
Septa mei, Princeps Elisabetha, vides.

*Regina.* Ex his jam tandem, Roberte, intelligo, cur tu  
Dux magis hîc, alibi quam Comes esse velis.  
Næ tu præclarum nactus videre Ducatum,  
Cui sunt tantorum tot monumenta virûm.  
Siccine currenti (quod vulgò dicitur) istis  
Carminibus properas subdere calcar equo?  
Ut magis hæc lubeat præsentia cernere, quæ tu  
Magnifico narras ore stupenda loca?

*Cancell.* Quod si audita placent, multo magis ista placebunt,  
Si præsens oculis hauseris ista tuis.

*Regina.* Quin age tu comitem mihi te (comes inclyte) præbe,  
Ut monstres digitis quæ modo lingua docet.

*Cancell.* Hoc equidem faciam promptus, gratesque laboris  
Hujus suscepti nomine gratus agam.

Quin & tota cohors mecum prostrata studentûm  
Advolet genibus se resupina tuis.

Quæ quum multa tibi (Princeps præclara) tuisque  
Debeat, hoc uno nomine tota tua est.

Quòd Musis olim Mœcenæ alter adesse,  
Quum pater Henricus cœperit ille tuus,

Et dederit studiis stipendia digna fovendis,  
Publica lectorum vox quibus ore præit,

Tu proles tali tantoque simillima Patri  
Hæc larga foveas continuata manu.

Dum quas radices pater hîc plantavit, easdem  
Æmula munifico filia rore rigas.

Sic sic perge tuo non impar esse parenti,  
Patrizans Patri par pietate pari.

Nec dubita quicquam, quin incrementa daturus  
Sit Deus, & sumptu præmia digna tuo.

Interea vero communi nomine grates,  
Quas summas habet, urbs hæc tibi tota refert.

Privatimque sacræ linguæ prælector Hebræus  
Privato grates nomine gratus agit.

Qui tibi ne sterilis maneat, vel inutilis arbor  
Fructus, quos potuit plantula ferre, tulit.

Tu quales quales fructus (clarissima Princeps)  
Oblatos hilari fronte, manuque lege.

*F I N I S.*











